

NY FAMERENANA

AN'ILAY HAZO AMPAKARINA



Misaotra anao, Rahalahy Orman. Andriamanitra hitahy anao.

Manao ahoana, ry sakaiza. Ary tombontsoa iray ny tafaverina ato amin'ny tabernakla, eo amin'ity marainan'ny Paska mahafinaritra ity, manompo, ilay fitsanganana lehibe an'ny Tompo sy Mpamonjy antsika, Jesosy Kristy.

² Tiako ny hilaza fa izaho tokoa dia... Tamin'ireo hafatra rehetra izay hany reko notorian'ny pasiterantsika, ny anankiray azy tsara indrindra dia aninkeo maraina. Nandeha nody aho ary niteny tamin'ny vadiko. Hoy aho hoe, "Malala, ity no maraina anankiray izay nahadiso anao an'ilay izy, nohon'ny tsy nifohazana aloha." Izany no tsara indrindra izay reko ny amin'ny fitsanganana, teo amin'ny fiainako rehetra. Tsy nandre zavatra tsaratsara kokoa mihitsy aho, ny amin'ny fitsanganana noho izay nomen'ny pasiterantsika aninkeo maraina. Tena hafatra iray mahatalanjona, ka ny zavatra rehetra dia teo amin'ny toerany mihitsy. Izany no maneho, fa, rehefa mihazona olona iray ny hosotra, hitanareeo, izany—izany no mitranga. Manao zavatra iray izany amin'izay fotoana izay. Ary tena faly isika fa—fa nanome antsika an'io pasitera mahafinaritra io Andriamanitra.

Ary ankehitriny dia te-hisaotra ny isan'isany sy ny tsirairay avy aminareo aho.

³ Efa elaela kely no naha-teto anay ankehitriny, tamin'ny fotoana samihafa, nandroso sy niverina, fa hiainga ho any amin'ireo saha aho ankehitriny, araka ny fantatrareo. Amin'ity herinandro ity, dia hiainga ho any amin'ireo Cree Indians aho, any British Columbia any. Ary avy eo any, avy any, hankany Fort St. John. Ary avy eo, amin'ity fahavaratra ity, raha sitraky ny Tompo, dia ho any... any amin'ny Morontsika Andrefana rehetra, any Atsinanana, ary—ary any amin'ny Morontsiraka Andrefana, sy any Alaska, Anchorage, Alaska, ary manerana any. Ary avy eo, angamba, avy any, dia handefa mpandinika vitsivitsy ho any Afrika aho sy ny sisa amin'izao tontolo izao, ho an'ny ririnina ho avy. Noho izany dia ho fotoana vitsivitsy angamba izany alohan'ny hiverenako eto amin'ny tabernakla indray. Farafahakeliny, dia ho any amin'ny Aogositra izany na fotoana iray amin'ity fararano ity, alohan'ny ahafahako hiverina indray.

⁴ Ary te-hisaotra anareo rehetra aho ny amin'ny fiaraha-miasanareo mahafinaritra, ny amin'izay rehetra nataonareo. Ary

miala tsiny izahay fa tsy manana efitra mihitsy ho an'ny olona eto amin'ireto maraina ireto. Eo amin'ny tetik'asa fanorenana iray izahay ankehitriny, araka ny fantatrareo, mba hanorina fiangonana iray lehibe kokoa, rehefa...ho an'ireo fivoriana ireo. Ary noho izany dia hiditra ao amin'ny fanatanterahana angamba izany izao ankehitriny izao mihitsy. Hanomboka hanorina an'ilay fiangonana izy ireo. Ankehitriny aoka...

⁵ Izao koa, te-hisaotra ny isan'isany sy ny tsirairay avy aminareo aho ny amin'ny...ny amin'ireo fanomezana, karatra an'ny tsingerin-taona nahaterahana, karatry ny Paska, ireo fanomezana izay nomenareo an'i Billy, sy hafa, ho, an'ny... ary ireo ho ahy; Rahalahy Wood, ary maro amin'izy ireo. Mankasitraka azy rehetra ireo aho.

⁶ Ary ny tsirairay dia tonga sy milaza...Tsy fantatrareo hoe fisintonana iray toy ny inona izany. Ny olona iray tonga ka manao hoe, "Ankehitriny dia te-hahita an-dRahalahy Branham izahay. Te-hahita ny rainao izahay," sy ny sisa. Ka voalaza hoe, "Feno ny lisitra." Amin'izay fotoana izay, oh, tsy fantatrareo hoe toerana mahasaikatra iray toy ny inona no ametrahan'izany anareo, rehefa ianareo—ianareo—tena betsaka mihitsy no raisinareo. Izay ihany no azonareo atao.

⁷ Izaho—maniry aho ny mba nananako fotoana ela mihitsy miaraka amin'ny tsirairay avy, afaka hipetraka. Ary manantena ny hanao an'izany aho indray andro any. Fa tsy mety hisy izany, eto amin'ity tany ity, satria misy olona tonga ato avy any amin'izao tontolo rehetra izao, hitanareo, avy any amin'ny manodidina an'izao tontolo izao. Tamin'ity herinandro ity, dia nisy olona avy tany amin'ny firenena maro tato, ary efa nifampireshana sy nivavahana, tamin'ity herinandro ity, avy tany amin'ireo firenena manodidina an'izao tontolo izao.

⁸ Fa raha ny fiangonana kelintsika, eto an-toerana eto Jeffersonville fotsiny ilay izy, dia afaka haka ora roa na telo am-pifaliana miaraka amin'ny tsirairay avy aho, ary hanala ny ahi-dratsin'izany mihitsy ka handray azy ireo. Fa, hitanareo, raha mbola mety misy fotsiny, atao hoe, antso dimy avy amin'ny, na, angamba, antso roa avy amin'ny fikambanantsika eto an-toerana mihitsy, dia misy zato na roanjato avy any amin'ny manodidina an'izao tontolo izao, amin'ilay fotoana iray ihany izay ahatongavan'ireo roa ireo. Noho izany dia nisy an'arivony ara-bakiteny izay tsy azoko nokasihana akory aza, na aiza na aiza, hitanareo, ireo olona. Ary ireo antso ho "Tonga eto, sy handeha etsy," avy any amin'ny manodidina an'izao tontolo izao, ary ireo tapakilan'ny fiaramanidina nalefa, ny zavatra hafa rehetra, "Avia, mivavaha ho an'ny marary," nefä tsy afaka manao an'izany ianareo.

⁹ Noho izany, dia diso fanantenana ny olona. Izaho dia ho izany, ihany koa. Fa tiako fotsiny, eo amin'ity marainan'ny Paska ity, ny hanao ny fiaikeko, mba hilaza fa—fa tsy fantattro izay

hatao mikasika an'izany. Misy be loatra fotsiny, fantatrareo, ho—ho karakaraina, olona an'arivony sy an'arivony avy any amin'ny manodidina an'izao tontolo izao. Efa nahavita ny diako fahafito nanodidina aho, araka ny fantatrareo. Ary efa nifandray manokana tamin'ny olona maherin'ny folo tapitrisa aho avy amin'ny manodidina an'izao tontolo izao.

¹⁰ Noho izany dia azonareo eritreretina hoe ahoana—ahoana ny, fisintonana iray toy ny inona izany eo aminareo. Ary matetika dia midôna amin'ireo fisintonana kely izahay, ary fantattro fa ianareo dia midôna, ihany koa, ary ireo fahadisoam-panantenana kely. Fa eritrereto ireo izay ananako, ireo fahadisoam-panantenana izay ananako, rehefa reny marary no eo amin'ny telefona, manao hoe, “O Andriamanitra...” Eny, andraso iray minitra fotsiny, Ranadahy Branham. ‘Tompo Jesosy, izaho—izaho—mivavaka aho mba Handefasanao azy.” Ary—ary vao manantona an'ilay telefona fotsiny aho avy amin'ny anankiray hafa, dia *eto*, sy *eto*, ary *eto*, ary manodidina an'izao tontolo rehetra izao. Fantatrareo hoe ahoana ilay izy. Ary izany—tsy mora izany rehefa misy olona iray eo amin'ny tendron'ny telefona, miaraka amin'ny zazakely marary iray, na vady lahy marary iray, na vady vavy iray eo am-pahafatesana, mivavaka mba ahatongavanareo. Ankehitriny, dia afaka mieritreritra ianareo.

¹¹ Tsy mahagaga raha mikorontan-tsaina aho. Ilay izy fotsiny dia... Ampy hahavita anankiray fotsiny ilay izy. Fa ity zavatra anankiray ity no nataoko, raha tokony hanao fahasaratana iray. Niezaka aho ny hifikitra mafy, amin'ny fihazonana ny masoko eny Kalvary ka mandroso, arak'izay Tiany hataoko fotsiny. Ary maro amin'ireo fahadisoako, mivavaka aho mba hamelan'Andriamanitra ahy ny amin'ireo zavatra, hoe angamba tokony nandeha tany amin'ny toerana anankiray aho nefat sy nandeha. Olombelona fotsiny aho, ary afaka...iharan'ny fahadisoana.

¹² Nisy zavatra kely, mahafatifaty voalaza teto tao an-tokotany taoriania, aninkee maraina, rehefa nivoaka avy tao amin'ny fivorian'ny fiposahan'ny masoandro aho.

¹³ Manana sakaiza antitra sarobidy iray aho. Eto angamba izy any ho any. Avy any Chicago izy. Ny anarany dia Stewart. Izy dia eo... Ed Stewart, ataoko fa eo amin'ny fahadimy amby fitopolo taonany izy, na mihoatra. Ary nihaoana tamiko izy tao. Ary mitahiry ny volany folo cents ho ampahafolon-karena izy. Ary fonosan'ampahafolon-karena iray manontolo no nomeny ahy, saiky tahaka an'izao. Ary, oh, tsy fantattro, izaho... Mazava ho azy, mandeha ho an'ny asa any ivelany, an'ny misiona izy ireo.

¹⁴ Ary ny sakaizany tsara, sy ahy, Rahalahy Skaggs, Leonard Skaggs, avy any Lowell, Indiana, dia nitsangana tany. Ary tsy nahafantatra mihitsy aho tany aloha; Franc Maçon iray izy.

Nanana bokotra Franc Maçon iray izy teny aminy. Ary niresaka mikasika ny lamin'ny Franc Maçon izahay.

¹⁵ Ary noho izany dia nilaza tamiko Rahalahy Stewart antitra, hoy izy hoe, "Tiako ianao, Rahalahy Branham, ary tiako ny hiresaka aminao." Mamelà an'ilay fitenenana. "Saingy," hoy izy, "sarotra azo noho ny harem Turc ianao."

¹⁶ Nilaza tamiko ny olona iray, vao tsy ela akory izay, nanao hoe, "Faly aho fa tsy sarotra azo tahaka an'izany ny Tompo." Eny, tsy fanahy iniako ny ho tahaka an'izany. Tiako ny olona. Saingy izaho... Eritrereto fotsiny...

¹⁷ Nandeha nody aho dia niteny tamin'ny vadiko, ary nippetraka teo amin'ny latabatra izahay ka nihomehy, ho *sarotra* toy ny ahoana ny hahazo harem Turc iray, fantatrareo. Noho izany—noho izany aho...

¹⁸ Manantena aho fa tsy tena sarotra tahaka an'izany ilay izy, Rahalahy Stewart, raha mbola ato foana ianao. Fa azoko antoka fa nihevitra aho fa hatsikana kely izay karazany nanao fihomehezana iray ho anay rehetra izany.

¹⁹ Noho izany, maniry aho ny ho afaka hahita ny olona rehetra. Ary tiako ny olona rehetra. Marina izany. Na sakaiza iray izy ireo na fahavalao, dia mitovy ihany.

²⁰ Ary ankehitriny dia tena mila ny vavakareo ho ahy aho, amin'io favoriana ho avy io. Handeha eo anivon'ireo Indiana aho. Ary fantatrareo, ianareo, rehefa any Roma ianareo, dia tsy maintsy Romana iray; ary rehefa miaraka amin'ireo Indiana ianareo, dia tsy maintsy miaina tahaka ny Indiana.

²¹ Ny misionera sakaizako, izay mpiara-mihaza amiko, izay nisy ahy, tany amin'ilay lèlè-malalaka, Alaskan Highway. Lehilahy tanora iray tena mahafinaritra, sy ny vadiny, avy tamin'ny ankohonana iray mahafinaritra. Ary izaho... Nisy bontsibontsina ny sandry, teto, ary nanerana tao ambadiky ny sofiny rehetra sy ny sisa. Ary nanontaniako ny olona taminy hoe, "Tratry ny aretin-koditra iray ve izy?" Avy tamin'ny parasy sy kongona ilay izy, izay tsy maintsy ni... ahoana no tsy maintsy niainany tany. Ary noho izany dia tsy maintsy miaina miaraka amin'ny olona mihitsy ianareo, mba hahazo azy ireo ho an'i Kristy. Lovan'i Kristy izy ireo. Izy ireo no olona izay Nahafatesany, ka tsy maintsy misy olona mandeha mankany amin'izy ireo.

²² Ary tany amin'iray tamin'ireo favoriako vao haingana tany avaratra ilay sefo, ary ny Fanahy Masina tao amin'ilay favoriana, na tao amin'ilay toby, teo amin'ilay tany (kianjan'ny mpizaha tany, mino aho fa izay ilay izy), dia niantso ny anarany, sy hoe iza izy, ary inona no nataony. Ary, oh, oadray, nilamina hatreо izany, taminy. Fantany fa tsy olombelona no afaka nanao an'izany; tsy maintsy avy amin'ny Tsitoha izany.

²³ Noho izany, io sefo io fotsiny no nandrehitra an'izany, ambony sy ambany rehetra an'io morontsiraka any io. Ary hanao fivoriana ao anatin'ny sambolay kely iray izahay, hitety an'ireo toerana izay ho tratrarinay, Portland, ary manohy any, sy any amin'ny morontsiraka, ary hankany amin'ireo hafa, hankany amin'ireo Cree Indians, ilay tsy noraharahiana. Maro amin'ireo rahalahy, izay manao fivoriana goavana, no tsy afaka nandeha nankany amin'izany. Ankehitriny, ireo Indiana . . .

²⁴ Tsy hisy vola iraimbilanja anankiray . . . Araka ny fantatrareo, tsy maka rakitra iray mihitsy aho ao amin'ireo fivoriako. Ary tsy maka vola aho. Fa ny fiangonana eto no—no manohana an'io fivoriana ho an'ireo Indiana io. Ny sasany amin'ireo vola ampahafolon-karenanareo, sy ny sisa, no handoa, hitondra an'ity Hafatry ny famonjena sy fanafahana ity hankany amin'ireo Indiana mahantara, tsy mahay mamaky teny ireo.

²⁵ Ary sady izay koa, izy ireo no Amerikana, fantatrareo. Isika dia vahiny, hitanareo. Tonga isika ka naka an'izany avy tamin'izy ireo. Ary tantsika . . . Tsy afaka mamerina ny fireneny amin'izy ireo aho, saingy afaka manome azy ny fanantenana ao amin'i Kristy, izay hametraka antsika miaraka toy ny mpirahalahy indray andro any ao amin'ny Tany iray izay tsy misy ady sy fangalana tany, ny iray avy amin'ny hafa. Ho Tany iray izany, efitra ho an'ny rehetra. Hankasitraka aho rehefa tonga izany fotoana izany, raha voavonjy ireo malalako ary vonona amin'izany fotoana izany.

²⁶ Ankehitriny, manana sakaiza maro aho izay hitako, mipetraka manodidina eto, raha nireshaka aho. Mino aho fa mahamarika an-dRanabavy . . . Tsy afaka mieritreritra ny anarany aho. Taloha dia i Lee. Marina ve izany? Tsy Rtoa. Lee ve ianao? Eto ve ny zanakao vavy, ireo zanakavavy, ilay anankiray izay sitrana? Tena mahafinaritra izany. Ny anankiray dia tao amin'ny Good Shepherd's Home, na tsy . . . Inona no niantsoana azy? "Rahavavin'i . . ." (Toeram-pitsaboana Katolika iray) "Lady of Peace," izany ilay izy. Afanganoko daholo ireo anarana Katolika ireo. Ary noho izany, tany, ary izy dia . . . tratra ny fahavoazana ara-tsaina, mikorontana. Ary ilay Tompo Jesosy malala, raha mbola nipetraka izahay . . . Nipetraka teo an-tongom-pandriana aho, ary nitsangana akaiky ny reniny sy ny rainy sarobidy. Ary nanambara ny Tompo Jesosy fa vita ilay izy, tapitra. Io izy. Tapitra ny rehetra. Ary, mazava ho azy, fantatsika fa tena mankasitraka ilay anabavy izao maraina izao, ary . . .

²⁷ Mijery eo aho ka mahita an'ireo olona izay teo am-pahafatesana, vao haingana, niaraka tamin'ny homamiadana. Nandady tato, teo amin'ny sezamisy kodiarana, tehina; ary indro izy ireo, ara-dalàna sy salama, izao maraina izao. Manerana an'izao tontolo izao izany. Tsy avy amiko; avy Aminy, ny Tompontsika Izay nitsangana tamin'ny maty, dia velona

mandrakizay. Ho deraina sy hisaorana mandrakariva anie ny Tompontsika, izany no fivavako tso-po.

²⁸ Hivavaka ho ahy ve ianareo? [Hoy ny fiangonana hoe, "Amena."—Mpand.] Mivavaha ho ahy ianareo rehetra. Ankehitriny, izaho—miankina amin'izany aho. Ary rehefa tonga aho, hitanareo, eto ato an-trano, dia tsy ratsy loatra ny eto; fa rehefa tonga any ianareo izay hahatongavanareo marina tokoa eo amin'ilay lohan'ady. Fiofanana ity.

²⁹ Nihaino aho, omaly, rehefa ny fiangonantsika no nividy fi—fiara vaovao iray ho ahy, ary izaho...mba hanaovana dia. Ary saiky efa simba tanteraka ilay ahy anankiray hafa. Ary noho izany aho—nalefako ny radio ary nihaino an'ilay filazam-baovao aho. Ary avy eo dia tonga izy ireo, omaly hariva, avy tany amin'izay nandehanako sy Joseph nivavaka. Avy eo izahay, tonga avy tany Green's Mill, izy ireo... Nalefako ny radio. Filazam-baovao ilay izy, ary niteny an'izany, nanaraka, nanaraka lehilahy tanora iray tao amin'ny fiofanany io *Mpanofana* io. Ary ahoana fa nitsangana teo izy niaraka tamin'ny paosiny feno fasika sy ny zavatra rehetra, izay tsy maintsy nihazonany ny lohany tena ambany, nandeha teo ambonin'ny lohany mihitsy ny balan'io basy marovava io raha mbola nandady nanerana an'ilay fefy tariby sy ny sisa izy, nanao fiofanana henjana iray.

Eny, izany no ataontsika eto.

³⁰ Fa ankehitriny dia misy fahasamihafana betsaka izany eo amin'ny lohan'ady. Hitanareo? Voahitsy io basy marovava io, voafana tsara eo amin'ny ambaratonga anankiray. Fa, eo amin'ny lohan'ady, dia afaka miakatra sy midina izany. Hitanareo? Noho izany—oho izany dia samihafa kely ny any, hitanareo, noho izay—oho izay misy. Noho izany isika dia manana ny...

³¹ Eny, fiofanana ity, eto. Fa any ivelany any dia eo amin'ny lohan'ady ianareo, noho izany dia hiatrika an'ilay fahavaloo isika ankehitriny. Noho izany isika dia niady fahiny...nihira hira kely iray teto hoe, *Mandeha Ny Ady*. Mbola misy olona mahatadidy an'izany hira izany ve?

Mandeha ny ady, O ry miaramila Kristiana,
Ary mifanatrika ao amin'ny laharana mifanety,
Miaraka amin'ny fitaovam-piadiana mamiratra,
 ary mihofahofa ny saina,
Raikitra androany ny tsara sy ny ratsy.

Marina izany. Hitanareo?

Mandeha ny ady, saingy aza reraka,
Aoka hahery ary mihazôna mafy ao amin'ny
 Heriny;

Raha momba antsika Andriamanitra, dia eo ambonintsika ny Fanevany,
Hihira ny hiram-pandresena isika amin'ny farany.

³² Marina izany. Ankehitriny, nisy zavatra maro izay tokony ho lazaiko, izao maraina izao, saingy somary nohafoheziko ilay izy, misy olontsika mitsangana sy mifanety. Ary manana famoaham-peo kely izy ireo ho an'ny any ivelany, ary fampitam-peo kely iray, neveriko, mba ahafahan'ny fiara tsirairay... Ilay rafitra fampitam-peo no mamela antsika handeha hankany amin'ny yards maro avy eto amin'ny tabernakla, miaraka amin'izany. Ary noho izany, isika, miezaka isika ny hankasitraka ny famangian'ny olona rehetra miaraka amintsika izao maraina izao.

³³ Ankehitriny, alohan'ny andehanana lavitra kokoa, dia ndao isika hilaza fa... Ankehitriny, aorian'ity avy hatrany, neveriko, dia fotoan'ny batisa. Voalohany, ny laharam-bavaka. Hivavaka ho an'ny marary isika, izao maraina izao. Neveriko, ny fahatongavan'Andriamanitra eo amin'ny sehatra no porofo iray an'izay resahantsika, ny Fitsangananany. Velona ve Izzy, sa tsy velona Izzy? Tantara foronina fotsiny ve Ity, sa Izany no Fahamarinana? Raha velona Izzy, dia Izzy no nanao teny fikasana iray hoe, "Homba anareo isan'andro Aho, hatramin'ny fahataperan'izao tontolo izao mihitsy aza." Ankehitriny, raha Izzy—raha tonga eto anivontsika eto Izzy ka manaporofa fa eto Izzy, amin'izay fotoana izay dia tsy misy tombatombana intsony mikasika an'izany. Hitanareo?

³⁴ Tsarovinareo, ireo fivavahana rehetra eto amin'izao tontolo izao, manana an'ireo androny masina sy andro tsy fiasana izy ireo, sy ny sisa. Fa tsy misy iray amin'izy ireo afaka manaporofa fa ny Mpanorin'izy ireo... Fa, ny fahafatesana no naka azy, ary izay ihany ny amin'izany. Fa, ny antsika, fivavahana Kristiana, maty ny Mpanorintsika ary nitsangana indray.

³⁵ Tany Mexico, vao haingana, rehefa nanontanian'ny mpanao gazety aho, mikasika ny fitsanganan'ilay zaza kely izay maty tamin'io maraina io tamin'ny sivy ora. Ary tamin'ny folo sy sasany tamin'io alina io, tamin'ny folo sy sasany na tamin'ny iraika ambin'ny folo ora, dia nitsangana tamin'ny maty, teny an-tsandrini'lay reny mihitsy teo amin'ny lampihazo, teo anatrehan'ny olona iray alina. Telo alina no nanatona an'i Kristy tamin'io hariva io. Hitanareo? Koa, noho izany, dia azonareo eritreretina izay niseho tany.

³⁶ Ary ilay zaza kely, nahita fahitana iray aho teo anoloako; ary izany dia nilaza mikasika ny hoe iza no anarana keliny, sy ny zavatra rehetra. Ary tany amin'ny farany aoriania ilay reny, tsy afaka nahazo karatra fangataham-bavaka iray, tsy afaka niditra. Fa tsy nila nitsangana izy, nanerana an'ilay laharana. Noho izany rehefa nentiny ilay zaza kely; nanorana ny andro, nivatravatra.

³⁷ Mieritreritra antsika mitsangana isika; eritrereto izy ireo. Tamin'ny sivy ora maraina izy ireo no efa teo, ho an'ny fotoana hanomboka amin'ny sivy tamin'io alina io. Nitsangana tao amin'ny masoandro mahamay, nifampiankina, ho an'ny alokaloka. Nitsangana, fa tsy nipetraka; nitsangana. Ary tahaka an'izany no ataon'izy ireo, Afrika sy toerana samihafa, any Inde, izay antsasaky ny iray tapitrisa no miangona, amin'ny fotoana iray.

³⁸ Ankehitriny, tsy afaka nahazo karatra fangataham-bavaka iray akory aza io vehivavy kely io. Mihoatra, teo amin'ny mpampiditra olona telonjato teo, mba hihazona azy, mba tsy ahafahany hiditra ao amin'ilay laharam-bavaka. Ary nitsangana teo nivavaka ho an'io zaza kely io; vehivavy kely, Katolika iray. Ary niantso ny Fanahy Masina ka nanao hoe, "Teneno izy hitondra azy eto."

³⁹ Ary ilay zaza kely, teo ambanin'ny bodoftsy mando iray; efa nitsangana teo hatramin'io maraina io. Nanambara ny dokotera fa maty izy. Ankehitriny, manana ny filazan'ny dokotera mikasika an'izany isika, izay nanambara fa maty izy, tamin'io maraina io tamin'ny sivy ora. Ary avy eo ity dia tamin'io alina io, saiky misasakalina. Ary izaho, nanaraka mihitsy, an'izay nolazain'ilay fahitana, nandeha aho, nametra-tànanana teo amin'ilay zaza kely. Teo izy, velona. Nijoro vavolombelona ilay dokotera.

⁴⁰ Nanontanian'ny mpanao gazety aho. Ary noho izany, tsy misy na inona na inona anoherana ny finoan'ny olona, raha mbola araka ny Baiboly foana izany, dia mety tsara. Fa ilay lehilahy izay nanontany ahy dia Katolika, ary hoy izy tamiko hoe, "Mino ve ianao fa afaka manao an'izany ireo olo-masinay?"

⁴¹ Hoy aho hoe, "Raha velona izy ireo." Mazava ho azy, fantatroy fa ny fiangonana Katolika dia mino fa tsy maintsy maty ianareo, mba ho olo-masina iray. Koa noho izany dia hoy aho hoe, "Raha velona izy ireo, dia eny."

Dia hoy izy hoe, "Oh, tsy afaka ny ho olo-masina iray ianao raha tsy maty."

⁴² Hoy aho hoe, "Olo-masina iray talohan'ny nahafatesany ve i Paoly sa taorian'ny nahafatesany? Ho an'iza no nanoratany, ireo olona maty ve, rehefa nilaza izy hoe, 'Ho an'ireo olo-masina izay any Efesosy,' ary ireo olo-masina izay any amin'ny toerana *anankiray*? Tsy ho nanoratra ho an'ny olona maty izy, fantatroy."

⁴³ Koa noho izany dia hoy izy hoe, "Ankehitriny dia miezaka mitsara ny raharahanao amin'ny alàlan'ny Baiboly iray ianao. Izahay no fiangonana."

Hoy aho hoe, "Eny àry, tompoko. Eka."

Dia hoy izy hoe, "Izahay no fiangonana."

⁴⁴ Hoy aho hoe, “Noho izany dia ndao jerentsika ny fiangonana manao an’izany.” Hitanareo? Koa, noho izany, Kristy irey ihany no afaka manao an’izany. Fantatrareo izany.

Hoy izy hoe, “Inona ny hevitrao mikasika ny fiangonana Katolika?”

Hoy aho hoe, “Maniry aho ny tsy hanontanianao ahy an’izany.” Hitanareo?

Hoy izy hoe, “Eny, tiako ny handre an’izany.”

Dia hoy aho hoe, “Ny endrika ambony indrindra momba ny fanahy izay misy.”

Dia hoy izy hoe, “Momba ny fanahy?”

Hoy aho hoe, “Eny, tompoko.”

Hoy izy, “Ahoana no anehoanao an’izany?”

⁴⁵ Hoy aho hoe, “Ny zavatra rehetra izay manelanelana amin’ny maty; fiombonana amin’ny olo-masina, hitanao.”

Dia hoy izy hoe, “Eny, mivavaka amin’i Kristy ianao, nefy maty Izzy.”

Hoy aho hoe, “Saingy, nitsangana indray Izzy, hitanao.”

⁴⁶ Noho izany, izany ilay zavatra tsara izay fantatsika, nitsangana indray Izzy. Tsy mankasitraka ve isika?

⁴⁷ Ndao isika hanondrika ny lohantsika ka hisaotra Azy satria nitsangana avy tao am-pasana ho an’ny fanamarinana antsika Izzy.

⁴⁸ Ray any An-danitra, mankasitraka an’i Jesosy izahay izao maraina izao; ary androany, ao amin’ny fahatsiarovana ny Fitsanganany lehibe, tamin’io vao maraina be izay Nitsanganany tamin’ny maty io, nandresy ny fahafatesana, ny helo, ary ny fasana. Fony Izzy teto an-tany, dia Nasehony fa nandresy ny aretina Izzy, ny faharariana, ary—ary ireo karazana devoly sy hery rehetra. Avy eo dia nipetraka teo Anatrehany ny fahafatesana, ilay fahavaloo lehibe sy farany. Ary tamin’ny marainan’ny Paska dia Noporofoiny fa Andriamanitra Izzy. Nitsangana avy teo amin’ilay fahavaloo mihitsy aza Izzy, izay tsy afaka nihazona Azy. Nandao Azy ny fasana; tsy maitsy namoaka Azy ny helo; ny Lanitra no nandray Azy.

⁴⁹ O Andriamanitra, enga anie handray Azy ny fonay androany, ao amin’ny herin’ny Fanahy Masina, mba ahafahanay ho Mpanatanterany, Ny—Ny ohatrany, an’ireo Mpanompony eto ambonin’ny tany, raha mivahiny izahay. Ekeo izany.

⁵⁰ Tahio ny rehetra izay ato. Andriamanitra, ireto olona sarobidy izay mitsangana ireto, ny sasany amin’izy ireo dia efa nifanety tato hatramin’ny misandratr’andro. Mivavaka aho, Ray any An-danitra, mba Handrotsahanao an’ilay “mihoatra betsaka ambonin’izay rehetra azonay atao na eritreretina,” eo amin’izy ireo androany, ka omeo azy ireo ny faniriana lalin’ny

fony. Ho an'izay nahatongavan'ny tsirairay avy, izao maraina izao, dia enga anie izy ireo hiverina, afa-po. Ianao no nilaza fa tsy handà Ianao, fa hameno azy an'ireo zavatra tsara Ianao, ka handefa azy ireo mifaly. Ekeo izany, Tompo.

⁵¹ Enga anie ny Faratampon'ny herinao, enga anie Ny Fanahinao Masina, ao amin'ny herin'ny fitsanganana, tena hiasa amin'ny tsirairay avy aminay mandra-pahatonga ny fanantenanay tsy ho voaorina afa-tsy eo amin'ny Ràn'i Jesosy miaraka amin'ny fahamarinana. Ekeo izany, Ray.

Tahio ny Teny izay vakianay ankehitriny.

⁵² Misaotra Anao izahay ny amin'ilay hafatra mihaja aninkeo maraina, raha tonga aloha be teto am-pianganana izahay. Ary ny mahita Anao mandray ny rahalahinay, ary fiovàna iray tahaka an'izany teo aminy tao anatin'ny fotoana vitsy, ka nitory hafatra iray ho an'ity taranak'olona eo am-pahafatesana ity izay ampahany izahay ankehitriny, toy ny ahoana no isaoranay Anao ny amin'izany, Tompo! O Andriamanitra, mangovi-pifaliana ny fonay raha mieritreritra an'ireo zavatra ireo izahay. Ankehitriny, dia tehirizo ho voahosotra izy, Tompo, mandritr'ireo andro izay eo alohany, Tompo.

⁵³ Ary tahio ity fiangonana kely ity. Ary ampio aho, Tompo, raha mandeha hitondra ny Hafatra mankany amin'ny vahoaka hafa. Ary enga anie izahay, miaraka, tahaka ny olona anankiray, fianakaviana anankiray, hiraikitra miaraka, ary hivavaka miaraka, ka hiaina miaraka ao amin'ny firaisana masin'ny Fanahy Masina mandra-pandraisan'i Jesosy anay ao amin'ny Fanjakana. Fa mangataka an'izany amin'Ny Anarany sy ho an'ny Voninahiny izahay. Amena.

⁵⁴ [Hoy Rahalahy Neville hoe, “Rahalahy Branham, afaka manam-potoana hampiato anao ve aho?”—Mpand.]

Azo antoka afaka ianao, rahalahy.

[“Ho famantarana iray an’ny fankasitrahany ary avy tamin’ny—ny asan’ny lehilahy tanora iray eto anivontsika, dia manolotra anao an’ity sary ity izahay, Rahalahy Branham, miaraka amin’ny fanehoana feno ny fitiavanay sy fankasitrahany.”]

Misaotra anao, Rahalahy Neville, sy ny tabernakla.

[“Ilay lehilahy tanora dia Jerry Steffy, izay nandoko an’io sary io.”]

⁵⁵ Rahalahy Jerry Steffy no nandoko an’ity sary ity. Andriamanitra anie hitahy an’io zazalahy io. Tena mahafinaritra izany, Jerry, raha eto ianao izao maraina izao. Tena mampalahelo loatra ilay izy, naniry aho ny hanana enti-manao hamela an’io zazalahy io handeha any an-tsekoly ho artista iray. Mino aho fa ao amin’ny zava-kanto Andriamanitra. Tsy mino an’izany ve ianareo? Ao amin’ny mozika Andriamanitra. Ao amin’ny

zava-kanto Andriamanitra. Ao amin'ity Andriamanitra. Ary mampalahelo loatra ny mahita talenta iray, tahaka an'izao, izay tsy afaka hivelatra. Arakaraky ny anaovany betsaka, no hivelarany betsaka. Ary izaho—mivavaka aho mba hitahian'Andriamanitra anao, ry Jerry.

⁵⁶ Ary misaotra anao, Rahalahy Neville, ary ho an'ity fiangonana ity, noho ity sary mahafinaritra ity sy nohon'ny andinin-teny izay mandeha eo ambaniny. Hovakiako izany aoriana kely. [Hoy Rahalahy Neville hoe, “Tianao ve ny hamakiako azy?”—Mpand.] Eny àry, tompoko. Hamaky an'ilay andinin-teny Rahalahy Neville. Somary nanana hevitra iray aho ny amin'izay...[Mamaky Rahalahy Neville hoe *Haja Ho An'Izay Hajaina*.]

[Tsy tsanganan'olona lava izy, na miavona amin'ny fanaony,]

[Tsy mitsoka trompetra ho an'ny tenany izy raha mandeha isan'andro.]

[Tsy manana fanirian-karena na laza, saingy tsy misy anankiray afaka hameno ny toerany.]

[Arak'izay ilanay azy mihitsy izy, Ranadahy Bill malalanay manokana.]

[Mampianatra anay amin'ny fahatokiana izy an'ilay Teny tsy misy loto.]

[Tsy misy hevi-dravina, tsy misy fitiavan-dera, manaraka ny Tompo fotsiny.]

[Malefaka sy malemy ny fiteniny, tsy mampakatra ny feony izy.]

[Afa-tsy ny miantsantso manohitra ny ratsy, ary noho izany dia tsy manan-tsafidy izy.]

[Tsy nanana fianarana betsaka mihitsy avy tamin'ireo kolejy sy sekoly.]

[Saingy fantany izay manan-danja ary azo antoka fa tsy adalain'olona izy.]

[Satria ny fahalalana izay nomena azy dia Mandrakizay avy any Ambony.]

[Tsy manana fanekem-pinoana izy, afa-tsy Kristy antsika, tsy manana lalàna afa-tsy Fitavana Masi-mandidy.]

[Tsy nisy filazana malaza tamin'ny fahaterahany ambany, manetry tena.]

[Fa ho anay dia izy no lehilahy malaza indrindra izay miaina eto ambonin'ny tany.]

[Manisa an'izany mihoatra noho ny tombontsoa izahay ny mahafantatra azy ho sakaiza iray.]

[Mankatelina an'izay rehetra tohanany izahay, ary ho izany hatramin'ny farany mihitsy.]

[Milaza izy fa tsy mpitoky teny iray, maotina arak'izay maha-izy azy izy.]

[Saingy ento eo amin'ny polipitra izy fa tsy sarotra ny hahita,]

[Mpaminany iray voatendry mialoha izy, avelao ny olona hiantso an'izany amin'izay tian'izy ireo,]

[Nanaiky fahasoavana lehibe ho antsika Andriamanitra rehefa nanome antsika andRanadahy Bill Izy.]

[“Sonia, ‘Ilay ondry vitsy.’”]

⁵⁷ Misaotra anao, Rahalahy Neville. Misaotra anareeo nohon’ny fiheveranareo. Iza no nanoratra an’ity? [Hoy Rahalahy Neville hoe, “Heveriko fa ny reniny no nanoratra.”—Mpand.] Izany dia...

⁵⁸ Tsy mendrika an’ireo zavatra ireo aho, ny filazana an’izany, saingy mihoatra noho ny vola rehetra eto amin’izao tontolo izao izany ho ahy. Hitanareo? Eritrereto fotsiny, olona iray mihevitra anareo ho Mpanompony, hitanareo, ho—ho mpanompon’Andriamanitra. Enga anie aho ho velona mahatoky amin’izany mandrakariva, izany no fivavako. Hitahy anareo hatrany anie Andriamanitra. Ho anareo isan’andro ny eritreritro. Ary izaho dia maneho fitiavana anareo, ihany koa.

⁵⁹ Ankehitriny, oh, manana zavatra maro mihitsy isika, afaka maka andro iray manontolo fotsiny isika nefo tsy ho tonga eo amin’ny Teny, hitanareo, tena zavatra mahafinaritra maro.

⁶⁰ Izaho dia nahazo fa—fahitana iray avy tamin’ny Tompo ka saika hilaza zavatra mikasika an’izany, ary—ary olona iray izay nanonofy nofy iray, izay, oh, noheveriko fa tena niavaka, mikasika ny Fihavian’ny Tompo. Ary izaho...

⁶¹ Rebekah kely, ny zanakovavy ery aorianea ery. Izaho... Na dia naneso kely azy aza aho vao teo. Nivoaka izy, nanao ny iray tamin’ireo karazana sa—satroka goavana iray. Dia hoy aho hoe, “Ankehitriny, malala, mitovy amin’ny akanim-borona iray ilay izy,” hoy aho hoe, “tsorakazo daholo no ao anatin, sy ny zavatra rehetra, tahaka an’izany.” Hoy aho hoe, “Mandehana, esory io.”

⁶² Avy eo, avy eo dia namaly ahy izy. Afaka minitira vitsy dia niverina izy; fantatrareo, ny fomba namaliany ahy, dia ny niverina. Tonga niaraka tamin’ny poketra goavana be iray izy, nentiny. Hoy aho hoe, “Avy taiza io zavatra io?”

⁶³ Hoy izy hoe, “Dada,” hoy izy, “manana tongotra goavana aho, noho izany dia ataoko fa haka an’ilay poketra goavana fotsiny aho mba hifanaraka amin’izany.” Noho izany, oh, ireo!

⁶⁴ Fa nilaza izy fa nanonofy indroa hoe nandeha tao anaty fiara izaho sy izy, ary niteny taminy ny amin’ny fisehoan’ny Tompo antomotra aho; ilay nofy iray ihany, tamin’ny fanindroany. Miandry ny fahatelo aho; angamba ny Tompo, amin’izay fotoana izay, dia hanome ahy ny dikan’izany.

⁶⁵ Ankehitriny, misy zavatra maro ho lazaina, fa ndao isika handeha avy hatrany eo amin'ny Teny ankehitriny.

⁶⁶ Mahatsapa ho tsara ny olona rehetra, manantena aho. Ary raha tsy izany ianareo, dia mivavaka aho mba hanaovan'Andriamanitra anareo hahatsapa ho tsara alohan'ny hifaranan'ity fivoriana ity, mba tsy hisy olona malemy eto anivontsika izao maraina izao, rehefa mifarana ity fivoriana ity.

⁶⁷ Ankehitriny, tokony hahatsiaro isika fa maty ho an'ilay tsy masina Kristy, ary isika izany. Hitanareo? Isika izany. Ary maty ho antsika Izzy, mba Ahafahany mamonjy antsika.

⁶⁸ Ankehitriny, afaka mandre ve ianareo manodidina rehetra, tsara? Ny eny amin'ny farany aoriana, afaka mandre tsara ve ianareo eny aoriana eny? Mandeha ve ny eny aoriana eny? Eka. Eny ary.

⁶⁹ Ankehitriny dia te-hamaky sasantsasany avy amin'Ny Teniny aho. Voalohany, ndao isika hamadika ankehitriny ao amin'ny Bokin'ny Joela, ary tiako ny hamaky ny andininy faha-1, andininy faha-1 hatramin'ny faha-4. Ary avy eo ny faha-2, hatramin'ny...toko faha-2 ary ny andininy faha-25. Ary Genesisy 20:7. Ankehitriny, tena mankasitraka aho...

⁷⁰ Ankehitriny, raha reraka ianareo ka te-hivoaka, dia mandehana Hitanareo? Fa, ity no ho Hafatra farany ho an'ilay Fiagonana, ho, ity ampanhan'ilay Fiagonana ity, mandritry ny fotoana iray. Ary manantena asam-panasitranana iray isika izao maraina izao. Ary izaho—tiako ity Hafatra ity, raha hitahy Azy Andriamanitra, mba—mba hilentika Lalina ao am-pontsika, mba hahazoantsika ny dikan'izay Tianny lazaina.

⁷¹ Ankehitriny, eto isika mba haneho, mba—mba hilaza an'ireo zavatra izay inoantsika, ary hanaporofo an'izany amin'ny alàlan'ny Soratra, hoe ny Soratra no miteny an'izany; ary avy eo dia enga anie hitodika Andriamanitra ka hanaporofo an'izany, hoe marina izany, marina, hanao an'izany ho misy. Mitovy fotsiny amin'ny...

⁷² Hoy ianareo hoe, “*Ity dia voan'ny tanamasoandro iray.*” Amboleo izy dia jereo hoe inona izy. Noho izany, raha mitsimoka tanamasoandro iray izy, dia milamina hatreo izany. Tanamasoandro iray izy. Hitanareo? Izay ihany.

⁷³ Ankehitriny, ary raha miova sezà ny sasany amin'izy ireo, matetitetika; mipetraka ny olona iray, mitsangana ireo hafa ka miandry vetivety. Ary ho fohy mihetsy arak'izay vitako aho.

⁷⁴ Ankehitriny, tsarovy, mivavaha ho ahy. Ary aoka ho mahatoky amin'ny fiagonana mihetsy ankehitriny; mijanònà tsara eto amin'ny fiagonana, miaraka amin-dRahalahy Neville. Ary ianareo olona izay mitsidika, eny, ankehitriny, miverena.

⁷⁵ Ary ankehitriny dia eo amin'ireto fivoriana ireto aho, mandeha eo amin'izy ireo tsy misy antso voafaritra. Fa, tsy afaka

mipetraka eto fotsiny aho; eo am-pahafatesana izao tontolo izao. Hitanareo? Ary nanana an'izany fahatsapana izany i Paoly fahiny. Ary nandeha nankany amin'ny faritra iray hafa izy, fa tamin'izay fotoana izay dia nahazo antso iray an'i Makedonia izy, teny an-dàlana. Ankehitriny, afaka nanome antso iray an'i Makedonia Andriamanitra, amin'ny fotoana rehetra. Foanako ny zavatra rehetra, rehefa manome antso iray Andriamanitra.

⁷⁶ Manao ny tsara indrindra izay vitako fotsiny aho, mandeha any amin'ity zorony ity, mamafy voa; ary *eto*, mamafy voa vitsivitsy; ary *eto*, manipy, mamafy voa vitsivitsy. Fantattro, fa manangona maro amin'izy ireny ireo vorona eny amin'ny habakabaka; ary kenda ny sasany amin'izy ireo, sy ny sisa. Fa mety hisy vitsy, ao anatiny ao, hitsimoka, ihany koa, fantatrareo, eo amin'ny tany tsara. Noho izany dia ndao fotsiny isika hamafy an'ilay voa, izany no zava-dehibe.

⁷⁷ Tena famakiana hafahafa mihitsy, ho an'ny—hafatry ny Paska iray, Joela, ny toko faha-1.

Ny tenin'ny TOMPO izay tonga tamin'i Joela zanak'i Petoela.

Henoy izao, ianareo lahy antitra, ary mandrenesa, . . . ianareo mponina amin'ny tany. Moa efa nisy tamin'ny andronareo ve izao, na tamin'ny andron'ny razanareo mihitsy aza?

Teneno . . . amin'ny zanakareo izao, ary aoka ny zanakareo hiteny amin'ny zanany, ary aoka ireo zanany amin'ny taranaka hafa.

Izay efa sisany kijeja dia nohanin'ny koraika; ary izay efa sisany koraika dia nohanin'ny valalavao; ary izay efa sisany valalavao dia nohanin'ny sompanga.

⁷⁸ Ankehitriny ny andininy faha-25 an'ny toko faha-2.

Ary haveriko aminareo ireo taona izay efa nohanin'ny koraika, ny valalavao, sy ny sompanga, ary ny kijeja, ny . . . ary ny kijeja, ny tafiko lehibe izay nalefako teo anivonareo.

Ary hihinana ho voky ianareo, ka ho afa-po, ary hidera ny anaran'ny TOMPO Andriamanitrareo, izay efa nanao fahagagana taminareo: ary tsy ho menatra mihitsy ny oloko.

⁷⁹ Ao amin'ny Genesisy, ny 20, ny Genesisy. Ny toko faha-20 an'ny Genesisy, ary ny andininy faha-7. Tiako ny hamaky an'ity, mba hanaraka ny . . . ho an'ny foto-kevitra ho an'ity lahateny ity izay izaho—vonona ho raisiko. Hanomboka amin'ny andininy faha-6 aho, mba hahazoana fototra iray ho an'ity.

Ary hoy Andriamanitra taminy tao amin'ny nofy, Eny, fantattro fa nanao an'izany tamin'ny fahitsian'ny fonao

ianao; fa izaho—fa izaho koa dia niaro anao tsy hanota amiko: koa izany no tsy namelako anao hikasika azy.

Ankehitriny noho izany dia avereno amin-dralehilahy ny vadiny; satria mpaminany iray izy, ary hivavaka ho anao izy, dia ho velona ianao: ary raha tsy averinao izy, dia fantaro...fa ho faty tokoa ianao, ianao, ary izay rehetra anao.

⁸⁰ Ankehitriny, misintona lahateny iray avy amin'izany aho, na avy amin'ny famakiana an'izany Soratra izany, fehin-dahateny iray, antsoina hoe, "mamerina."

⁸¹ Ankehitriny, rehefa avy nitory Rahalahy Neville aninkeo maraina, an'io hafatra miavaka io, tamin'ilay zavatra izay nelazainy teo amin'ireo eritreriny farany, dia, "Mba ho tafaverina." Koa izany no nanome ahy an'ilay hevitra, teo mihitsy, ny "mamerina."

⁸² Ankehitriny, nandeha nody haingana aho ary nalaiko ny diksionerako, sy ny sisa, sy naotin-tSoratra vitsivitsy, ary nanomboka nandika zavatra. Ary avy eo dia nalaiko ny diksioneran'i Webster, mba hahita ny famaritana marina ny hoe *mamerina*. Ny *mamerina*, dia midika hoe, "mampody mankany amin'ilay tompony voalohany, na mitondra miverina mankany amin'ilay toerana nisy azy voalohany." Ary afaka mampihatra fitakiana iray isika, mba ho tafaverina.

⁸³ Ankehitriny, izany no lazain'i Webster fa dikan'ny teny hoe *mamerina*, "Mitondra miverina mankany amin'ilay tompony voalohany, na mitondra miverina mankany amin'ny toerana nisy azy voalohany." Ary raha atao eo amin'ny zavatra iray ny fitakiana, mba hanao an'io famerenana io, dia afaka mampihatra an'izany ianareo, manao azy hiverina eo amin'ny tena toerany.

Ary enga anie hitahy an'ireo teny tsotra Andriamanitra ankehitriny.

⁸⁴ Ny *mamerina*, dia midika hoe, "mitondra miverina." Na, ny *mamerina*, ny—azo ampiharina ny fitakiana iray, ankehitriny, mba hitondra ny zavatra rehetra hiverina amin'ny tompony ara-dalàna, izay misy azy. Noho izany, tamin'ny fomba iray, dia lasa niala avy tamin'ny tompony ara-dalàna ilay izy, ary afaka mirenireny na aiza na aiza. Fa, ny *mamerina*, dia mitondra azy miverina mankany amin'izay tompony marina tokoa, na mitondra azy miverina mankany amin'ny toerany ara-boajanahary izay nisy azy tany amin'ny voalohany, mitondra azy miverina amin'ny toerany ara-boajanahary. Ary mba hanaovana an'izany, dia manana zò iray isika hampihatra, raha misy lalàna iray, hampihatra an'io toeran'ny famerenana ara-dalàna io, *mamerina*.

⁸⁵ Ohatra raha nangalatra fananana iray ny olona iray, ka mihazona an'ilay fananana ho babo izy ireo. Amin'izay fotoana

izay dia afaka maka ny lalàna ianareo ka mandeha mankany amin'io olona io, ary ilay lalàna no manery, manery an'io olona io hamerina an'io fananana io hiverina amin'ny tompony araboajanahary, ao amin'ny toerany mendrika voalohany.

⁸⁶ Fampiharana! Oh, lahateny iray toy ny inona! Toy ny ahoana no hitiavako banana roa andro eo amin'izany, mampihatra!

⁸⁷ Ankehitriny, nitory teny ho antsika Rahalahy Neville. Hiresaka aminareo fotsiny aho, hampianatra lesona sekoly Alahady iray koa izany dia—hao an'ilay izy hitohy izany, manantena aho, amin'izay nananany.

⁸⁸ Mampihatra! Noho izany, isika dia ny... manana tombontsoa hampihatra, eo amin'i Satana, an'ireo fitakiana izay nomen'Andriamanitra antsika. Satria, manana lalàna iray Andriamanitra, ary Ny Teniny dia lalàna iray, ary nanao fitakiana maromaro ho an'ilay Fianganana Andriamanitra ao amin'ity Teny ity. Noho izany, dia manana zò isika hampihatra an'ireo fitakiana ireo eo amin'i Satana, ka hao hoe, "Avereno ilay izy," ary tsy maintsy ataony izany. Satria, afaka maka ny Mpiasan'Andriamanitra isika, ny Fanahy Masina, mandeha mandohalika avy hatrany isika, ka manao hoe, "Izany no HOY NY TOMPO HOE." Tsy maintsy mamotsotra an'izany izy, izay ihany, satria eo ny Fanahy Masina hampanao azy an'izany.

Ny lalàn'ny firenena dia ny hampihatra. Nataon'ilay firenena izany, ho an'ilay firenena.

⁸⁹ Fa ny lalàn'ny Fanahin'Andriamanitra dia ny hanery an'i Satana hamotsotra an'izay nananany tsy ara-dalàna, nalainy tamin'ny fitaka avy tamin'Andriamanitra. Ireo fanahin'ny lehilahy, nalainy avy tamin'Andriamanitra; ireo fanahin'ny vehivavy, ankizy. Aretin'ny vatana, no napetrany teo amin'ny olona. Nefa, Andriamanitra nanao azy ireo araka ny Endriny, mba hitovy Aminy, Ary ilay Fianganana dia nomena an'ireo zò feno ara-dalàna, tamin'ny alàlan'ny Baiboly, mba haka ny Fanahy Masina ka hampihatra an'izany aminy.

⁹⁰ Mino aho fa vao avy nanonona an'izany aho, tamin'ny fivoriana farany teto. Tsy azoko antoka. Fa tonga tao Louisville ny rahalahy iray, avy tany Georgia, ka namela ny fiarany tany, ary nisy olona iray nangalatra azy. Ary nanana an'ireo akanjony izy, ireo akanjon'ny vadiny, ireo akanjon'ny zanany. Rahalahy Evans eto izany. Mazàna izy ireo no eto. Mamily fiara dimanjato sy arivo maily izy ireo, isan'andro, rehefa manana fivoriana eto isika, tonga eto mba hao fivoriana. Ary teto ilay lehilahy mampalahelo tsy nanana na inona na inona, nefo fitonjato maily mahery miala amin'ny trano. Ary tsy fantany izay hatao.

⁹¹ Natolony an'ny polisy izany. Fa nanana fanambakàna goavana iray izy ireo tany Louisville; nangalatra fiara izy ireo, ary nandoko azy ireo. Ary ianareo dia afaka...tsy voatery banana titra iray, any, mba hivarotana azy. Ary afaka

manamboatra titra iray ho anareo izy ireo, ao anatin'ny minitratrantsy, ho an'ny nomerao izay tianareo apetraka eo amin'izany. Ary noho izany dia nanana fotoana nahatsiravina iray izy ireo.

⁹² Noho izany dia nandohalika izahay. Hitanareo? Ankehitriny, tsy voatery nanao an'izany Jesosy, satria Izzy no Teny. Ankehitriny, tsy ny Teny isika. "Ny Tenin'ny Tompo dia tonga tamin'ireo mpaminany." Tsy izy ireo no Teny, fa ny Teny no tonga tamin'izy ireo. Fa Jesosy no Teny. Hitanareo? Tsy voatery nivavaka Izzy. Andriamanitra Izzy, Izzy tenany. Hitanareo? Fa isika no—no Mpaminaniny, ireo Mpanompony, izay ahatongavan'ny Tenin'ny Tompo. Noho izany, ny mpaminany dia amarinin'ny, na ny Tenin'ny Tompo ilay izy na tsia, amin'ny alàlan'izay lazainy ka miseho.

⁹³ Koa noho izany dia nanana Soratra iray isika eto, izay nilazan'i Jesosy hoe, "Na aiza na aiza iangonan'ny roa na mihoatra amin'Ny Anarako, ary raha hifanaiky izy ireo, dia ho eo afovoan'izy ireo Aho. Ary raha hifanaiky eo amin'ny fikasihana zavatra anankiray izy ireo ka hangataka an'izany, tsy misalasala an'izany, dia ho azon'izy ireo izay nangatahany. Homena azy ireo izany."

⁹⁴ Ankehitriny, misy—misy ny lalàna. Ankehitriny, ilay Anankiray izay eto mba hampihatra an'io lalàna io dia ny Fanahy Masina. Ahoana ny amin'ireo olona izay tsy mino ny Fanahy Masina, handà Azy? Hitanareo? Ma... Mandà ny fiadanareo sy ny famindramponareo manokana ianareo. Hitanareo?

⁹⁵ Ankehitriny, nandohalika izahay, teo amin'ny dimy minitratrantsy, niaraka tamin-dRahalahy Fred Sothmann ary—ary maro tamin'ireo hafa no tany, lehilahy efatra na dimy. Dia nandohalika izahay, ary nandahatra an'io toe-javatra io teo anatrehan'Andriamanitra aho. Ary avy eo dia noraisiko ny Teny, na ilay teny fikasana, ka nalefako Izany. Ny Fanahy Masina lehibe, rehefa nandray ny Teny Izzy, mba hanatanteraka an'ireo fiantsoana, dia nivoaka ny fahitana iray ka nahita lehilahy iray aho nandeha nankany amin'ny Bowling Green, Kentucky, nanao lobaka mavo, nitondra ny fiarabeny. Tonga teo aminy ny Fanahy Masina, nanameloka azy, ary nihodina niverina izy, teo amin'ny antsasa-dàlana. Nahita azy niverina aho ary nametraka an'io fiara io teo amin'ny lâlambe anankiray, teo ampitan'ilay renirano eto. Nitsangana aho ka niteny tamin'ireo rahalahy hoe, "HOY NY TOMPO HOE."

⁹⁶ Ary rehefa nanomboka nivoaka izy ireo, dia nandeha teny amin'ilay lâlana. Ary teo ilay fiara nipetraka teo, antsasaky ny lasantsy no lany, ka ny—antsasaky ny fitoerany no lany, nefo efa feno ilay izy, ampy fotosiny, nitondrana azy teo amin'ny antsasa-dàlana nankany Bowling Green ary nitondra azy niverina. Ankehitriny, mipetraka eto mihitsy ireo lehilahy ireo izao maraina izao, ho vavolombelona iray.

⁹⁷ Inona izany? Mampihatra. “Avereno ilay izy.” Hitanareo? Izay ilay izy. Izany no resahana. “Avereno ilay izy. Ento miverina any amin’ilay tena tompony ilay izy.”

⁹⁸ Ary raha norobain’i Satana taminareo ny tombontsoanareo amin’ny maha-zanakalahy na zanakavavin’Andriamanitra, dia manana zò isika izao maraina izao, amin’ny alàlan’ny Fanahy Masina, ny hampihatra ny fitakian’Andriamanitra. “Ento miverina izy ireo.”

⁹⁹ Raha nampahory anareo izy, ary nanao anareo harary, dia manana zò isika eo anatrehan’Andriamanitra hampihatra an’ireo lalàn’Andriamanitra. “Tamin’ireo Dian-kapony no nahasitranana antsika.” Amena. “Ento miverina izy. Avotsory izy. Ianao no nitondra azy tany, ho amin’ny fahafatesana, fa mitaky azy izahay. Ento miverina izy ankehitriny.”

¹⁰⁰ Izany ilay fampiharana; mamerina an’ilay izy eo amin’ny toerany ara-boajanahary indray. Marary ny lehilahy iray; marary ny zazakely iray; marary ny vehivavy iray. Hitanareo? Any ivelan’ny toerany ara-boajanahary izy ireo. Noho izany dia manana zò isika hampihatra ny fitakiantsika. Tsy ny fitakiantsika. Fa fitakiantsika ilay izy satria Andriamanitra no nanome an’izany ho antsika. “Tamin’ireo Dian-kapony no nahasitranana antsika. Izy dia voalefona nohon’ny fahotantsika. Tamin’ireo Dian-kapony no nahasitranana antsika.” Ankehitriny dia manana zò hampihatra an’izany lalàna izany isika. Ary ilay—ilay Mpahome-Lalàna, ny Fanahy Masina, Izzy tenany, dia eto, ilay Mpiasan’Andriamanitra, mba hahita fa tahaka an’izany no nahavitan’ilay izy. Amena.

¹⁰¹ Ankehitriny, ny fomba tokana Ahafahany miasa, dia rehefa mamela Azy hiasa ianareo. Hitanareo? Tsy maintsy mino an’izany ianareo. Misy lalàna iray. Oh, raha mba tonga eo amin’ny lahateniko aho. Misy lalàna iray. Misy lalàna iray nomena eo anivon’ny zavatra rehetra.

¹⁰² Fantatrareo, manana lalàna iray ny trondro. Ary afaka mitsangana eto ao anaty rano io trondro io, ary manana lalàna iray izy ao anatiny. Raha hampandeha fotsiny an’io lalàna izay ao anatiny io izy, dia afaka milentika hatrany amin’ny fanambanin’ny ranomasina mihitsy. Tsy hanelingelina azy izany na kely aza. Tsy hamotika sela anankiray izany. Manandrama manao an’izany ianareo. Tsy ao anatinareo io lalàna io. Tsy afaka manao an’izany ianareo, fa ny trondro dia afaka. Izzy ihany no manaoana an’io rivotra io, amin’izany fomba izany mba tsy ahafahany, tsy misy na inona na inona ao anatiny hanapoaka. Ary tahaka an’izany no nanaovana azy. Fantany izany. Ary afaka mampihatra an’io lalàna io izy, mba hitondra azy hatrany amin’ny fanambanin’ny ranomasina, ary avy eo dia hamerina azy hiakatra indray. Oh!

¹⁰³ Nisy lalàna iray tao amin'i Kristy. Ao anatin'ny olona io lalàna io. Afaka mandevina azy ao am-pasana lalina indrindra ianareo, na ny ranomasina lalina indrindra, na ny—ny helo ambany indrindra. Misy lalàna iray, an'ny Fanahin'Andriamanitra, izay hampakatra azy indray. Hitanareo?

¹⁰⁴ Manana lalàna iray ny vorona. Ankehitriny, ny vatany no fitaovana. Mifamatotra amin'ny tany izany, mipetraka eto ambonin'ny tany eto. Fa manana lalàna iray izy ao anatiny, hoe, ny fomba amelarany ny elany, afaka manidina tsy hita maso mihitsy izy. Manohitra ny siansa izany. Milaza izy ireo fa izany dia—mifamatotra amin'ny tany izany; ny hery misintona no tsy maintsy mihazona azy eto. Fa afaka manohitra ny hery misintona izy, manainga ny tenany hiala amin'izany mihitsy ka manohy mandeha avy hatrany, satria tsy maintsy mametraka an'io lalàna izay ao anatin'io hiasa izy. Ary naorina banana an'izany lalàna izany izy.

¹⁰⁵ Ankehitriny dia manomboka mahatsapa ho mpivavaka aho. Ankehitriny, manana lalàna iray isika, ny lalàn'ny Fiainana ao anatintsika. Isika tsy... Ny zavatra tokana tsy maintsy hataonareo... Ianareo dia namboarina, sy teraka, ary napetraka eto ao amin'ny Vatan'i Kristy, amin'ny maha-zanakalahy sy zanakavavin'Andriamanitra. Tsy voatery hiforitra amin'ny devoly ianareo. Manana lalàna iray isika. Izany dia ny lalàn'ny Fanahy Masina. Ny zavatra tokana fantatrareo... tsy maintsy hataonareo, dia ny mahafantatra hoe ahoana no hamelana handeha ka hamela an'Andriamanitra. Raha manohy miady amin'izany ianareo, hitanareo, dia tsy hety mihitsy izany. Rehefa, mamela handeha ianareo ka mamela an'Andriamanitra, dia izay ihany. Hitanareo?

¹⁰⁶ Raha hoy ilay trondro hoe, "Andraso, hisintonia ny fofon'aiko tena tsara aho. Hisintonia oxygène kely ato anatiko aho, ary ho hitako raha afaka mandeha midina aho." Tsia. Raha manao an'izany izy, dia hipoaka. Hitanareo?

¹⁰⁷ Raha hoy ilay vorona hoe, "Hojereko hoe haingana toy ny ahoana no ahafahako miala eto, ary angamba hanidina aho." Tsia. Tsy hanao an'izany izy. Hianjera izy. Hitanareo? Tsy maintsy mahafantatra izy hoe ahoana no hifehezana, ahoana no ahafahan'io lalàna io hifehy azy.

¹⁰⁸ Ary tahaka an'izany ilay izy amintsika. Ilay izy tsy hoe isika no miady, sy misintonia, sy—sy haingana, ary—ary, "Oh, raha tsy azoko *ity*, raha tsy azoko *itsy*." Tsy izany ilay izy. Ilay izy dia ny mahafantatra fa ao anatinareo ny lalàn'ny Fiainana, ka mamela handeha fotsiny ianareo ary mamela an'Andriamanitra. Amin'izay fotoana izay dia Izy no mitondra anareo mankany amin'ny fahasitrananareo, mitondra anareo mankany amin'ny batisan'ny Fanahy, na izay rehetra Nampanantenainy. Ny fitakiana rehetra izay Nomeny dia anareo, ary amin'ny alàlan'ny

famelàna handeha sy famelàna an'Andriamanitra. Ankehitriny, raha ianareo no . . .

¹⁰⁹ Raha handeha ilay manam-boninahitra—handeha hitondra an'ilay olona izay nangalatra ny fanananareo, handeha hitondra azy any amin'ny fitsarana, nefà manohy misintonà azy hiverina ianareo hoe, "Eny, tsy fantatro na tokony hanao an'izao fotsiny izy na tsia," tsy hitondra azy any mihitsy izy. Avelao fotsiny izy handeha.

¹¹⁰ Tahaka an'izany no ataonareo. Avelao hiala fotsiny i Satana, handositra hiala ao amin'ny fisainanareo ireo fisalasalana rehetra sy ny zavatra rehetra, amin'izay fotoana izay Andriamanitra vao hanangana anareo. Tsara.

¹¹¹ Ankehitriny, fotoan'ny Paska izao. Oh, tiako ny Paska. Eny, tompoko. Fa misy be loatra eo amin'ny Paska, amin'izao andro izao, mikasika ny bitro kely, sy ganagana, sy akoho mavokely, sy satroka tsara tarehy, ary akanjo vaovao; fa tsy izany no Paska. Ny Paska dia fitsanganana, famerenana, mamerina indray. Fotoana famerenan'Andriamanitra izany. Diniho ny tany; mamerina Andriamanitra. Mamerina inona? Ny natiora. Marina izany. Mamerina an'ireo voninkazo Izy. Mamerina an'ireo ravina Izy. Mamerina an'ireo voankazon'ny saha Izy. Inona izany? Mamerina Andriamanitra. Paska izany; midika hoe "mitondra azy miverina."

¹¹² Inona izany? Efa nisy di—didy iray, fitakiana iray. Mitaky ny Paska, na ilay-ilay—mitaky ilay voninkazo, manana zò hitsangana indray izy. Hitanareo? Ary ny lalàn'Andriamanitra mikasika ny natiora no misintonà ny tany hihodina ka manao an'io lalàn'Andriamanitra io, ao amin'ny natiora, hamokatra Paska iray, fitsanganana iray. Tsara tarehy izany. Ny fiverenan'ny masoandro, mba hamerina an'izay novonoin'ny ririnina, raha mbola lavitry ny tany izy. Mandefa ny tany hiverina hanodidina ny masoandro indray Andriamanitra, araka ny notenenina tamintsika, avy any aoriana lavitra any *eto*.

¹¹³ Ny tany, nandeha niala lavitra ny masoandro ny tany, niala lavitra *eto*. Tahaka an'izany no ataon'ny mpanota iray, miala lavitra an'ilay Z-a-n-a-k-a. [Amin'ny teny Anglisy dia S-o-n-Mpand.] Eny, ity dia ny m-a-s-o-a-n-d-r-o. [Amin'ny teny Anglisy dia s-u-n] Fa rehefa manomboka miverina io tany io . . . Ary rehefa any ivelany any izy, dia mameley azy ny fahafatesana, ny ririnina. Mamono ny zava-manan'aina rehetra izay azony vonoina izany, ao anatiny *eto*.

¹¹⁴ Ary, ankehitriny, rehefa mihodina manalavitra ny tany. Mandry ao anatin'ny tany ireo voa. Matin'ny hatsiaka izy ireo. Miendaka amin'izy ireo ilaynofom-boninkazo. Ilay . . . Ary lasa ny zavatra rehetra; saingy misy aina kely voatahiry ao. Ary vatany vao miverina eo amin'ny toerana miaraka amin'ny tany indray ny masoandro, amin'izay fotoana izay dia misy Paska

iray, famerenana iray. Mitsiry indray ireo voninkazo. Mitsiry ny zavatra rehetra. Izay rehetra novonoin'ny ririnina, dia averin'ny masoandro. Izay rehetra vonoin'ny fahafatesan'ny ririnina, dia averin'ny masoandron'ny fiainana.

¹¹⁵ Ary toy izany koa amin'ny olona ankehitriny. Izay rehetra novonoin'ny hatsiakan'ny ririnina an'ny fivavahana mangatsiaka, ara-pototra eo, ny fanakaikezan'ny Zanak'Andriamanitra amin'ireto andro farany ireto, tonga ho an'Ny Fiagonany, no mamerina Azy ho amin'ny Fiainana indray. "Izaho no hamerina, hoy ny Tompo." Hitanareo? Mamerina an'ireo Voninkazony Andriamanitra, ireo Raviny, ny Natiorangy, ny Voany an'ny tany, ary noho izany dia fantatsika, arak'izany, fa hamerina ny Fonenany koa Andriamanitra. Hamerina Ny Edenany Izy. Hamerina ny zavatra rehetra izay novonoin'ny fahafatesana Izy. Marina izany. Ankehitriny, ny fomba tokana ahafahan'izany hany hijanona ho faty, dia ny mamela azy hipetraka eo amin'ny toerana ratsy. Fa raha milatsaka ao amin'ny toerana tsara izy, dia tsy maintsy miverina ho amin'ny Fiainana indray. Noho izany, Andriamanitra, avelao izahay hilatsaka ao amin'ilay fantsona tsara, marina izany, ho an'ny famerenana iray.

¹¹⁶ Izay rehetra vonoin'ny ririnina, dia averin'ny masoandro. Ny fiverenan'ny masoandro, inona no ataon'izany? Manery izy. Henoy. Manery ny fahafatesana izy. Rehefa ny masoandro, miverina milahatra amin'ny tany indray ny masoandron'ny lohataona, dia manery tokoa ny fahafatesana hamotsotra ny matiny izy, ho amin'ny fitsanganana, ho an'ny (inona?) famerenana iray, ny "mamerina indray." Inona no ataony? Ilay masoandro, tonga. Lalàn'Andriamanitra izany.

¹¹⁷ Napetrak'Andriamanitra ao amin'ny lalàna ny tany, lalàn'ny hery misintona. Miasa araka ny lalàn'Andriamanitra ny zavatra rehetra ao amin'ny natiora. Ary nahatanteraka ny fotoany ny voninkazo. Nahatanteraka ny fotoany ilay voa; maty ao anatin'ny tany izy. Ary avy eo dia misy famerenana iray.

¹¹⁸ Ary ankehitriny dia mandry ao izy, maty. Tsy misy zavatra iray... Afaka maka ny anankiray amin'ireto jiro eto ireto isika tahaka an'izao, ary mameleona azy eo amin'ity, fa tsy hahavita soa mihitsy izany. Tsy misy fomba hanaovantsika an'izany. Fa manana lalàna iray Andriamanitra, hoe rehefa tonga eo amin'ilay voa io masoandro io, dia manery an'io aina io hivoaka avy ao amin'ilay voa izy. Tsy afaka mihazona azy intsony ny fahafatesana.

¹¹⁹ Nametraka an'ireo Lalàny rehetra hanompo Azy Andriamanitra, ara-boajanahary sy ara-panahy, miasa araka Ny Teniny, tsy mampaninona ireo zava-misy. Tiako izany. Nanana Soratra iray aho teto eo amin'izany. Eny, tompoko. Mametraka an'ireo Lalàny rehetra ao amin'ny fampiharana Andriamanitra. Etrirereto izany. Aoka hilentika izany ankehitriny, satria ho

tonga eo amin'ny asam-panasitrana iray isika afaka minitra vitsy. Hitanareo? Mameetraka an'ireo Lalàny rehetra ao amin'ny fampiharana Andriamanitra, mba tsy maintsy hiasan'izany araka Ny Teniny Manokana. Azonareo ve izany? Hitanareo? Ny Teniny! Tsy maintsy miasa araka Ny Teniny ireo Lalàny. Nandidy ny masoandro Izzy. Nandidy ny volana Izzy. Nandidy ny tany Izzy. Nandidy ny natiora Izzy. Ary izy rehetra dia mipetraka tsara ao amin'ny laharana, ary ireo lalàna rehetra dia miasa amin'ny firindrana miaraka amin'ny Tenin'Andriamanitra voambara. Ary ny lalàn'ny Aina izay ao anatintsika koa dia mitondra antsika mankao amin'ny fitsanganana iray. Tsy maintsy izany. Tsy azo atao ny tsy hitondrany.

¹²⁰ Izany no antony, hoe ny lalàn'ny Aina dia tao amin'i Kristy. Rehefa voambara ny Teny, ka nanao hoe, "Tsy hamela Ny Iray Masiko hahita ny lò Aho, tsy hahafoy ny Ainy koa ao amin'ny helo Aho," dia tsy nisy fotoana ampy, tsy nisy devoly ampy, tsy nisy na inona na inona ampy, hihazona an'i Kristy tao anatin'io fasana io mandra-pahatonga (Izy) ny Vatany hanomboka ho lò, satria ny lalàn'Andriamanitra no hanao ny Teny hiseho. Ary ny lalàn'Andriamanitra, amin'ny alàlan'ny Fanahy Masina, dia manao ny teny fikasana rehetra hiseho (azonareo ve izany?), tsy mampaninona ireo zava-misy.

¹²¹ Hoy Joba hoe, "Na dia ravan'ny kankan'ny hoditra aza ny vatako, dia mbola hahita an'Andriamanitra ao amin'nynofoko aho."

¹²² Tsy mampaninona na kely toy ny ahoana aza isika, ambany toy ny ahoana isika, maloto toy ny ahoana isika, tsy masina toy ny ahoana isika, marary toy ny ahoana isika, ory toy ny ahoana isika; ny lalàn'ny Fanahin'Andriamanitra, amin'ny alàlan'Ny Teniny, no manao an'izany hankatò Azy, manery an'ilay lalana, ka manao hoe, "Avereno ilay izy!" Amena. Oh, raha afaka mieritreritra an'izany iray minitra fotsiny mantsy isika. Manery azy, tsy mampaninona ireo zava-misy. Tsy mampaninona na inona ilay zava-misy, ny lalàn'ny Tenin'Andriamanitra no manery an'ilay zava-misy hifanarakaa min'Ny Teniny. Hitanareo? Tsy maintsy izany.

¹²³ Ankehitriny, raha mandry eo ny voninkazo iray, ary maty izy, lò ireo voa, lasa, lasa ilay nofom-boninkazo, dia tsy misy idiran'izany amin'io. Mitsangana indray izy, satria nametraka lalàna iray Andriamanitra, mba hitsanganany indray.

¹²⁴ Rehefa nandry tao anatin'ny tany i Joba (Angamba, rehefa nahita an'i Jesosy tonga izy, izany dia efatra arivo taona talohan'ny nahatongavan'i Jesosy teto.), azonareo eritreretina hoe tahaka ny ahoana ny vatan'olombelona iray, afaka efatra arivo taona, angamba tsy misy lavenona betsaka tavela hameno tendron-tsotro iray. Saingy hoy i Joba hoe, "Mbola hahita an'Andriamanitra ao amin'ny nofoko aho: Izay izaho mihitsy no hahita."

¹²⁵ Ary ny Baiboly dia miteny amintsika, ao amin'ny Matio 27, fa taorian'ny Fahafatesany, sy fandevenany, ary fitsanganany, hoe, "Maro tamin'ireo olo-masina izay natory tao amin'ny vovoky ny tany, no nitsangana avy tamin'ny vovoka." Nahoana? Izany dia io mpaminany io, niteny ny Tenin'Andriamanitra, ary efa voateny ny Teny. Ary ny lalàn'Andriamanitra, tamin'ny alàlan'ny Fanahy, no nanangana azy ireo. Hoy ny Baiboly hoe, "Niditra tao antanàna izy ireo, ary niseho tamin'ny maro." Tsy Jesosy irery ihany no nitsangana, fa nitsangana niaraka Taminy ireo olo-masina.

¹²⁶ Nahoana? Ao amin'ny Salamo, dia izao no voalaza, "Misandrata, ianareo ry vavahady fahagola, ary misandrata. Avelao hiditra ny Tompon'ny Voninahitra." Eny, rehefa nandresy ny fahafatesana Izy, ny helo, ny fasana, ny aretina, dia nitsangana tamin'ny andro fahatelo, "Niakatra any amin'ny Avo Izy, ary nitondra babo."

¹²⁷ Inona izany? Ireo izay tao amin'ny fahababoana dia niandry ny teny fikasana izay ananantsika ankehitriny. Oh, rahalahy! Tsy nanana ny Fanahy Masina mihitsy akory aza. "Fa, nino, ary nanome filazana tsara. Ary tamin'ny alàlan'izany no nanakatonan'izy ireo ny vavan'ny liona, namonoany ny fidedadedan'ny afo, afaka tamin'ny lelan-tsabatra, ireo vehivavy nandray ny azy efa maty ho amin'ny fiainana indray: tsy nanana teny fikasana." Oh, saingy niandry izy ireo! Teo ambanin'ny ondry fanatitra iray izay tsy afaka nanaisotra ny fahotana, afaka nanarona fahotana fotsiny izany. Saingy nino izy ireo fa hisy Anankiray ho avy. Ary tamin'ny finoan'izy ireo, lavitry ny aloka, amena, no nitakian'izy ireo an'izany. "Ary mafy orina, nirenireny tany an-tany efitra izy ireo, sy nitafy hoditr'ondry sy hoditr'osy, dia ory, sy fadiranovana, ary nampahoriana." Oh!

¹²⁸ Ireo olona ireo, niandry an'io fitsanganana io, ary, tamin'ny alalan'izany, maty tao amin'ny finoana, niaraka tamin'ny filazany. Ary tamin'io marainan'ny Paska io, io lalàn'Andriamanitra io, izay efa niteny ny Teny tamin'ny alàlan'i Joba sy ireo mpaminany hafa ireo, dia nitsangana tamin'ny maty izy ireo. Oh, oadray! Eo ianareo izao. Tsy mampaninona ireo zava-misy!

¹²⁹ Ny olona sasany dia lasa tena manamelo-tsaina, ka tsy te-hiatrika fitsarana mihitsy izy ireo. Oh, olona maro! Tsy sarotra ny maty. Mahavery ny sainy ny olona iray, zavatra iray hafa, ary manao zavatra tsy am-piheverana. Ny sasany amin'izy ireo mandoro ny vatany, mitondra an'izany eny amin'ny ranomasina ary manipy an'ireo lavenona eo amin'ny zorony efatr'izany, rivotra efatry ny ranomasina. Tsy mahasakana ny fitsarana izany. Ho tonga eo mihitsy ianareo, na izany aza. Eny, tompoko. Hitanareo? Tsy mampaninona, tsy mampaninona ireo zava-misy, hihaona amin'Andriamanitra ianareo, any ho any. Tsy maintsy tonga eo Aminy ianareo. Tsy maintsy hihaona Aminy ianareo. Hitanareo?

¹³⁰ Satria (Nahoana?) niteny Teny iray Izzy, ary nametraka lalàna iray niaraka tamin'io Teny io. Ary ilay lalàna dia ny Lalàny Manokana, Ny Ainy Manokana, no ao ambadik'Izany. Izany no antony Nianianany tamin'ny Tenany; tsy nisy anankiray lehibe kokoa. Hitanareo? Izzy dia nanana, nanao fianianana iray, satria tsy misy fanekena azo amarinina raha tsy misy fianianana iray. Ary ny fomba tokana izay Nahafahany, talohan'ny Nanaovany, dia ny nanao an'izany tamin'ny Tenany, ka lasa ilay Fianianana ny Tenany. Oh, rahalahy! Rehefa, lasa olona Andriamanitra ary lasa ilay Fianianana, dia nanao ny Tenany ho ilay Fianianana.

¹³¹ Ary tamin'ny alàlan'ny Fahafatesany Manokana, fandevenany, ary fitsanganany, no Nanaporofointy fa marina ireo Lalàny. Hoy Izzy, “Ravao ity tranobe ity, fa Izaho hanangana azy indray afaka telo andro.” “Izaho,” mpisolo anarana, “Izaho hanangana azy indray afaka telo andro. Izaho no hampitsangana azy. Ravao fotsiny izy, dia jereo izay mitranga.” Satria, Fantany ny lalàn'Andriamanitra. Fantany hoe inona izany. Fantany fa tsy maintsy miasa araka ny Teny izany. Fantany fa efa voateny tamin'ny alàlan'ny mpaminany iray ny Tenin'Andriamanitra, ka nanao hoe, “Tsy hamela Ny Iray Masiko hahita ny lò Aho.” Nilamina hatreo izany. Nilamina hatreo izany.

¹³² Noho izany, tsy maintsy miasa amin'ny alàlan'ity Teny ity ny lalàn'Andriamanitra. Ho tonga eo amin'ny zavatra lehibe iray isika afaka iray minitra. Hitanareo? Hitanareo? Fa, ny lalàn'ny Tenin'Andriamanitra, ny Lalàn'Andriamanitra, dia miaraka amin'Ny Teniny.

¹³³ Ankehitriny, raha manoratra teny iray ny fitsarana hoe, “Ity dia zavatra *izao-sy-izao*, sazy iray, ny manao an'*izao-sy-izao*.” Eny àry. Ankehitriny, izany no tenin'ny fitsarana, ary ny lalàn'ny fitsarana dia mampihatra ny tenin'ny fitsarana.

¹³⁴ Ary raha miteny zavatra iray Andriamanitra, dia lalàna iray izany. Ary eto ny Fanahy Masina mba hampihatra an'izany lalàna izany, amena, ho an'ilay mpino. Tsy maintsy voalahatra hanao an'izany ianareo, ary mila mpino iray izany. Tsy maintsy manana an'ilay mari-pamantarana ianareo hoe “mpino.” Hoy ny olona hoe, “Manana hery ve ianareo?” Tsia. Saingy manana fahefana isika. Izay ilay izy. Tsy hery; fa fahefana. Tsy manana hery ampy hanaovana na inona na inona isika.

¹³⁵ Tahaka ny nolazaiko fotoana vitsy lasa izay, polisy kely iray teto tany Louisville, nitsangana tany. Kely kokoa noho izaho izy; lehilahy bitika kely. Nidina hatrany amin'ny sofify ny satrony. Ary fiara... Oh, saiky nihantona teo aminy ny antsasaky ny fanamiany. Nandeha teo amin'ny lalambe izy. Ilay basy poleta kely, tahaka an'izany, teo amin'ny valahany, tsorakazo kely no teny an-tànany, kiririoka kely iray. Nandeha teo, nanao fonon-tànana fotsy. Ary ireo—ireo fiara, herintsoavaly dimampolo sy telonjato ny sasany tamin'izy ireo, nitsoriaka teo amin'io lalambe io, tahaka—tahaka ny tselatra,

nanao fotsiny hoe zoom, zoom. Eny, io lehilahy mampalahelo kely io dia tsy afaka nampijanona ny... Tsy afaka nampijanona soavaly fonentana iray mandositra izy, amin'ny tanjany. Tsia tokoa. Fa nandroso teo amin'ny lalambe izy, namiratra io mari-pamantarana goavana io, nitsoaka an'io kiririoka io, ary nanangana an'io tanaana io. Rahalahy, hery telonjato, motera herin-tsoavaly, no nampikiaka an'ireo hisatra, sy ny zavatra hafa rehetra. Tsy herin'ilay lehilahy izany. Izany dia ilay fahefana izay nananany. Izay ilay izy.

¹³⁶ Izany ilay Fiagonana. Mety ho andiana “holy-rollers,” mody-antsoina, na inona tianareo iantsoana azy, saingy ilay fahefana izany. Ah-hah, ah-hah. Izany dia ilay fahefana aorian'ilay izy. Izany no manao an'ilay izy. Tsy mampaninona ireo zava-misy, miasa miaraka amin'Ny Teniny ny lalàn'Andriamanitra. Ankehitriny, tsy hety amin'ny fanekempinoanareo izany. Hety amin'ny Teny izany. Hia. Mety amin'ny Teny fotsiny izany, izay ihany, ankehitriny, tsy mampaninona ny zava-misy.

¹³⁷ Abrahama, raha namaky isika vao teo tao amin'ny lahatenintsika, tsy maintsy naverina indray ny vadin'i Abrahama. Nahoana? Nanome teny fikasana iray an'i Abrahama Andriamanitra, ary indro fa naka azy ny mpanjaka iray, mba hanambady, ho vadiny.

¹³⁸ Eny, inona no ho nataony? Namono an'i Abrahama ho faty, tao anatin'ny iray minitra. Izany no nolazain'i Abrahama. “Miangavy anao aho, lazao fa....” Rehefa avy hitany fa—fa nahazo azy i Abimeleka, io mpanjakan'ny Filistina teo io. Hoy izy hoe, “Ankehitriny, ianao—ianao, miangavy anao aho, lazao hoe anadahinao aho. Satria raha...vehivavy tsara tarehy ianao.” Dia hoy izy, “Ankehitriny, raha hitany fa tsara tarehy ianao, ary izaho dia—izaho dia—izaho dia—hovonoina aho, satria haka anao izy ary hanambady anao.” Ary noho izany dia nalain'i Abimeleka izy, ary ny olony no nampiditra azy.

¹³⁹ Vehivavy iray tsara tarehy izy. Ary, eo amin'izay ihany, vao zato taona fotsiny izy. Ary izy—izy... Nasehon'Andriamanitra fotsiny izay Hataony ho antsika rehetra, amin'ny alàlan'izy ireo. Fantatrareo, efa nandinika an'io rehetra io aho, tao amin'ny lahateniko sy teo amin'ireo horonam-peo, sy ny sisa, nanaporofo an'izany tamin'ny alàlan'ny Tenin'Andriamanitra. Marina tokoa izany. Niteny Izy, tamin'ny alàlan'i Abrahama sy Saraha, an'izay Hataony amin'ilay taranaka manontolo. Marina izany.

¹⁴⁰ Ankehitriny, teo izy, ary noho izany dia naka azy mba ho vadiny i Abimeleka. Abimeleka, ary noho izany dia vonona tanteraka izy ankehitriny, ny haka azy mba ho vadiny. Ary (inona?) hoy Andriamanitra tamin'i Abrahama hoe, “Amin'ny alàlan'i Saraha no hahazoanao an'io zazakely io,” nefo indro naka azy ny lehilahy tanora iray. Indro i Abrahama, nanodidina

ny za-... teo amin'ny zato taona teo ankehitriny, ihany koa, teo ivelany teo.

¹⁴¹ Fa, tamin'ny alalan'izany, mahamarika an'izay nolazain'Andriamanitra ianareo eo. "Eny, fantatro ny fahitsian'ny fonao. Izany no antony Nisakanako anao tsy hanota Amiko. Fa avereno io vehivavy io; satria mpaminany iray ny vadiny. Aoka izy hivavaka ho anao. Raha tsy izany ianao, dia hamafa anao hiala amin'ny tavan'ny tany mihitsy Aho." Eo ianareo izao.

¹⁴² Inona? Tsy maintsy mitoetra ny Tenin'Andriamanitra. Tsy nisy lehilahy afaka nikasika an'i Saraha. Efa nanao teny fikasana iray Andriamanitra.

¹⁴³ Saraha, tandindona iray an'ilay Fiagonana, ilay Fiagonana marina, ilay Fiagonana afaka, ilay vehivavy afaka miaraka amin'ny Zanaka afaka iray, tandindon'ilay Fiagonana nateraka indray miaraka amin'ny teny fikasana. Avelao izy ireo hilaza an'izay tiany lazaina; hiantso an'izany hoe "holy-roller, fanatisme." Efa nanandrana nanajanona an'Izany izy ireo hatramin'ny Pentekosta, fa tsy hahavita an'izany mihitsy izy ireo. Tsia, tompoke. Fa esory... Esory eo amin'Izany fotsiny ny tànanareo. Izay ihany. Haka an'izany Andriamanitra ka hanao zavatra amin'Izany, azo antoka mihitsy tahaka ahy mitsangana eto. Ho tonga eo amin'ny taonan'izany mihitsy isika, ankehitriny, afaka minitra vitsy. Hanampy ahy anie Andriamanitra, hoporofoiko aminareo izany, hoe aiza no misy antsika. Marina. Ianareo dia... Tsy haharava an'izany mihitsy izy ireo. Tsy mety rava izany. Marina izany.

¹⁴⁴ "Esory eo aminy ny tànanao." Nahoana? Indro tonga ilay taranaka ara-boajanahary. Tsy maintsy tonga ilay taranaka ara-boajanahary. Raha izany no ho... Raha nanambady an'io lehilahy hafa io i Saraha, dia tsy ho teraka mihitsy ilay taranaka ara-boajanahary.

¹⁴⁵ Noho izany raha tena niaro ny lèlana ho an'ilay taranaka ara-boajanahary Andriamanitra, dia tsy mihoatra noho izany ve no Niarovany, an'ilay ara-panahy, Taranaka Mpanjaka!

¹⁴⁶ Satana, avereno izy ireo. Avotsory izy ireo. Aza manakenda azy ireo ao anatin'ireo anaram-piagonana sy ny sisa ireo ianao. Vahoaka afaka izy ireo. Avelao izy ireo hipetraka tsara. Hia. Avotsory izy ireo, ilay Taranaka Mpanjaka.

¹⁴⁷ Ankehitriny, miresaka ny amin'ny famerenana Andriamanitra, ankehitriny, ato amin'ny Joela, miresaka Izy mikasika... Nitoky teo amin'izany aho, indray mandeha taloha, ary nitondra an'izany tao amin'ny endrika hafa iray. Mikasika... Tsy nahavita azy hatramin'ny farany mihitsy, tahaka ny ikasako hanao androany, ary tsy hanam-potoana hanao azy arak'izay tokony hanaovana azy.

¹⁴⁸ Fa miresaka Andriamanitra eto, ao amin'ny Joela, ny... Miresaka ny amin'Ny Hazom-boany izay Namboleny Andriamanitra. Namboly Hazom-boa iray Andriamanitra. Namboleny Izany tamin'ny Andron'ny Pentekosta, ary Nentiny teo io Hazo io ho an'ny tanjona iray. Tiany hitondra Ny Teny-Voankazony Izany, ny Tenin'Andriamanitra. Nila Fiagonana iray izay hihazonana Ny Teniny Izy. Nanerana ny taona rehetra, dia diso tamin'ny fihazonana an'Izany i Eva, diso tamin'ny fihazonana an'Izany ireo Jiosy, tsy nahomby ny lalàna, tsy nahomby ny rehetra, noho izany dia namboly Hazo iray ho Azy Andriamanitra. Hazo iray!

¹⁴⁹ Tsarovy ankehitriny, nisy hazo roa tao amin'ny sahan'i Edena. Fantatsika izany. Antsoy amin'izay tianareo hiantsoana azy izy ireo. Manana ny hevitro aho. Fa, na ahoana na ahoana, dia hazo voaloto ny iray tamin'izy ireo; lasa voaloto izy. Ary ilay Anankiray hafa dia tsy voaloto; io Hazon'Aina io dia avy tamin'Andriamanitra, any An-danitra. Hoy Izy hoe, "Ny razanareo dia nihinana mana, ary maty. Fa ity Hazo ity, raha mihinana ianareo, dia ho velona mandrakizay." Ary niambina an'io Hazon'Aina io ilay Anjely, lavitra ny sahan'i Edena, niaro Azy tao Edena. Ao Edena io Hazon'Aina io, ankehitriny, fiteny ara-panahy ankehitriny. Mariho.

¹⁵⁰ Ankehitriny, rehefa io Hazo izay nambolen'Andriamanitra io, tsy maintsy nitondra karazam-boankazo sivy samihafa Izy, karazana sivy samihafa; izay midika hoe, fanomezam-pahasoavana ara-panahy sivy, vokatry ny Fanahy sivy mba handeha hiaraka amin'ireo fanomezam-pahasoavana ara-panahy sivy. Izany no Hazon'Andriamanitra. Izy no namboly an'Izany teto an-tany tamin'ny Andron'ny Pentekosta.

¹⁵¹ Ndaosika hijanona ankehitriny. Voafetran'ny fotoana foana. Handingana Soratra vitsivitsy aho eto, ary handeha eo amin'ny Salamo eto, ny faha-1. Nahita an'io Hazo io i Davida, efa ela izay. Ary tamin'ny fanoratany an'ireo hira ho an'ny zavatra mahafaly, dia momba an'izany ny zavatra voalohany nosoratany. Hitany io Hazo io, ary Izany dia "nambolena teo amoron'ireo reniranon'ny Rano." Io Hazo io! Izy!

*Ary izy dia ho tahaka, ny hazo iray,
hazon'Andriamanitra, nambolena (taiza?) teo
amoron'ireo reniranon, ireo reniranon (maro), ireo
reniranon'ny rano (tokana)...*

¹⁵² Tsy Metodista, Batista, Presbyterana, Loterana, sy ny sisa. Tsia, tsia. Ah-hah. Ireo reniranon'ny Rano anankiray fotsiny, fanomezam-pahasoavana sivy amin'ny alàlan'ilay Fanahy iray ihany. Vokatry ny Fanahy sivy no avy ao amin'ilay fantsona iray ihany.

*...izy dia ho tahaka ny hazo izay nambolena teo
amoron'ireo reniranon'ny rano.*

¹⁵³ Raha nahita an'izany i Davida, dia niteny izy. Hoy izy hoe, "Sambatra izany olona izany." Ary mariho, nilaza izy fa tsy afaka ny ho faty izy. "Tsy halazo ireo raviny." Tsia, tsia. Tsy mampaninona izay ataon'izy ireo, tsy hahafaty an'io Hazo io mihitsy izy ireo. Nahoana? Izany dia ny toerana izay nambolena azy. Izany no manao an'ilay izy. Izany dia ny toerana izay nambolena azy. "Nambolena teo amoron'ireo reniranon'ny Rano izy." Mariho ankehitriny. Hoy Davida hoe, "Ny—tsy ho faty ireo fakany."

¹⁵⁴ Fantatrareo, alaivo ny hazo iray, hazo antitra goavana iray. Izaho, fony aho tovolahy iray, dia zatra nandeha nivoaka aho, ary izahay dia, izahay zazalahy, nandeha nivoaka izahay, ary nanana hazo antitra goavana iray izay nipetrahanay teo ambaniny taloha, hazo hêtre antitra goavana. Ary nitsoka ireo rivotra. Ary manontany aho, toy ny hoe io ilay zavatra, tena eo amin'ny tampony, toy ny hoe hitsoka an'ilay—ilay zavatra hivadika ilay izy. Fa, fantatrareo, isaky ny mitsoka eo amin'ny hazo iray ny rivotra, dia manozongozona an'ilay hazo izany, ary mamahavaha an'ireo faka izany, mba ahafahan'izy ireo milentika lalina kokoa sy mifikitra tsaratsara kokoa.

¹⁵⁵ Ary tahaka an'izany, ny fandrabirabiana, fihomehezana, fanesoana Kristiana iray. Ny ataon'izany, dia, manozongozona ny Kristiana ny fanenjehana, mba hanao azy hivavaka betsaka, hangady, hifikitra tsaratsara kokoa, mba ahafahany mahatanty an'ilay tafio-drivotra.

¹⁵⁶ Ankehitriny, ahoana moa raha ny olona iray no ambolena ao amin'ny zavatra tahaka an'izany hoe "eo amoron'ny renirano," ka ireo loharano, loharano sivy samihafa no mamahana azy? Oh, oadray! Inona ny—fiorenana iray toy ny inona no ananany. Ary ny olona iray izay ambolena eo amoron'ny renirano, ireo reniranon'ny Rano; Rano anankiray, Fanahy anankiray, "Misy ireo fanomezam-pahasoavan'ny fanasitranana, Fanahy iray ihany; fanomezam-pahasoavan'ny faminaniana, Fanahy iray ihany; ny rehetra dia ilay Fanahy iray ihany, saingy fanomezam-pahasoavana maro." Mpanome anankiray.

¹⁵⁷ Ankehitriny, nahita azy Davida, ary nambolena teo akaikin'io Hazo io izy. Ankehitriny, tsy afaka ho faty izy. Mariho ankehitriny hoe nahoana. Nanana Aina izy tao amin'ireo fakany. Aiza ireo faka, na, ny ain'ny hazo? Mijanona ao anatin'ny faka. Izany tokoa. Miakatra ary mitondra ny voankazony. Eny àry.

¹⁵⁸ Diniho. Nanana Aina tao anatiny ireo Fakany, mba hamokatra ny Voany amin'ny vanim-potoana. Tsarovy ankehitriny, tsy hanary ny Voany io Hazo io.

¹⁵⁹ Ankehitriny, alaivo ny hazo iray ka apetraho lavitry ny rano izy. Ny zavatra voalohany fantatrareo, dia mahazo paoma antitra kely ianareo. Mifintina tanteraka izy ireo ary lanin'ny olitra. Fa hanary—ny—ny vokany izy.

¹⁶⁰ Izany ny olana amin'ireo fiangonana amin'izao andro izao. Nanalavitra an'io Renirano io ianareo, nanalavitra an'ireo fanomezam-pahasoavan'ny Fanahy. Manana fiangonana iray ara-boajanahary fotsiny izy ireo. Ary manalavitra an'ireo fanomezam-pahasoavana ara-panahy sy ireo zavatra ara-panahy izy ireo, ka manary ny voany. Inona no ataon'izy ireo? Ny-miaina miaraka amin'izao tontolo izao ny mpinon'izy ireo, mihetsika tahaka an'izao tontolo izao, mangalatra, misoloky, mandainga, mifoka, misotro, miloka, manao fetin-karatra ao am-piangonana, mba handoavana an'ilay mpitory teny, sy ny zavatra hafa rehetra, lasopy sakafo hariva, dihy. Hitanareo? Manary ny voany izy ireo. Tahaka an'izao tontolo izao fotsiny ilay izy.

¹⁶¹ Ary mijery ilay tsi-mpino ka manao hoe, “Tsy misy fahasamihafana eo amiko sy io olona io.”

¹⁶² Izany no nanao ny kominisma hitsangana tany Rosia. Izany no antony nandoran'izy ireo an'ilay fiangonana Katolika tany . . .

¹⁶³ Tany Mexico, rehefa tany aho ka nahita an'ireo lavaka godorao, nisy an'ireo toerana, sy ireo toerana izay nandoroany an'ireo zaza kely ireo, izay nametrahan'ireo masera an'ireo zazakely ireo. Ireo vatan'olombelona mihitsy aza, nandry tao ny vatan'olombelona olon-dehibe, tao amin'ireo lavaka godorao. Inona no nataon'izy ireo? Nariany ireo voany, hitanareo, ary nahintsan'Andriamanitra avy teo amin'ilay hazo izy ireo. Izany ihany. Hitanareo?

¹⁶⁴ Fa ny olona iray izay nambolena, tsy natsatoka, fa nambolena teo amoron'ireo reniranon'ny Rano, hamoaka ny Voany izy (diniho) amin'ny . . . Ny Voany amin'ny vanim-potoany. Mamaky an'izany ve ianareo? Salamo 1.

Sambatra ny olona izay . . . tsy mipetraka eo amin'ny fitoeran'ny mpaniratsira, mijanona eo amin'ny làlan'ny mpanota.

. . . ho tahaka ny hazo iray izy izay nambolena teo amoron'ireo reniranon'ny rano, izy dia hamoaka ny voany amin'ny vanim-potoany; . . . ary hambinina izay rehetra ataony.

¹⁶⁵ Hitanareo? Mariho, “Tsy mba tahaka an'izany ny ratsy fanahy; ary tsy hitsangana miaraka aminy eo amin'ny fitsarana izy.” Hitanareo?

¹⁶⁶ Ankehitriny, “Hamoaka ny Voany amin'ny vanim-potoany izy.” Diniho ny “azy” tsirairay, ilay mpisolo anarana eo. Izany no Voany, voan'Andriamanitra, amin'ny vanim-potoana izay ny-itondran'ny mpaminany azy. Ho amin'ny vanim-potoan'ilay mpaminany izany. Voan'Andriamanitra, amin'ny fotoan'Andriamanitra, amin'ny alàlan'ny vanim-potoan'ilay mpaminany. Hitanareo? “Hamoaka ny Voany amin'ny vanim-

potoany izy.” Jereo raha tsy misy “azy” anankiroa eo. “Mamoaka ny Azy, voan’Andriamanitra, hitanareo, amin’ny vanim-potoana izay nahavoalahatra an’io iraka io ho tonga.” Hamoaka an’ireo izy. Tsarovy izany ankehitriny. Ilay iraka izay mitondra an’ilay voan’Andriamanitra, dia hitondra an’izany amin’ny vanim-potoan’Andriamanitra, amin’ny vanim-potoan’ilay mpitondra. Hitanareo? “Hamoaka ny Voany amin’ny vanim-potoany izy.” Ary tsy mety malazo Izany. Nahoana? Manana voa voafidy mialoha Izy ao anatiny ao. Tsy afaka mamotika Azy izany, satria voafidy mialoha Izy.

¹⁶⁷ Ankehitriny, Efesiana :5, 1:5, raha ny marina. Izao no voalaza, “Miara-mipetraka ao amin’ny toeran-Danitra ao amin’i Kristy Jesosy.” Inona no nitranga? Hoy izy hoe, “Andriamanitra, tamin’ny Fahalalany mialoha, dia nifidy antsika mialoha tao amin’ny fananganana an’ireo zanak’Andriamanitra, tamin’ny alàlan’i Jesosy Kristy.” Andriamanitra, tamin’ny Fahalalany mialoha, dia efa nifidy mialoha ny zavatra rehetra izay hitranga hatramin’ny farany mihitsy. Tamin’ny Fahalalany mialoha, no Nahitany an’izany. Noho izany, hatrany amin’ny voalohany, dia afaka niteny ny farany Izy.

¹⁶⁸ Noho izany, dia voa voafidy mialoha izany tao amin’ny—ny fakan’io Hazo io. Ary tsy mety nalazo io Hazo io, satria nihazona voa voafidy mialoha Izy. Ankehitriny, izany ilay Hazo notenenin’i Joela eto. Hitanareo? Tsy afaka ho faty Izy. Nihinana Azy hatrany ambany ireo olitra, fa tsy mety maty Izy. Tao amin’ny Fakany, dia nanana an’ilay Fahamarinana voafidy mialoha Izy. Nanana ny Tenin’Andriamanitra Izy, nanana io Hazo io. Ary io Hazo io dia—dia izany Hazo izany, ny fomba tokana, Izy—Izy dia napetraka tao amin’ny sahan’i Edena.

¹⁶⁹ Ireo hazo rehetra, avy amin’ny vehivavy, dia maty. Maty isika rehetra, avy amin’ny vehivavy. Avy amin’ny fahaterahana, dia maty isika rehetra. Fa tamin’ny alàlan’ny vehivavy no nahatongavan’ny fahafatesana, satria tonga tamin’ny alàlan’ny vehivavy io fahaterahana io. Eny àry. Noho izany, *ity* dia tsy maintsy maty, nohon’ny fahotana.

¹⁷⁰ Fa ny Fahaterahana, ny Fahateraham-baovao izay tonga tamin’ny alàlan’i Kristy, dia tsy mety maty. Hazo anankiray izany, ary ilay hazo hafa. Hitanareo? Ary io Hazo io, na dia nenjehina aza Izy, nesoina, hatrany amin’ilay tena fiandohana tao amin’ny sahana’i Edena mihitsy, dia tsy mety maty Izy. Voafidy mialoha Izy. Efa novelesina sy nokapohina Izy, ary, oadray, natao Taminy ny zavatra rehetra. Ary inona no nitranga? Tsy mety maty Izy. Ny...tsy ho faty izy. Tsy afaka izy, satria mifikitra ao anatiny ny Tenin’Andriamanitra voafidy mialoha. Tsy maintsy mivoaka Izy, satria ao amin’ny vanim-potoany manokana ny Voany, vanim-potoana voafidy mialoha. Izany, tsy mampaninona . . .

¹⁷¹ Nahita ny tsirairay avy tamin'izy ireo i Joela, lany hatrany ambany. Saingy hoy Izy hoe, "Izaho no hamerina, hoy ny Tompo," satria ny fifidianan'Andriamanitra mialoha no mipetraka ao anatin'ireo fakan'ilay Hazo. Tsy maintsy mivoaka Izy, satria mihazona ny Tenin'Andriamanitra voafidy mialoha Izy. Hmm! Oh, Hazo iray toy inona! Oadray!

¹⁷² Io Hazo io, nanomboka naniry Izy tany aoriana tany tao Edena. Inona no nitranga? Nisy andiany iray niseho, ireo zanak'i Kaina, tonga ireo biby kely sasany ka nihinana Azy hatrany amin'ny taho. Dia nesorin'Andriamanitra ny vokatra avy Taminy, ary napetrany tao anatin'ny sambofiara Izy ary nitondra Azy hatramin'ny farany. Marina. Tamin'ny fotoana rehetra, dia efa tahaka an'izany ilay izy, nanerana an'ireo fitsipiky ny fitsarana; Isiraily, nitohy nidina.

¹⁷³ Ary avy eo tamin'ny Pentekosta, izay nisy an'ilay Fiangonana ho an'ilay Hazo Ampakarina, Izy—nametraka tao amin'ny lamina Izy, tamin'ny Pentekosta, an'ilay Hazo izay voafidy mialoha hamoaka ny Voany amin'ny vanimpotoany. Ankehitriny, nandeha tsara, nety tsara mihitsy ireo voa. Namony Izy tamin'ny Andron'ny Pentekosta. Ndao jerentsika izay nitranga tamin'ny Andron'ny Pentekosta. Hoy Jesosy hoe, "Ireo asa izay Ataoko no hataonareo koa." Nanasitrana ny marary izy ireo. Ankehitriny, tamin'ny Andro...ndao jerentsika ankehitriny hoe ahoana no nanombohan'izany. Tamin'ny Andron'ny Pentekosta, andro vitsy taorian'ny fitsanganana, dimampolo andro taorian'ny Paska, dia indro tonga ny—indro tonga ny—ny Rivotra mahery nifofofofo, avy tany An-danitra.

¹⁷⁴ Ankehitriny, amin'izao andro izao, dia hafa no anaovantsika an'izany. Mitsangana ilay mpitoriteny ka mandray, manao hoe, "Hametraka ny anaranareo ao amin'ny boky aho." Hitanareo? Na manana bakalorea iray miaraka amin'ny vozon'akanjony mivadika, nanao hoe, "Avia eto ka raiso ny mofo kosher. Izany, avy eo, dia lasa mambra iray an'ny fiangonana ianao." Tsy hahahaha ve izany? Hoy ilay mpitoriteny hoe, "Avia mikambàna amin'ny vondronay." Nahoana, samy diso izy roa.

¹⁷⁵ "Tamin'ny Andron'ny Pentekosta, dia indro tonga avy tany An-danitra," (tsy avy teo amin'ny polipitra, teny an-dàlana) "avy tany An-danitra, ny" (Inona? Pretra iray ve? Tsia. Mpitoriteny iray ve? Tsia. Inona ilay izy?) "feo iray tahaka ny Rivotra mahery nifofofofo, ary nameno ny trano izay nipetrahan'izy ireo Izany. Nipetraka teo ambonin'izy ireo ny lela nizarazara." Niambakambaka, tsy afaka niresaka izy ireo, tena feno voninahitra izy ireo. Ny Fanahy Masina no nameno azy ireo. Nandeha nivoaka teny an-dàlambe izy ireo, niboredidredika. Izao fotsiny, ary nihetsika tahaka....

¹⁷⁶ Nitsangana teo mihitsy aza ilay fiangonana manan-daza ka nanao hoe, "Eny, feno divay vaovao ireo lehilahy ireo. Mamo izy

rehetra. Jereo ireo lehilahy sy vehivavy ireo, toy ny ahoana no ivembenan'izy ireo sy hanaovany hadalana."

¹⁷⁷ Ankehitriny, izany no HOY NY FANAHY HOE. Izany no Soratra. Tahaka an'izany no nandrafetana an'ilay Fiangonana; tsy nandrafetana, fa nandaharana. Misy fahasamihafana betsaka eo amin'ireo teny roa. Mariho. Teo izy ireo.

¹⁷⁸ Ankehitriny, ary mba fantatrareo moa, ianareo vahoaka Katolika? Niaraka tamin'izy ireo ilay Maria virijiny voatahy. Hia. Ankehitriny, raha tsy namela an'i Maria ho tonga any Andanitra Andriamanitra raha tsy nandray ny Fanahy Masina, dia ahoana no hahatongavanareo Any, tsy manana an'Izany? Eritrereto fotsiny izany. Marina izany. Teo anivon'izy ireo i Maria. Ary tsy maintsy niandry tao ambony tao izy mandrapahaveriny ny lazany sy ny fireharehany rehetra,nofenoina ny Fanahy.

¹⁷⁹ Ary indro tonga izy ireo, nihetsika tahaka ny olona mamo. Ny Baiboly no nilaza fa nanao izy ireo. Hoy izy ireo hoe, "Feno divay vaovao ireo lehilahy ireo."

¹⁸⁰ Fa, i Petera, ilay mpitondra teny, ilay mpitoriteny tao amin'ilay vondrona, dia nitsangana ka nanao hoe, "Tsy feno divay vaovao ireo, araka ny heverinareo, satria vao ora fahatelon'ny andro fotsiny izao. Fa izao no nampilazaina an'i Joela mpaminany." Ilay anankiray izay vakiako androany. "Ary izao no hiseho amin'ny andro farany, hoy Andriamanitra, handatsaka Ny Fanahiko amin'ny nofo rehetra Aho; ka ny zanakalahinareo sy ny zanakavavinareo haminany. Ary haneho fahagagana eny amin'ny lanitra ambony Aho, ary eny amin'ny tany, dia famantarana. Ary izao no hiseho, na iza na iza hiantso ny Anaran'ny Tompo dia hovonjena."

¹⁸¹ Ankehitriny, nitory teny tamin'ny Pentekosta i Petera, taorian'ilay mpaminany iray ihany izay toriako androany: mamboly an'io Hazo io. Ary teo no namboleny Azy. Oh, nanao tsara Izany. Nivoaka izy ireo ary nanana an'ireo fanomezampahasoavana ara-panahy. Nanasitrana ny marary izy ireo. Nitory teny izy ireo. Natsipy tao an-tranomaizina izy ireo. Nanaiky ny hijaly nohon'ny Teny izy ireo.

¹⁸² Raha nandeha nankany amin'ny firenena hafa ianareo toy ny wishy-washy iray, dia tsy hanao tena Amerikana tsara iray mihitsy ianareo, raha nandeha nankany. Raha nandeha nankany Japon ianareo ankehitriny, ka miampita an'ilay sisintany, manao hoe, "Henoy, ry sakaiza. Momba anareo aho. Mba fantatrareo moa? Momba anareo aho, saingy ao amin'ilay ilany hafa aho." Ianareo, mpamadika, tokony ho tifirina ianareo. Marina izany. Mpamadika iray ianareo. Azo antoka.

¹⁸³ Ary noho izany dia tahaka an'izany ilay izy, ny lehilahy iray izay mahafantatra ny Tenin'Andriamanitra, nefà hanao marimaritra iraisana eo amin'Izany satria rafi-pandaminana

iray no miteny aminy hanao an'ilay izy tahaka an'izany. Mpamadika iray izany. Marina.

¹⁸⁴ Fa tsy mpamadika ireto lehilahy ireto. Tsy nahoan'izy ireo na firy, eny, na nanao hadalana toy ny ahoana izy ireo, na ahoana ny fanaon'ny fiangonan'izy ireo: nihiakiaka, sy niantsoantsso, ary nihorakoraka, sy—sy niboredidredika tamin'ny fiteny izay toy ny hoe nifampiresaka izy ireo nefo tsy afaka nahazo. Ireo lehilahy tao amin'ny fanatrehana avy tamin'ireo firenena hafa sy fiteny hafa teo ireo dia nanomboka nandre an'izay nolazain'izy ireo. Tsy fantatr'izy ireo izay nolazainy; niboredidredika izy ireo. Saingy ireo olona hafa teo dia nahazo an'izany. Dia hoy izy ireo hoe, "Mamo tokoa ireto olona ireto."

¹⁸⁵ Fa hoy Petera hoe, "Tsy mamo izy ireo, fa fenon'ny Fanahy."

¹⁸⁶ Noho izany, izany, nandeha nankao amin'ny fanaovana maritiora ny tsirairay avy tamin'izy ireo, afa-tsy i Jaona, ary nodorana izy, efatra amby roapoloo ora tao anatin'ny tavy menaka iray, fa tsy afaka nandoro ny Fanahy hivoaka tao aminy akory aza izy ireo. Ary avy eo dia maty tamin'ny fahafatesana ara-boajanahary izy, ilay anankiray tokana, Jaona ilay mpanambara. Ankehitriny, marina izany.

¹⁸⁷ Mariho ankehitriny izay niseho. Eo amin'ity, namboly Hazo iray Andriamanitra, mba hamokatra fanomezam-pahasoavana ara-panahy sivy, fanomezam-pahasoavan'Ny Fanahiny. Ilay Fanahy iray ihany izay tao amin'i Kristy no nidina tao amin'ilay Fiangonana, nanana Fiainana Mandrakizay. Ankehitriny, ireo fanomezam-pahasoavan'ny Fanahy no tao amin'ilay Fiangonana, ary nitombo Izzy, nitondra voa, hatraiza hatraiza. Tsy nihevitra ny tenany izy ireo. Tsy nandrafitra na inona na inona izy ireo. Nandroso fotsiny izy ireo ary mpirahalahy. Izzy ireo tsy nanana . . .

¹⁸⁸ Faly aho fa teo ilay zavatra kely hoe, "Tsy misy fanekem-pinoana afa-tsy Kristy, tsy misy lalàna afa-tsy fitiavana, tsy misy boky afa-tsy ny Baiboly." Izany no inoako. Hitanareo? Ary tahaka an'izany no nataon'izy ireo. Izao tontolo izao no paroasintsika, hitanareo, hatraiza hatraiza.

¹⁸⁹ Noho izany, mariho, ireto lehilahy ireto rehefa nanao an'izany izy ireo, be voninahitra toy ny ahoana io fiangonana io. Ary nomba azy ireo Andriamanitra, hoy ny Baiboly. Ary nahaona tamin'izy ireo Jesosy talohan'ny Fiakarany. Hoy Izzy hoe, "Mandehana ianareo mankany amin'izao tontolo rehetra izao, ka mitoria ny Filazantsara amin'ny olombelona rehetra. Izao famantarana izao no hanaraka an'ireo izay mino; amin'Ny Anarako . . ." Ankehitriny, "Izao famantarana izao."

¹⁹⁰ Ankehitriny, amin'izao andro izao, dia karazana famantarana inona no iantsantsika ny mpino iray? Mandray tåñana an'ilay pasitera izy. Mikambana amin'ilay fiangonana izy. Manana ny anarany eo amin'ny boky izy satria ny reniny dia

nanana anarana iray, na ny rainy dia nanana anarana iray teo amin'ny boky iray. Fa tsy izany no nolazain'i Jesosy. Hoy Jesosy hoe, "Izao famantarana izao." Izany dia ilay fiangonana, ara-boajanahary.

¹⁹¹ Miresaka mikasika an'ilay Fiangonana isika, ara-panahy. Miresaka mikasika ny Hazo ara-panahy iray isika, fa tsy hazo ara-boajanahary iray. Ho tonga eo amin'ireo hazo roa ireo isika ao anatin'ny, afaka kelikely. Hitanareo? Hazo ara-panahy iray! Hoy Jesosy hoe, "Izao famantarana izao no hanaraka an'ireo izay mihantona eo amin'io Hazo io. Izao famantarana izao no hanaraka an'ireo izay misintona ny Ainy avy ao amin'ity Hazo ity. Handroaka devoly amin'Ny Anarako izy ireo; hiteny amin'ny fiteny vaovao izy ireo. Raha handray menarana izy ireo, na hisotro zava-mahafaty, dia tsy hampaninona azy ireo izany. Raha mametraka ny tânany eo amin'ny marary izy ireo, dia ho sitrana ireny."

¹⁹² Io ilay karazana famantarana izay Nolazainy fa hanaraka ny mpino. Aiza izany amin'izao andro izao? Nanome ohatra iray ho an'izao tontolo izao Izy ny amin'ny hoe ho inona ny—ny famantaran'ilay mpino. Ary hoy Izy hoe, "Ho tsara lavitra raha hanantonana vato fikoseham-bary eo amin'ny tendanareo, ka atsipy any amin'ny ranomasina lalina, toy izay hanafintohina ny anankiray amin'ireo, satria ireo Anjeliny dia mibanjina isan'andro ny tavan'Ny Raiko izay any An-danitra." Ireo Anjely!

¹⁹³ Mariho ankehitriny. Teo izy ireo. Ary nambolena io Hazo io. Nanao asa lehibe Izy. Fantatsika fa izy ireo dia nandeha saiky, hatraiza hatraiza. Ny Tompo...Nahoana, tamin'ny Andron'ny Pentekosta, dia fanahy telo arivo no nanampy, natao batisa, ary nuditra tao amin'ilay Fiangonana. Ary fiombonana lehibe toy ny ahoana no nananan'izy ireo! Ary, ny olona rehetra, tsy nisy olona nila na inona na inona. Tsara fanahy ny olona rehetra, ary tsara fo. Ary, ny iray tamin'ny hafa, fianakaviana anankiray goavana izy ireo. Nahafinaritra!

¹⁹⁴ Ary indro nandalo, ny voangory kely iray, antitra, ratsy tarehy, manana nify tendan-kanina izay niaina tao anatin'ny dingana efatra samihafa, araka ny nahitan'i Joela azy. Io bibikely tao amin'ny dingana efatra io, mpandrava, dia nivoaka mba handrava an'io Hazon'Andriamanitra tsara tarehy io. Eritrereto izany. Ankehitriny dia hamaky ny sasany avy ao amin'ny an'i Joela aho, izay nolazainy. Joela, ny toko faha-1. Ny zavatra voalohany...Ankehitriny, misy voangory efatra samihafa eo ankehitriny, saingy eo, dia voangory anankiray tokoa izany. Voangory anankiray ao amin'ny dingana efatra samihafa izany. Diniho ankehitriny. Ity voangory kely, trrainainy ity dia nandalo, ho an'ity Fiango...ho an'ity Hazon'Andriamanitra lehibe, tsara tarehy ity. Hantsointsika hoe Hazo iray izany, dia ilay Fiangonana.

¹⁹⁵ Ny voalohany dia kijeja. Zavatra kely iray izany, bibikely iray kely bitika fotsiny avy amin'ny olitra iray. Inona no nataony, io kijeja io? Tonga izy mba handrava ny voan'ilay Hazo. Izany ilay zavatra voalohany.

¹⁹⁶ Ankehitriny dia ndao isika hiverina ao amin'ny tantara ka hahita fa ilay zavatra voalohany dia: dia vo—vondrona manan-kaja iray tonga teo anivon'ny olona tsotra. Ary hoy izy ireo hoe, “Eny, tsara ny ahafahanareo manasitrana ny marary, sy ahafahanareo manao an'ireo zavatra ireo. Mahafinaritra izany. Noho izany, fantatrareo ve izay tokony hataontsika? Tokony hitondra an'izany eo amin'izay hahazoan'ireo kilasin'olona goavana kokoa an'izany isika, ilay kilasy tsaratsara kokoa: ny ben'ny tanàna, ireo—ireo mpitsara, sy ny sisa, ary ireo—ireo—ireo manan-kajan'ny tanàna. Ary raha mbola manohy eo amin'ny fomba izay misy anareo foana ianareo, dia tsy ho avy eo aminareo mihtisy izy ireo. Hitanareo? Matahotra anareo izy ireo.”

¹⁹⁷ [Hoy ny rahalahy iray hoe, “Mbola matahotra foana izy ireo.”—Mpand.] Nilaza ny olona iray fa, “Mbola matahotra foana izy ireo.” Ataoko fa saiky marina izany. Noho izany, marina izany. Matahotra ny Fanahy Masina izy ireo. Miala tsiny aho.

¹⁹⁸ Nihira hira kely iray aho taloha hoe:

Izany dia ilay fahiny . . .

Efa mba nandre *Ny Fivavahan'Ny Andro Fahiny* Ve ianareo?
Misy olona efa nandre an'izany hira izany ve eto?

Izany ilay fivavahan'ny andro fahiny . . .

Nihira hira kely iray tahaka an'izany aho taloha, taona maro lasa izay, hoy aho hoe:

Izany ilay Fanahy Masina tamin'ny andro fahiny,
Ary tsy hanakaiky an'Izany ny devoly;
Izany no antony atahoran'ny olona Azy,
Saingy tena tsara amiko Izy.

Tena tsara Izy ka tsy mila hafa aho,
Satria manao ahy hitia ny rahalahiko Izy;
Ary mampiharihary ny nafenina Izy,
Noho izany dia tena tsara amiko Izy. (Marina izany.)

Hanao anareo hampijanona ny lainganareo Izy;
Hamonjy anareo Izy rehefa eo am-pahafatesana ianareo;
Hanomboka hampandositra ny devoly Izy,
Ary tena tsara ho ahy Izy.

¹⁹⁹ Marina izany. Izany no antony tsy ilàñ'ny olona Azy. Ankehitriny—ankehitriny, Andriamanitra Izany.

²⁰⁰ Tsy nila an'i Jesosy izy ireo. Hoy izy ireo hoe, “Io lehilahy io ve?” Ny fiangonana, ilay fiangonana manan-kaja, nanao hoe, “Tonga hiteny aminay ve ianao hiteny hoe iza izahay? Homenay

mba hahazoanao, izahay no Dr. Ph.D., L.L., Q.U.S., ary,” oadray, “ity rehetra ity.” Na, “Nahoana, izaho no mpisoronabe. Izaho no ity, itsy, na ny *hafa*. Dia ianao ve no hiteny amiko? Nahoana, teraka tao amin’ny fahotana ianao. Tsy misy afa-tsy zaza tsy ara-dalàna ianao. Ny reninao dia tsy maintsy ho, nanana anao, talohanao sy ny rainao... hany nanambadian’ilay ray.”

²⁰¹ Hoy Izy hoe, “Iza no afaka hiampanga Ahy amin’ny fahotana?” Hitanareo? “Iza no afaka hiampanga Ahy?” Eny àry. *Fahotana* dia “tsy mino ny Tenin’Andriamanitra.” Amin’ny teny *hafa*, dia hoy Izy hoe, “Aseho Ahy hoe aiza no tsy Anatanterahako ny Teny, hatrany amin’ny—hatrany amin’ny—hatrany amin’ny farany, eo amin’izay natao hanatanterahana Azy mihitsy. Aseho Ahy ao amin’ny Soratra, izay misy ny Androko. Raha tsy manao an’ireo asan’Ny Raiko Aho, amin’izay fotoana izay dia aza mino Ahy ianareo.” Hoy izy ireo, “Ankehitriny, mihambo ho izany ianao. Ankehitriny dia avelao izahay hahita anao manao an’ilay izy.” Oh, oadray!

²⁰² “Nanomboka teo dia tsy nanontany na inona na inona Taminy izy ireo.” Hitanareo? Navelan’izy ireo nipetraka tsara Izy. Toy ny hoe, nanidina nanatona Azy ny devoly. Nilaza aho fa, nihevitra izy fa hitsambikina fotsiny, na izany aza. Saingy, hitany, fa nanana iray tapitrisa volta tao anatin’io Tariby io. Nitsambikina niala tamin’io Anankiray io izy, haingana mihitsy, hitanareo, satria tsy afaka nihazona an’Izany izy. Ary izany no zavatra anankiray azo antoka.

²⁰³ Noho izany dia tonga io kijeja kely io, mba hanaisotra an’ireo voa. Manana pejy roa aho mikasika ny “voa.” Vitsivitsy amin’izany fotsiny no tiako vakiana. Ny zavatra voalohany, ilay voa voalohany nesoriny, dia ny fitiavan’ny mpirahalahy. Marina izany. Izany no iray amin’ireo zavatra izay mamono ny fiangonana eo no ho eo, rehefa ny fitiavan’ny mpirahalahy.... Eny, tompoko. Avy eo, ilay voa manaraka izay nesoriny teo amin’ilay Hazo.... Tsaroanareo, ny fitiavana no voa voalohany teo amin’ilay Hazo. “Fitiavana, fifaliana, fiadanana, fahari-po, fahatsaram-panahy, fahalemem-panahy, finoana, faharetana,” marina izany, “ao amin’ny Fanahy Masina.” Ankehitriny, fanomezam-pahasooavana ara-panahy sivy, miaraka amin’ny voa sivy an’ilay Hazo, sy ny sisa. Eny àry. Ankehitriny, ny voalohany, tsy maintsy nihinana ny voan’ilay Hazo izy.

²⁰⁴ Ankehitriny dia ndao isika hieritreritra Hazo goavana iray, ny Hazon’Andriamanitra. Mitondra fanomezam-pahasooavana ara-panahy sivy Izy. Manasitrana ny marary izy ireo. Miteny amin’ny fiteny tsy fantatra izy ireo. Mandroaka devoly izy ireo. Manao asa lehibe izy ireo, ary mitory ny Tenin’Andriamanitra tsy mifangaro. Tsy misy anaram-piangonana hamatotra azy ireo; malalaka izy ireo, manao asa lehibe iray.

²⁰⁵ Noho izany, dia niditra io devoly antitra kely io, nipetraka niaraka tamin’ireo tandrony roa nivoaka teo amin’ny handriny,

tahaka ny valala iray, fantatrareo, ary ireo nifiny antitra kely tendan-kanina. Izany no azy voalohany, ny kijeja, tonga izy mba hihinana ny fitiavan'ny mpiralahalahy. Hoy izy hoe, “Fantatrareo, *Ranona-sy-ranona* nanao an’izao-sy-izao, tany amin’ny fiangonan’i *Ranona-sy-ranona*. Tsy hino an’io andian’olona io aho.” Hitanareo? Io izy, ilay zavatra voalohany.

²⁰⁶ Manaraka, te-hihinana an’ilay vokatry ny finoana izy, finoana ny Teny. “Jereo ankehitriny. Ahoana no ahafantaranareo fa izany no Teny? Efa nadika imbetsaka Izany!” Mbola mihinana foana io devoly kely io. Marina. “Efa nadika imbetsaka mihitsy io Teny io! Izy dia *ity, itsy*, na ny *hafa*. Oh, izy dia *ity* rehetra *ity*.” Hitanareo?

²⁰⁷ Ankehitriny, ity ilay voa iray hafa izay nohaniny: ny fifalian’ny famonjena. “Shhh! Manao tabataba be loatra ianareo olona. Oh, oadray! Oadray!”

²⁰⁸ “Oh, ahoana no ahafahanao mitory teny, Rahalahy Branham?” hoy ny vehivavy iray tamiko, indray mandeha. Tsia, tsy izany ilay izy. Lehilahy iray ilay izy. Mino aho fa izy dia . . . Manantena aho fa eto izy. Mikambana amin’ny fiangonana iray hafa izy. Fa hoy izy tamiko, nanao hoe, “Tany aho mba hihaino anao, indray andro, fa tsy afaka nandre anao akory aza aho, satria niantsoantsio ireo olona ireo.”

Hoy aho hoe, “Raha izy ireo . . .”

Hoy izy, “Ahoana marina no ahafahanao mitory teny?”

²⁰⁹ Hoy aho hoe, “Raha tsy nankasitrahany’izy ireo izany, dia tsy ho nitory teny tany aho.” Marina izany. Izaho taloha dia nanana . . . ianareo . . .

²¹⁰ Ny sakaizako iray, Jim Poole, sy izaho, nanana alika antitra iray izahay taloha. Fritz no niantsoanay azy. Ary noho izany io alika antitra io, izy dia—niditra tao amin’ny zavatra rehetra izay notereny tao anaty hazo izy, afa-tsy jaboady iray. Matahotra jaboady izy, satria maimbo loatra izy. Noho izany, apetrako eo ambanin’ny antontan-kirihitra ho azy ny jaboady iray, ny zavatra tokana tsy maintsy nataoko dia ny nikapokapoka kely azy fotsiny, ka nanao hoe, “Asio izy! Asio izy, ry tovolahy!” Handeha haka an’io jaboady io izy, hitanareo, satria nikapokapoka azy aho, nanao hoe, “Asio izy!”

²¹¹ Eny, izany fotsiny ilay izy rehefa isika . . . Izany dia, ny jaboady ratsy indrindra izay fantattro, dia ny devoly. Noho izany, rehefa mitondra an’ity Teny ity aho, ka milaza ny olona iray hoe, “Amena,” izany dia hoe, “Asio izy, ry tovolahy!” Ary isika—isika dia—ho terentsika ao anaty hazo izy.

²¹² Noho izany, hitantsika fa nesoriny ny fifaliana. Fantatrareo, Davida, indray mandeha, dia nahavery ny fifalian’ny famonjeny. Tsy nahavery ny famonjeny izy, fa nahavery ny fifalian’izany.

Niantsoantso fotsiny izy hoe, “Tompo, ampodio amiko ny fifalian’ny famonjeko.” Hitanareo? Ny fifaliana!

²¹³ Noho izany dia nanomboka nihinana an’io vokatry ny fifaliana io ity kijeja antitra kely ity. “Ankehitriny, jereo eto. Manao tabataba be loatra ianareo olona. Teneniko aminareo, io antsoantso rehetra io, io fitenenana hoe ‘amena’ io, ary io fikiakiahana io, fahadalana izany. Tsy misy misy na inona na inona ao amin’izany.” Hitanareo? Ny zavatra voalohany fantatrareo, mipetraka ao anatin’ny tronom-paty goavana iray ianareo, fantatrareo, mipetraka ao, maty izy rehetra ireo. Ny sasany amin’ireo ranon-javatra fanosorana an’ny *mody antsoina* hoe Foto-pampianarana, an’ny fanekem-pinoana no nopaompiana tao anatin’ny lâlan-dràn’izy ireo eo amin’izay tokony hikorian’ny Fanahin’Andriamanitra, fa ilay fanekem-pinoam-piangonana tranainy no nopaompina tao anatin’ tao. Tsy mahagaga raha mangatsiaka mîvaingana sy maty izy ireo. Ny fitsapana hafanana ara-panahy, dia sivifolo ambanin’ny aotra. Hia. Raha misy olona iray manao hoe, “amena,” dia manalava ny tendany ny olona rehetra tahaka ny karazana gisa iray na zavatra iray, te-hahafantatra hoe iza no nilaza an’izany. Henatra iray izany. Nefa, ny Fanahin’Andriamanitra dia tokony ho fifaliana, fiadanana, fitiavana. Fa ity biby kely antitra ity no nanomboka nihinana an’izany. Nohaniny ny fifaliana rehetra.

²¹⁴ Ary, avy eo, ny voa manaraka teo amin’ilay Hazo dia fiadanana, fiadanana-tsaina, mahafantatra fa voavonjy ianareo.

²¹⁵ Miteny aminareo izy ireo hoe, “Eny, ankehitriny, raha hanao tsianjery ny fanekem-pinoanay ianareo, dia voavonjy. Raha mikambana amin’ny fiangonako ianareo, dia voavonjy.” “Eny, ankehitriny,” hoy ity anankiray ity, “tsy voavonjy ianareo raha mandeha *etsy*. Tsy maintsy mikambana amin’ny fiangonanay ianareo, mba ho voavonjy. Tsy maintsy milaza ianareo hoe, ‘Arahaba ry Maria.’ Tsy maintsy manana ny anaranareo eo amin’ity boky ity ianareo. Ianareo tsy maintsy manana ny...” Oh, oadray! Hanaisotra ny fifaliana rehetra izany. Fa tsy izany no Hazon’Andriamanitra; fantatrareo izay misy anareo. Mifangaro izany, isan’andro.

²¹⁶ Fantatrareo ny tantaroko mikasika an’ilay ramole. Mifangaro iray izy. Tsy fantany ny papany, mamany, na ny iray, hoe iza. Hitanareo? Mifangaro iray izy. Fa, oh, ny soavaly tsara madio rà iray, dia fantany hoe iza ny papany sy mamany, nanerana an’ireo taranaka.

²¹⁷ Ary ankehitriny, ny Kristiana iray tena tsara madio rà, ihany koa, izay manana ny Fanahy Masina, dia fantany fa nilatsaka tamin’ny Andron’ny Pentekosta Izany. Fantany izay misy azy. Afaka manoritra an’ireo taranany hatrany aoriana izy, ireo tantaram-pirazanany, hatrany amin’ny fiandohan’izany voalohany. Nanana an’Izany i Petera. Nitohy nanerana an’ilay firenena, na ireo taranaka, nanana an’Izany izy ireo, nitohy

nidina. Ny Kristiana tsara madio rà iray dia mahafantatra hoe avy aiza Izany.

²¹⁸ Hoy ianareo, “Eny, Loterana aho.” “Hah! Izaho Presbyterana.” Oh, ianareo mifangaro! “Nahoana ianao no tsy izany? Nahoana ianao no tsy izany?”

²¹⁹ “Eny,” hoy ianareo, “inona moa—inona moa ianao?” Nateraka indray. “Nateraka indray, tamin’ny inona?” Ny Fanahin’Andriamanitra.

²²⁰ Izany no antony tsy maha-mifangaro anareo. Teraka aradalàna ianareo. Tsy tamin’ny fanekem-pinoam-piangonana iray, fa tamin’ny Fanahin’Andriamanitra. Andriamanitra no velona ao anatinareo.

²²¹ Mariho ankehitriny. Nanomboka nihinana io bibikely antitra kely io. Noho izany, nohaniny ny fiadanan-tsaina rehetra, oh, ary nitohy, sy nitohy, sy nitohy, ary nitohy, nitohy hatrany. Manana pejy iray an’izany aho eto, ireo voa rehetra, izay nataony.

²²² Avy eo dia maty io biby kely io, ary lasa koraika iray. Izany ilay dingana manaraka, dia koraika iray. Ankehitriny, inona no ataon’ny koraika iray? Mihinana an’ireo ravina ny koraika. Marina izany. Mamely an’ireo ravina izy; nohaniny ny voa rehetra an’ilay Hazo. Avy eo dia inona no niditra? Tonga mba hihinana ny koraika, nihinana an’izay sisan’ilay kijeja. Ankehitriny, inona no nataony? Inona no nataon’io kijeja io? Namotika an’ireo ravina. Ho an’ny inona ireo ravina? Mamotika ny fiombonana Masina. Marina izany.

²²³ “Ankehitriny, izy dia—izy dia—Presbyterana iray izy. Tsy banana na inona na inona hatao aminy isika. Nazareana izy. Pentekotista izy. Izy dia *ity, itsy*, na ny *hafa*. Tsy banana na inona na inona hatao aminy isika, satria tsy mikambana amin’ny vondrontsika izy. Hanao fivoriana iray eto ve, ho an’ny fanasitranana ny marary? Hah! Tsy mino an’izany akory aza ny fiangonantsika.” Hitanareo? Eo ianareo izao. Izy, inona no nataon’io koraika antitra kely io? Notapahany ny fiombonana rehetra, marina izany, nesoriny ny fiombonana rehetra.

²²⁴ Inona ny fiombonana? Inona no ataon’ireo ravina? Manao azy hangatsiatsiaka, eo amin’izay hanidinan’ireo vorona eo ambanin’ireo ravina, “hah-hah,” mangatsiatsiaka. Io indray ilay hazonareo. “Ary ho tahaka ny Hazo izay nambolena izy.” Hitanareo? Eny àry. Eo amin’izay ahafahan’ny olona ho tonga ka hipetraka eo ambanin’ny fiombonan’ny Fanahy Masina, mangatsiatsiaka kely. Very hevitra ianareo rehetra, ary tsy mahafantatra an’izay nitranga; ary raha maty ianareo, raha voavonjy ianareo na tsia. Ary tsy fantatrareo raha *ity* fiangonana *ity* no marina, na *itsy* no marina. Tongava fotsiny eo ambanin’ilay Hazo izay manana ravina vitsivitsy eo Amboniny. Mipetraha eo. Avelao hitsoka ireo Rivotra avy any An-danitra,

tahaka ny Rivotra mahery mifofofoko, amin'ny alàlan'ireo ravina, fantatrareo, manohy. Manomboka... Ary manomboka mangatsiasaika kely ianareo.

²²⁵ Hoy ianareo, “Oh, handeha any aho ka hiteny amin’io andiana holy-rollers io an’izay eritreretiko.”

²²⁶ Mipetraha vetivety fotsiny dia hangatsiasaika ianareo. Marina izany. Tsy afaka manao an’izany ao amin’ny anareo ianareo. Satria, inona ny olana? Efa nihinana azy manontolo ilay koraika, azo antoka, nihinana an’ireo raviny rehetra. Ankehitriny, izany dia, afaka mipetraka tsara ao ivelany ao amin’ny masoandro ianareo. Noho izany, ianareo, tsy misy—tsy misy fampangatsiasahana ao. Eny àry. Ankehitriny, noho izany dia misy...

²²⁷ Fa fantatrareo izay asaina ataontsika. Ny Baiboly dia nilaza, hoe, “Ilay Fiagonana voafidy mialoha, ireo zanak’Andriamanitra voafidy mialoha,” (inona no ataon’izy ireo?) “mipetraka ao amin’ireo toeran-Danitra.” Inona izany? Hatsiasaika, fiononana, mahatsapa hoe any an-trano. Amena.

²²⁸ Eo amin’izay anaovan’ny olona rehetra tuxedo iray, ary—ary ilay olona manaraka tahaka an’izao, ary—ary ny sasany amin’izy ireo, hoy izy ireo hoe, “Hampf! Jereo. Tsy nanisy fampiraiketam-bolo mihitsy izy ao amin’ny volony. Ilay izy dia, tsy toa mahatsiravina ve izy? Tsy manana akanjo voloina iray an’ny Paska akory aza izy.” Ankehitriny, noho izany, izany, na mety ho inona ilay izy, anaovana, fantatrareo. Na inona, na dia... Hia. “Akanjo voloinan’ny Paska,” saiky marina izany, hitanareo. Mipetraka any aoriana, ary manao hoe, “Hampf!” Hitareo? “Tsy manana Paska iray akory aza... Nahoana, eny, jereo izy, ilay palitao sy pataloa tranaindy iray ihany izay nanaovany tamin’ny taon-dasa! Eny, inona no fantatrareo mikasika an’izany?” Tsy mahatsapa ho tsara ianareo, eo.

²²⁹ Nilaza tamin’ny vehivavy iray aho, indray andro. Vehivavy kely mahatrantra, nikambana tamin’ny fiagonana malaza, manan-daza iray izy tany... Hoy izy hoe... Teo am-pahafatesana izy, tamin’ny homamiadana. Nandeha aho mba hivavaka ho azy. Rahalahy Roy Roberson eto, iray amin’ireo mpitantan-drahahaha, no nandefa ahy tany. Ary nipetraka teo ilay zavatra kely mahatrantra, teo am-pahafatesana tamin’ny homamiadana. Dia hoy izy hoe...

Hoy aho hoe, “Ianao ve... Kristiana ve ianao?”

²³⁰ Hoy izy hoe, “Tompoko, izaho—tsy fantattro izay ho lazaina.” Hoy izy, “Nandeha tany amin’ny fiagonana *anankiray* aho.” Dia hoy izy... Ary nanomboka nitomany izy.

Hoy aho hoe, “Inona ny olana?”

²³¹ Hoy izy, “Tsy afaka niakanjo tsara mihitsy aho.” Hoy izy, “Nanambany ahy izy ireo.” Hah! Oh, eo ianareo izao. Hitareo? Ianareo dia—tsy mahazo aina ianareo. Hitareo?

²³² Fa ny Baiboly dia nilaza fa isika dia tokony “hivory miaraka ao amin’ireo toeran-Danitra.” Oh, oadray! Inona? Mitovy ny rehetra. Nahoana, hoteneniko aminareo hoe inona no hataon’io. Izany dia hanao ny . . . Izany dia hanao ny akanjo fitondra miasa iray sy tuxedo iray hifametraka ny sandriny manodidina ka hifampiantso hoe rahalahy. Azo antoka fa hanao izany. Izany dia hanao akanjo calico tranainy iray hametraka ny sandriny manodidina ny landy iray, parasily anankiray ka hanao hoe, “Rahavavy, manao ahoana ianao izao maraina izao? Deraina Andriamanitra!” Marina izany. Hanao izany. Izany no fifaliana, fiadanana, fitiavana, finoana ny Teny, fahari-po, fahamorampanahy, faharetana. Mipetraka ao amin’ireo toeran-Danitra ao amin’i Kristy Jesosy, mangatsiatsiaka vetivety. Hitanareo? Izany no nataon’ireo ravina.

²³³ Fa inona no nataon’ilay koraika antitra, tonga izy, nihinana an’ireo ravina ireo, nanao hoe, “Na ianao mikambana amin’ny anay na ianao tsy mikambana amin’iza na iza.” Noho izany dia nesoriny ny hatsiatsiakan’ny Fanahy rehetra. Hitanareo? Nanamboatra fanekem-pinoana iray samirery izy. Eny àry. Tsy maintsy manohy isika ankehitriny. Afaka hijanona ela be eo amin’io koraika antitra io isika.

²³⁴ Fa ny dingany fahatelo dia valalavao iray. Hmm! Manana anaran-dratsy iray izany, eo am-panombohana, ny valalavao. Inona no ataon’ny valalavao iray? Miditra ao anatin’ilay hodi-kazo izy. Ilay lâlan’aina izany, eo. Eny, tompoko. Miditra ao anatin’ny hodi-kazo izy ary mamotika ny firakotr’ilay hazo. Ilay firakotra!

Inona ny fivavahana? Firakotra. Izany no dikan’ny teny hoe *fivavahana*, “firakotra iray.”

²³⁵ Noho izany, ity valalavao kely ity, rehefa avy nandeha teo anivon’ilay fiangonana izy, dia nanao azy rehetra hanankaja; avy eo dia nesoriny niala tamin’izy ireo ny fiombonana rehetra, tao amin’ny endrik’ilay koraika; ary ankehitriny dia tonga izy ary maka ny tena fivavahan’izy ireo ka manao dogma avy amin’izany, marina, mametraka an’ireo teny tsy ortodoksa. Manao fivavahana iray ho an’ny tenany, ary mamory andian-dehilahy miaraka ka mametraka fanekem-pinoana ao. Alainy ilay tena fivavahana, endahany avy amin’ilay Hazon’Andriamanitra izany, tena hodi-kazo izay mitondra an’ilay tsiron-kazo izay miakatra ao anatin’Izany, manaisotra an’izany. Valalavao! Tsy hitanareo ve io bibikely io? Marina tokoa izany. Io valalavao io, Roma tao amin’io fiangonana voalohany io izany.

²³⁶ Ny zavatra voalohany, ireo vondrona Pentekotista; tsy ireo rafi-pandaminana Pentekotista. Tsia, tompoko. Ny zavatra rehetra izay mandrafitra dia maty. Hoporofoiko izany afaka iray minitra fotsiny, amin’ny alàlan’ny Soratra. Hitanareo? Fa ilay izy rehefa ny . . . Fa, ilay fahatsapana Pentekotista, ho an’iza

izany? Izany dia ho an'ny Katolika. Iza koa? Ny Metodista, ny Batista, ny Presbyterana, ny olona rehetra izay mila azy. Fa mila ianareo, tsy maintsy mila an'izany. Tsy mikambana ao anatin'Izany ianareo.

²³⁷ Efa tao amin'ny fianakaviana Branham aho nandritry ny telo amby dimampolo taona, fa tsy nikambana tamin'ilay fianakaviana mihitsy aho. Nahoana? Branham iray aho, eo ampanombohana. Nateraka Branham iray aho.

²³⁸ Tahaka an'izany isika Kristiana. Tsy satria hoe nikambana tao amin'ny zavatra iray isika; rafi-pandaminana iray izany. Isika dia teraka, Kristiana, tamin'ny nahaterahana indray tamin'ny alàlan'ny Fanahy Masina. Mariho ankehitriny.

²³⁹ Ankehitriny, nanomboka nanatsofoka ny tenany tao anatin'ilay hodi-kazo ity valalavao kely ity. Inona no nataony? Nanomboka naka ny fivavahany izy, ny firakony, ny Foto-pampianarany nanalavitra azy. Foto-pampianarana iray ny fivavahana, firakotra iray izay mandrakotra ny zavatra rehetra. Izany no antony hoe ny fivavahantsika dia amin'ny alàlan'ny Rà, ilay Rà. Ny Aina dia ao anatin'ny Rà izay mandrakotra ny Teny. Ary ny Aina dia ny... Ao anatin'ny Rà Izany. Ny Rà dia fivavahana, ary ny Aina ao anatin'ny Rà no mitondra an'ireo vokatra. Nahoana, hitanareo ve izany? Hitanareo?

²⁴⁰ Ilay izy tsy hoe rakofan'ny ravin'aviavy. Nanandrana an'izany i Adama sy Eva indray mandeha. Nanao an'ilay zavatra iray ihany i Kaina. Efa voamarikareo ve izany? Kaina dia nitondra zavatra avy tamin'ny fiainan-java-maniry, ihany koa. Hitanareo? Fa tsy nety izany. Tsy nety izany tamin'i Adama sy Eva. Ary tsy hety izany amin'izao andro izao. Rehefa nandà an'izany Andriamanitra tany amin'ny voalohany, dia lavina Mandrakizay izany. Tsy hahavita an'izany mihitsy ireo fanekem-pinoana sy fisainana nataon'olona.

²⁴¹ Ilay izy dia ny Tenin'Andriamanitra, no tokony hanao azy. Ary ny Teny dia amin'ny alàlan'ny Rà, ny fanatitr'i Kristy. Marina izany.

²⁴² "Ny olona," araka ny nolazain'ny rahalahy aninkeo maraina hoe, "misintona zava-maranitra." Eny, fantatrareo, misy fantsika sivy ambin'ny folo samihafa ato amin'ny firenenia androany, izay hazonin'ireo rafi-pandaminana samihafa, ka afaka mihambo hoe, "Izany no fantsika tany am-boalohany, izay tao amin'ny Tànany." Inona ny amin'izany, raha izany no izy? Tsy te-hanao na inona na inona amin'izany aho. Izany tokoa.

²⁴³ Tsy namela zava-masina sy famantarana mihitsy Andriamanitra. Nandefa ny Fanahy Masina Izy, Zavatra velona, tsy mety potika. Inona no soa hataon'ny fantsika iray amiko? Inona no hataon'ny hazo fijaliana tany am-boalohany izay Nihantonany, inona no soa hataon'izany amiko? Na kely aza. Tsy

ny mahafantatra ny fantsika, mahafantatra ny hazo fijaliana, fa,
“Ny mahafantatra Azy no Fiainana.” Hitanareo?

²⁴⁴ Ankehitriny, noho izany dia mifikitra eo amin’ireo fantsika isika, mifikitra eo amin’ireo zava-masina isika, ary mifikitra eo amin’ireo toerana isika. Ary amin’izao andro izao dia mandeha mandroso sy miverina ny olona, ao an-tanànan’i Jerosalema, ary—ary ny rehetra mandroso sy miverina ao amin’ny toerana samihafa, ka mihazona zava-masina sy ny sisa. Tsy misy idiran’izany amin’io, na zavatra iray aza. Voaheloka ilay zavatra, lò, ary vita.

²⁴⁵ Nandeha nankany amin’ny fiangonana iray aho tany—tany Roma. Tao amin’izay nisy an’izy ireo—izy ireo, ireo pretra rehetra izay maty, nataony tao anaty zaridaina iray izy ireo, tao ambany tao, ary namela ny nofo hihintsana avy amin’ireo taolana. Ary—ary avy eo dia esorin’izy ireo ny taolana ka anaovany tahon-jiro, ary nametraka ny karandohan’izy ireo nanodidina. Ary miditra ao ny olona, mikosoka an’ireo karandoha ireo, mba hahazo fitahiana, hany ka fotsy sy tonta ireo karandoha. Raha miditra ao anatin’ny Katedralin’i Masindahy Petera any ianareo, ny tongotra iray an’i Petera, mihambo izy ireo any, sarivongana iray, efa tonta nohon’ny fanorohana, in-tsivy na impolo samihafa; tsy maintsy nandasitra tongotra iray hafa teo amin’izany izy ireo. Tena fahadalana! Finoanoam-poana, izay ihany ny amin’izany, fanekem-pinoana avy amin’ny foto-pampianarana nataon’olona.

²⁴⁶ Nandefa ny Fanahy Masina Andriamanitra, Ain’Andriamanitra, ho ao anatinareo, fa tsy ho ao anatin’ny sarivongana iray. Ianareo no ilay zalahy izay tian’Andriamanitra hiaianana; tsy sarivongana iray, fa ao anatinareo. Ny olona dia miantso hoe, “sarivongana masina.” Tsy misy ny sarivongana masina. Ianareo no sarivongana masin’Andriamanitra. Ny Baiboly no niteny an’izany. Marina izany. “Vatana no Namboarinao ho Ahy.”

²⁴⁷ Ankehitriny, nanomboka namotika ity biby kely ity. Namotika inona? Niditra nankao amin’ny hodi-kazo ilay valalavao. Diniho izay nataony. Nanomboka namotika an’ilay hodi-kazo. Inona no nataony? Nanao fiangonana araboajanahary iray raha tokony ho Fiangonana ara-panahy iray. Eny, tompoko. Nesoriny ilay marina ary nomeny sandoka iray izy. Ankehitriny, tsarovy. Ilay ravina . . .

²⁴⁸ Ny voa, nohanin’ilay kijeja. Ny ravina, nohanin’ilay koraika. Ankehitriny, ny hodi-kazo, ilay firakotra, ilay fivavahana, ilay Foto-pampianarana; ilay Foto-pampianarana, nohanin’ilay valalavao.

²⁴⁹ Avy taiza io foto-pampianarana voalohany io, ivelan’ny Baiboly? Ianareo mpahay tantara, fantatrareo hoe avy taiza

izany. Avy tany Roma, tany marina tokoa no nanombohany, tany izy ireo no nanomboka nanaiky dogma.

²⁵⁰ Izany no nahatonga an'i Irénée, Masindahy Martin, Polycarpe, izy rehetra ireo...taorian'ny fahafatesan'i Jaona. Nohon'ny fandikana ny Tenin'Andriamanitra, dia tany amin'ny nosy Patmo izy. Nodoran'izy ireo tao anatin'ny menaka izy nandrity ny efatra amby roapolo ora, navoaka, ary mbola nanoratra ny Baiboly foana. Efa nanapa-kevitra Andriamanitra fa ho voasoratra ity Baiboly ity. Izany no Tenin'Andriamanitra. Tsy afaka manaisotra avy amin'Izany na manampy amin'Izany isika. Tsy maintsy mijanona mihitsy araky ny maha-izy azy Izzy, ny Teny.

²⁵¹ Mariho rehefa niverina izy ireo, rehefa niezaka nanohana an'ity ity ireo olo-masin'Andriamanitra ireo, dia niditra avy hatrany i Roma, ka nanaiky dogma, ho solony. Ankehitriny dia ndao jerentsika izay nataony, ny sasany tamin'ireo foto-pampianarany sandoka, izay nataony.

²⁵² Ny batisan'ny rano. Teo amin'izay nanirahana azy ireo... Nilaza i Petera, tamin'ny Andron'ny Pentekosta, teo ambanin'ny fitaoman'ny Fanahy Masina, ny Tenin'Andriamanitra hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho an'ny famelàna ny fahotanareo."

²⁵³ Nataon'i Roma inona izany? Navadiny izany, ka nanao hoe, "Aoka hatao batisa amin'ny anaran'ny 'Ray, Zanaka, Fanahy Masina,'" nanao an'izany ho fanekem-pinoana iray, fa tsy Foto-pampianaran'ny Baiboly. Inona no nataony? Io valalavao io izany, mihinana. "Mamafy," raha tokony hanitrika, "amin'ny anaran'ny Ray..."

²⁵⁴ "Ray, Zanaka, Fanahy Masina" dia tsy anarana. Tsy misy ny zavatra tahaka an'izany. "Ray" dia tsy anarana iray, "Zanaka" dia tsy anarana iray, ary "Fanahy Masina" dia tsy anarana iray.

²⁵⁵ Rehefa hoy Jesosy hoe, "Manaova batisa azy ireo amin'ny Anaran'ny Ray, Zanaka, Fanahy Masina," dia, "Jesosy Kristy Tompo." Izay nataon'i Petera sy izy ireo marina tokoa, ary ny rehetra, ny olona rehetra ao amin'ny Baiboly, dia izany. Tsy nisy olona...

²⁵⁶ Mihaika ny olona rehetra aho hitondra amiko ampahantSoratra anankiray, na ampahan-tantara anankiray, izay nisy olona iray hany natao batisa tamin'ny fomba hafa afa-tsy tamin'ny Anaran'i "Jesosy Kristy," talohan'ilay fiangonana Katolika Romana. Ataovy izany. Ary tsarovy, mandeha manerana an'izao tontolo izao ity horonam-peo ity. Ah-hah. Efa nanana fikambanan'ireo mpitoriteny aho, niaraka tamin'ny an-jatony tamin'izy ireo, sy ireo eveka sy ny zavatra rehetra, nanao hoe, "Mitsangàna, na tongava eto miaraka amin'ny Baibolinareo, raha tsy izany dia hazony mandrakizay ny

filaminanareo.” Mihazona ny filaminany izy ireo mandrapiagon’izy ireo aorianareo, ary amin’izay fotoana izay vao manomboka miresaka mikasika anareo izy ireo; tsy ilay tena fahasahiana hitsangana eo anoloanareo, fahamaotinana tsotra mba hitsangana ka hiteny anareo eo anoloanareo. Matahotra ny hanao an’izany izy ireo. Fantatr’izy ireo fa diso izany. Fa izany no natombok’io valalavao io nohanina, hitanareo, mandany an’io tena Zavatra io.

²⁵⁷ Ankehitriny, hoy ianareo hoe, “Tsy zava-dehibe izany. Hia. Ny fomba rehetra anaovana batisa ahy dia mety tsara.” Izany ve? [Hoy ny fiangonana hoe, “Tsia.”—Mpand.]

²⁵⁸ Nilaza i Paoly, Asa 19, rehefa, “Izy, Paoly, nandalo an’ireo morontsiraka ambony an’i Efesosy.” Hoy ny Baiboly hoe, “Nahita mpianatra sasantsasany izy.” Mpanaraka izy ireo. Apolosy, mpitoky teny Batista iray, teo ambanin’i Jaona Mpanao batisa, no nampianatra azy ireo ny Teny. Ary nanana fifaliana lehibe izy ireo. Ary nandeha teo fotsiny i Paoly mba hahita azy ireo, ka hoy izy hoe, “Efa noraisinareo ve ny Fanahy Masina fony vao nino ianareo?”

“Oh,” hoy izy ireo, “mpino iray aho.”

²⁵⁹ “Fa tsy izany no anontaniako. Efa noraisinareo ve ny Fanahy Masina fony vao nino ianareo?”

Hoy izy ireo hoe, “Tsy fantatray fa misy ny Fanahy Masina.”

²⁶⁰ Hoy izy hoe, “Koa ho amin’ny inona no nanaovana batisa anareo?” Hitanareo? Amin’ny teny hafa, “Ahoana no nanaovana batisa anareo?”

Hoy izy ireo hoe, “Efa natao batisa izahay.”

Hoy izy, “Ahoana?”

²⁶¹ Hoy izy hoe, “Teo ambanin’i Jaona,” hoy izy, “ilay lehilahy iray ihany izay nanao batisa an’i Jesosy. Tsy hety tsara ve izany?”

²⁶² Hoy Paoly hoe, “Tsia. Tsy ankehitriny. Tsia.” Hoy izy, “Tsy maintsy hatao batisa ianareo, averina indray.” Dia nataoni’i Paoly batisa izy ireo, naverina indray, tamin’ny Anaran’i Jesosy Kristy Tompo. Nametraka ny tananay teo amin’izy ireo, ary tonga teo amin’izy ireo ny Fanahy Masina.

²⁶³ Dia hoy Paoly hoe, “Raha Anjely iray avy any An-danitra,” avelao hipetraka tsara ny mpitoky teny iray; “raha Anjely iray,” avelao hipetraka tsara io valalavao io, ah-hah; “raha Anjely iray avy any An-danitra no mitory zavatra hafa ankoatran’Ity, aminareo, dia aoka izy ho voaozona.” Marina izany.

²⁶⁴ Noho izany dia hitanareo hoe inona ilay izy, nanomboka nihinana ilay valalavao. Nohaniny ny batisan’ny rano amin’ny Anaran’i Jesosy Kristy.

²⁶⁵ Ny zavatra manaraka izay nataon’ilay valalavao, dia nanaisotra ny batisan’ny Fanahy Masina. Satria, raha mbola

hanana an'io Fanahy Masina io foana ianareo, dia Izy no hanaparitaka hazavana eo amin'ity Teny ity, raha mbola hanao an'izany foana ianareo. Noho izany izy ireo dia tsy maintsy na—nanao an'ilay izy ho hafa.

²⁶⁶ Ankehitriny, eritrereto fotsiny hoe Loterana firy, Protestanta, Katolika firy, izao maraina izao, no namafisina, izany no iantsoan'izy ireo azy, mandray ny kominio voalohany. Ary izy ireo dia miantso an'izany hoe "Eokaristia Masina," izay midika hoe, teny Latina iray, "Fanahy Masina." Efa mba nahita Katolika iray ve ianareo nandalo teo akaikin'ny fiangonana ka manao eo amin'ny tenany tahaka an'izao? Nahoana? "Izany no Andriamanitra ao amin'io fiangonana io." Inona Andriamanitra? "Io silaka mofo kely io." Io silaka mofo kely io, boribory, natao tahaka ny andriamanitra-masoandro no ivavahan'izy ireo, mipetraka eo ambonin'ny alitara izay itangorongan'ny totozy sy kalalao, mandritry ny alina. Tsy izany no Andriamanitra, hoteneniko aminareo izany ankehitriny. "Kominio voalohany, amafisin'ny fiangonana." Fahadalana.

²⁶⁷ Fa izany no nataon'izy ireo. Izany no nataon'ilay valalavao. Nesoriny ny Fanahy ka nanome azy ireo silaka mofo iray, mofo iray izay namboarin'ny pretra iray, na masera iray, na zavatra iray. Izany no nataon'izy ireo. Marina tokoa izany. Mandehana, anontanio ankehitriny. Mandehana, mijery indray ao amin'ny tantara, ka jereo raha tsy marina izany. Dia mamela an'izany zavatra izany ho voatelina ao amin'ny tendanareo ve ianareo? Tsy ireo Katolika ireo irery ihany, fa ianareo Protestanta, maro aminareo, ilay zavatra iray ihany. Eny àry. Io no nataon'izy ireo. Eny àry.

²⁶⁸ Ary avy eo ny Protestanta, raha tokony hanana ny Fanahy Masina, dia fantatrareo ve izay ataon'izy ireo? Tonga izy ireo ka mikambana, mandray tànana iray. Tsy nisy olona mihitsy nandeha teny an-dàlana ka nandray tànana iray, rehefa tonga ny Andron'ny Pentekosta. "Fa tonga avy tany An-danitra ny feon'ny Rivotra mahery mifofofofo, izay nameno ny trano rehetra izay nipetrahan'izy ireo," marina izany, nidina avy tamin'ireo ravina teo amin'ny hazo ireo, niraraka hatrany amin'ilay hodi-kazo. Marina izany.

²⁶⁹ Ankehitriny, ankehitriny, raha tokony ho ny Fahateraham-baovao izay nolazain'i Jesosy, tsy maintsy hateraka indray ny olona iray, dia nanaiky ny fikambanana amin'ny fiangonany izy ireo, "Avia ka mikambàna." Raha tokony ho ny Teny, dia fanekem-pinoana iray no nomen'ilay valalavao azy ireo. Tsy mahita ve ianareo? Jereo izay ataony eto. Manome araboajanahary iray izy raha tokony ho ara-panahy iray. Afaka mahita an'izany ve ianareo?

²⁷⁰ Jereo ankehitriny. Ankehitriny, isika, isika dia—eo amin'ilay laharan'ny Katolika isika eto, saingy efa fantatrareo ve fa midina avy hatrany ao amin'ireo Protestanta koa izany?

Aiza no ananantsika an'ireo fanehoan'ny Fanahy Masina ao amin'ireo fiangonana Protestanta amin'izao andro izao? Aiza no ananantsika fihetsika Pentekotista iray eo anivon'ireo Protestanta? Tsy manana isika. Manana an'izany ve ianareo ao amin'ny Loterana? Raha manana ianareo, dia tiako ny handeha hankany. Tiako ny handeha any ka hihinana sy banana fotoana iray mahafinaritra fotsiny. Presbyterana? Aiza—aiza no—aiza no misy an'izany? Hitanareo? Nanaiky zavatra ara-boajanahary ianareo.

²⁷¹ Miomana ny hiala aho, ary fantatrareo izany. Hitanareo? Aza avela hivoaka avy ao am-ponareo mihitsy Ity.

²⁷² Aza maka an'ilay ara-boajanahary. Fahafatesana izany. Ity olona ara-boajanahary ity dia fahafatesana. Ny zavatra rehetra ataony, dia fahafatesana. Voafehy izy ary eto ho an'ny fahafatesana. "Ny Fanahy no mahavelona," hitanareo, ny Fanahy izay manome Aina, no mamelobelona azy. Fanahy iray izany.

²⁷³ Noho izany, hitanareo, nalain'izy ireo... Diniho izay nataon'izy ireo. Nalainy ny batisan'ny rano, avy tamin'ny "Jesosy Kristy," ho "Ray, Zanaka, Fanahy Masina," titra iray, izay tsy Anarana mihitsy.

²⁷⁴ Ankehitriny, hoy ianareo hoe, "Inona no fahasamihafana ataon'izany?" Eny àry. Ankehitriny, raha hanome ianareo...

²⁷⁵ Raha misy olona iray hanome anareo ny seky fandoavam-bolanareo, ny Sabotsy, ilay—ilay—ilay lehilahy izay mandoa vola aminareo. Raha tokony hametraka ny anarany eo, dia milaza fotsiny hoe, "Avy—avy amin'ny 'Ilay sefo.'" Izany ilay izy... Ny seky fandoavam-bolanareo, izao fotsiny, "Aloavy amin'i John Doe, dimampolo amby zato dolara, ho an'ny asa tamin'ity herinandro ity. Avy tamin'ny, 'Ilay sefo.'" Apetraho ilay izy, any amin'ny banky, dia jereo hoe ahoana no hiverenany haingana. Hia. Hia. Eny, tompoko. Azo antoka hiverina izy. Azo antoka tokoa.

²⁷⁶ Raha tsy manao fahasamihafana izany, dia nahoana no nodidian'i Paoly ireo Kristiana ireo, nidera an'Andriamanitra ary nanana fifaliana betsaka, sy nanana zavatra lehibe niseho tany, nahoana izy no niteny tamin'izy ireo hoe, "Tsy mantsy miverina ianareo ary hatao batisa, averina indray, amin'ny Anaran'i Jesosy Kristy"? Hitanareo? Raiso ny Teny, lazao, mijanònà amin'Izany fotsiny. Aza milaza na inona na inona hafa. Lazao fotsiny izay Lazainy. Hitanareo? Amin'ny alàlan'izany no hitsarana antsika.

²⁷⁷ Jereo ankehitriny. Izany no nataon'izy ireo. Raha tokony ho ny Fahateraham-baovao, dia nanana fikambanana iray izy ireo. Raha tokony ho ny Teny, dia nanana fanekem-pinoana iray izy ireo. Asehoy ahy ao amin'ny Baiboly hoe taiza no mba nilazan'izy ireo ny "Arahaba ry Maria." Asehoy ahy ao amin'ny Baiboly hoe taiza no mba nanononanareo Protestanta ny Fanekem-

pinoan'ny Apostoly. Teneno amiko hoe inona ny Fanekempinoan'ny Apostoly, ao amin'ny Baiboly, "Fiombonan'ny olomasina." Nanohitra an'izany izy ireo. Teneno amiko hoe aiza ao amin'ny Baiboly no mba nananan'izy ireo "Ray, Zanaka, ary Fanahy Masina" ho an'ny batisa. Tsy ao izany. Kanefa dia manaiky an'izany ianareo. Hah?

²⁷⁸ Ankehitriny, ankehitriny, raha tokony ho fiombonana sy firahalahiana eo anivon'ny rahalahy, dia ambaratongam-pahefana iray no omeny azy ireo, papa. Ary manana eveka iray ianareo, miteny aminareo an'izay azonareo atao sy izay tsy azonareo atao. Ary ianareo Pentekotista dia manana presbyterian'ny distrika iray izay miteny aminareo hoe iza no azonareo raisina. Fa ilay Fiangonana dia manana an'i Kristy. Hitanareo?

²⁷⁹ Eo no ahatongavanareo. Hitanareo? Omen'izy ireo an'ireny dogma sy zavatra nataon'olona ireny ianareo, ho solony, manaisotra an'Izany. Inona no nataon'io valalavao io? Nanala an'Izany teo amin'ilay Hazo mihitsy, ka nanome anareo an'ity. "Hanala an'izany eo amin'ilay Hazo aho, ka hanome anareo an'ity, ho solony. Hesoriko *Itsy* hiala, ary homeko anareo *ity*." Hitanareo ve hoe tonga aiza ianareo?

Hoy ianareo hoe, "Eny, Rahalahy Branham!"

²⁸⁰ Avy taiza ny tsirairay avy, avy taiza ny fiangonana Protestanta tsirairay, no tonga? Katolika. Izany no nolazain'ny Apokalypsy 13, na Apokalypsy 17, fa nihaviany. Voalaza hoe, "Izy dia janga iray, ary izy no *renin'ny mpijangajanga*," ilay zavatra iray ihany. Noho izany dia aza... Ny vilany tsy afaka miantso ny famanan-drano hoe mainty, fantatrareo, koa aza manao. Izany fotsiny... Aza manao an'izany. Noho izany, izany, marina izany.

²⁸¹ Firahalahiana; nanaisotra ny firahalahiana. Nefa, tokony ho mpirahalahy isika, ny iray amin'ny hafa. Izany no nanavakavaka antsika sy nanao antsika ho samihafa. Eny àry.

²⁸² Diniho ankehitriny. Ity misy anankiray tsara. Halaiko ity, ary avy eo dia hijanona aho, eo amin'ireto hafa ireto. Jereo.

²⁸³ Ny Baiboly dia mampianatra antsika, hoe rehefa manao ratsy isika, dia tokony hanadio ny fanahintsika amin'ny alàlan'ny Fanahy Masina. Mandohaleha, avelao ny Fanahy Masina hanambara amintsika an'izay nanaovanareo ratsy, ary mijanòna eo Anatrehany mandra-pahatonganareo ho faty eo, manadio ny fanahintsika.

²⁸⁴ Ankehitriny, dia nanova izy ireo, nanome anareo afo fandiovana iray. Aorian'ny fahafatesanareo, amin'izay fotoana izay dia mandray vola betsaka ilay pretra, mba hivavaka hivoahanareo avy ao amin'ny afo fandiovana. Nahoana, fahadalana izany! Izany no nataon'ilay valalavao. Azo antoka. "Mivavaka hivoahanao avy ao amin'ny afo fandiovana. Ny

sandany dia *izao-izao* an-jatony dolara mba hivavahana hivoahan'iо fanahy io avy ao amin'ny afo fandiovana." Tiako mihitsy aza ianareo hahita "afو fandiovana" ao amin'ny Baiboly, zavatra tahaka an'izany. Tsy misy an'izany karazan-javatra izany ao amin'ny Baiboly. Tsia, tompoko. Fa manome azy ireo afо fandiovana iray izy ireo, hitanareo, izy ireo, aorian'ny ahafatesanareo. Oh, eny, fantatro.

²⁸⁵ Izy ireo—izy ireo—hoy izy ireo hoe, "Azo antoka!" Mandre azy ireo ianareo manao hoe, "Eny, Masindahy Boniface dia nilaza an'izao-sy-izao." Tsy ahoako izay nolazain'i Masindahy Boniface. "Eny, tsy nilaza ve *Ranona-sy-rano* fa ny, nivavaka ho an'ny vadiny izy, io anabavy lehibe io, Masimbavy *Ranona-sy-ranona*?" Tsy ahoako izay nataony.

²⁸⁶ Teny tsy manana fahefana izany. Manohitra an'ireo apostoly manana fahefana izany. Andriamanitra dia nanome an'ireo apostoly ireo, mba hametraka an'ilay Fiagonana ao amin'ny lamina, ary Izany dia miorina eo ambonin'ny Foto-pampianaran'ny apostoly, fa tsy eo ambonin'i Masindahy Boniface na masina iray. Mifanohitra amin'ny Teny izany. Tsy ahoako izay nolazain'i Masindahy Boniface, sy nolazain'ireo olo-masina hafa, sy ireo olo-masina hafa, sy i Masimbavy Susie, sy i Masimbavy Maria, ireo rehetra ireo. Fahadalana izany. Tsy misy afa-tsy lainga hafa iray izany. Raha mifanohitra amin'ny Tenin'Andriamanitra ilay izy, dia lainga iray izany. Tsy mino an'ireo teny tsy manana fahefana aho.

²⁸⁷ Izany no antony tsy inoako an'ireo fanekem-pinoana Protestanta sy ny sisa ireo. Izany dia Katolika hatrany amin'ny—hatrany amin'ny tsoka. Dogma izany. Ahoana no ahafahanareo hiantso an'ireo Katolika, maneso azy ireo manana dogma, nefo feno an'izany ianareo, ny tenanareo? Tsy dia eto loatra, fa eo amin'ny horonam-peo ity, azonareo, hitanareo, mandeha manerana an'izao tontolo rehetra izao. Mariho. Ahoana no ahafahanareo miantso azy ireo hoe diso, nefo ianareo maka fanekem-pinoana nataon'olona izay mifanohitra amin'ny Baiboly, dogma, ilay zavatra iray ihany izay nataon'izy ireo mihitsy? Nahoana? Ianareo dia ao anatin'ny rafi-pandaminana iray izay zanakavavin'ilay mpivarotena antitra. Inona ny mpivarotena iray? Vehivavy iray izay miaina tsy mahatoky amin'ny vadiny. Mihambo ho fiagonana Kristiana iray, nefo mizara foto-pampianarana diso, ny karazan-javany manokana, raha tokony handray ny Teny Masin'Andriamanitra.

²⁸⁸ Tahaka ny nataon'i Eva mihitsy, nihaino ny—an'ilay devoly, ka nahatonga ny fahafatesana sy alahelo rehetra izay hany namely ny tany. Tonga tamin'ny alàlan'ny Eva, satria nanao fijangajangana ara-panahy nanohitra an'Andriamanitra izy, tamin'ny alàlan'ny tsy finoana Ny Teniny.

²⁸⁹ Ary izany marina tokoa no ataon'ireo fiagonana amin'izao andro izao, manao fijangajangana ara-panahy manohitra ny

Tenin'Andriamanitra. Ary tsy handray anareo ao amin'ny fiangonana akory aza izy ireo raha tsy mifanaraka amin'ny foto-pampianaran'izy ireo ianareo.

²⁹⁰ Eny, nanao sonia taratasy ho ahy izy ireo hoe, “Raha hino an’ity ianao, ary raha hilaza ianao fa *ity* no marina, ary ianao dia...”

²⁹¹ Hoy aho hoe, “Tsy ho avy fotsiny aho.” Tsia, tompoko. Hitory fotsiny an’izay lazain’ny Baiboly aho, na tsy mihitsy. Hitanareo? Marina izany.

²⁹² Mijanòna eo amin’ity Teny ity. Izany no tokony ataontsika, rahalahy. Mijanòna eo. Ankehitriny dia manatona an’ireo andro farany isika, ary fantatsika izany. Eto ilay ora.

²⁹³ Ahoana no ahafahantsika milaza! Oh, izy ireo dia milaza an’ity, *itsy*, ary ny *hafa*. Fa ny zavatra rehetra izay tsy manana fahefana, dia aza mino an’izany. Tsy ahoako na iza no nilaza an’ilay izy. Raha olona iray!

Teto, nanatona ahy ny anabavy iray, vao tsy ela akory izay. Ary nilaza...

²⁹⁴ Ny—vondron-dehilahy anankiray izay nitoriako teny, mpitoriteny, mikasika ny batisa amin'ny Anaran'i Jesosy Kristy, teo amin’izay nisy telonjato mihoatra, mpitoriteny... Olona maro izay mipetraka eto no tany amin’ilay favoriana, izay nihaonan’ilay fiombonamben’ny Chicago Ministerial Association manontolo tamiko. Nanome ahy fahitana iray ny Tompo, niteny tamiko hoe aiza no hisy azy ireo ary inona no hitranga. Ary niverina tany avy hatrany aho, ka niteny. Manana an’ilay horonam-peo isika eto raha tianareo ny hihaino an’izany. Hitanareo? Ary izaho... Ireo eveka rehetra, sy dokotera, sy kardinaly, ary izy rehetra ireo, dia nipetraka teo.

²⁹⁵ Hoy aho hoe, “Raha misy anankiray aminareo afaka manameloka an’izany, dia ento ny Baibolinareo ka avia eto.” Hoy aho hoe, “Inona no tena mampangina anareo?” Ary tsy nisy olona nilaza zavatra iray. Ary nahoana? Hitanareo, matahotra an’ity Teny ity izy ireo. Hoy aho hoe, “Noho izany, raha tsy afaka ianareo, dia nahoana ianareo no mamely ahy? Hazony ny filaminanareo. Mivoaha, manaova zavatra. Ary raha tsy afaka manohana an’izany amin'ny Teny ianareo, amin’izay fotoana izay dia manginà.”

²⁹⁶ Koa, noho izany, dia nandefa ramatoa iray io vondron-dehilahy iray ihany io, nanao hoe, “Ranadahy Branham, raha ilay Anjelin’ny Tompo no niteny taminao.” Ilay Anjelin’ny Tompo, fantatrareo, Ny—eo Ny sariny, hitanareo. “Raha ilay Anjelin’ny Tompo no niteny an’Izany taminao, eny, dia hino an’Izany izahay.”

²⁹⁷ Hoy aho hoe, “Ny olona rehetra, fa vondron’ny mpitoriteny iray izay halemy tahaka an’izany, ‘Raha ilay Anjelin’ny Tompo

no nilaza.' Raha nilaza zavatra nifanohitra tamin'ity Teny ity io Anjely io, dia tsy ho ilay Anjelin'ny Tompo izany."

²⁹⁸ Ilay Anjelin'ny Tompo dia hanamarina ny Teny. Izany marina tokoa no Nataony nanerana ny taona tsirairay. Mbola manao an'ilay zavatra iray ihany foana Izy. Mijanona amin'ny Teny Izy. Ary ny mpitoriteny rehetra voahosotry ny Fanahy Masina dia hijanona amin'ilay Teny iray ihany, satria ny Baiboly dia nilaza fa nosoratan'ny Fanahy Masina ny Baiboly manontolo.

²⁹⁹ Ary ahoana no ahafahanareo hanana ny Fanahy Masina nefà mandà an'izay lazain'ny Baiboly? Ilay tena fanahy ao anatinareo mihitsy, izany no manambara fa tsy marina izany. Hitanareo? Efa nihinana ilay valalavao, izay ihany, ah-hah, nandany an'ireo zavatra marina an'Andriamanitra. Eny, tompoko. Ny teny tsy manana fahefana dia mifanohitra amin'ny Foto-pampianaran'ireo apostoly. Oh, oadray!

³⁰⁰ Ity no Foto-pampianarana apostolika. Ity no Baiboly. Ity no Fanahy Masina. Ny Teny tsirairay ao anatin'Ity dia marina. Minoa fotsiny ka ekeo Izy, ary aza manambany an'izany, dia diniho ny teny fikasana tsirairay fa tanteraka, ny fanehoan'Andriamanitra dia manatrika izao ankehitriny izao.

³⁰¹ Raha tsy Andriamanitra mihitsy Izy ankehitriny tahaka Azy fony niampita ny Ranomasina Mena ireo zanak'Isiraely, dia tsy ho Andriamanitra Izy. Tsy ilay Andriamanitra iray ihany izay nidina tamin'ny Pentekosta Izy izay eto mihitsy Izy, androany, tsy ilay Andriamanitra iray ihany Izy. Noho izany, dia tsy nisy fitsanganana, raha tsy Izy, raha Izy... Oh, inona no soa ataon'ny Andriamanitra iray ara-tantara aminareo, raha tsy Izy no ilay Andriamanitra iray ihany androany? Hitanareo? Inona no soa handefasana mpitoky teny any amin'ny seminera, ka hafoy azy ireny any tahaka ny fanakotrehana akoho, ary mandeha manerana tahaka an'izany, raha tsy misy izany karazana Andriamanitra izany?

³⁰² Inona no ataonareo, manaisotra ny Tenin'Andriamanitra? Aiza no misy ny fahefanareo? Hoy ianareo hoe, "Ny fiangonana." Ny fiangonana, misy rafi-pandaminana sivy amby enimpolo amby sivinjato samihafa amin'izy ireo. Iza amin'izy ireo no marina? Tsy misy anankiray hahafantatra an'izay hatao. Hifanjevo ianareo. Marina izany. Fa tsy hitsara ny olona amin'ny alàlan'ny fiangonana Andriamanitra.

³⁰³ Hitsara azy ireo amin'ny alàlan'i Kristy Izy, ary Kristy no Teny. Hoy ny Baiboly hoe, "Tamin'ny voalohany ny Teny, ary ny Teny tao amin'Andriamanitra, ary ny Teny dia Andriamanitra. Ary ny Teny dia tonga nofo, ka nonina teo anivontsika." Hitsara ny fiangonana sy ny olona amin'ny alàlan'ny Teny Izy, marina izany, ny Teny velona, nitsangana.

³⁰⁴ Noho izany raha io teny velona, nitsangana io no milaza zavatra mifanohitra amin'ity Teny eto ity, amin'izay fotoana izay

dia tsy ilay teny niseho, nitsangana izany. Satria, Ity, Izany dia hanambara an'ity Fahamarinana ity. Tsy afaka milaza zavatra iray Izy *eto*, ary zavatra iray hafa *eto*.

³⁰⁵ Izaho dia afaka milaza zavatra iray *eto*, ary zavatra iray *etsy*, satria olona iray aho. Ianareo dia afaka, ihany koa. Afaka mahazo fahalalana sy fahazoana betsaka ianareo.

³⁰⁶ Fa, tsy Andriamanitra; tsy manam-petra Izy. Hitanareo? Izy dia manana... Ny fanapahan-kevitra voalohany, ny Zavany voalohany izay Lazainy, dia tsy maintsy maharitra Mandrakizay. Ilay zavatra iray ihany izany. Tsy afaka milaza zavatra anankiray Izy *eto*, ary zavatra iray *eto*. Tsy maintsy milaza an'ilay zavatra iray ihany Izy isan'andro, mba ho Andriamanitra.

³⁰⁷ Noho izany raha ilay Fanahy izay ao anatinareo, no avy amin'Andriamanitra, dia hanambara izy fa *ity* Teny ity no Fahamarinana, ny Teny tsirairay an'Izany. Ary Izy no tsy miova omaly, anio, ary mandrakizay. Izany no lazain'ny Baiboly. Eny, tompoko. Eny àry.

Ankehitriny, ndao isika handeha haingana ary haka an'ilay dingana manaraka an'io biby kely io.

³⁰⁸ Voalohany, dia kijeja iray izy. Inona no nohaniny avy teo amin'ny Hazon'Andriamanitra? Voa.

³⁰⁹ Ny dingana manaraka nahatongavany; maty tao amin'io dingana io izy, ary tonga tao amin'ny dingana iray hafa. Inona no nataony ankehitriny? Tonga amin'ny maha-koraika iray izy tamin'ity fotoana ity. Nohaniny ireo ravina rehetra. Izany no fanaon'ny koraika.

³¹⁰ Ankehitriny, inona ilay zavatra manaraka nataony? Niverina nankao amin'ny dingana iray hafa izy, toy ny valalavao iray, ary niditra tao amin'ilay hodi-kazo izy.

³¹¹ Ankehitriny, indro izy tonga amin'ny maha-ko-... amin'ny maha-sompanga iray, ny dingany fahefatra, ankehitriny amin'ny maha-sompanga iray. Inona ny sompanga iray? Mpitsentsitra iray izy; mitsentsitra an'ilay Aina, ilay Fanahy, ilay Aina. Izany no ataony, tonga avy hatrany, mihazona an'ilaynofon-kazo, ary manomboka mitsentsitra. Sompanga, indro izy. Iza no hiantsoantsika azy? Anaram-piagonana. Izany ilay tena anaran'io zalahy io. Nahoana? Mpandrava iray izy; mitsentsitra an'ilay Aina.

³¹² Isaky ny mandefa hetsika iray eo anivon'ny Olony Andriamanitra, isan'andro, ka manao anaram-piagonana izy ireo, dia maty eo no ho eo izy ireo. Mila olona iray aho izay mahafantatra ny tantaran'ny fiagonana, izay afaka manameloka an'izany. Asehoy ahy indray mandeha hoe mba nandrafitra ny rafi-pandaminana iray, ka tsy maty teo no ho eo izy. Ny valalavao no nihazona azy, nanaisotra ny fivavahany.

Ary avy eo dia tonga ilay mpitsentsitra ka naka an'ilay... nitsentsitra an'ilay Aina avy tamin'ilay Hazo.

³¹³ Karazana Aina inona no tao anatin'Izany? Fanahy Masina. Inona no nataon'izany? Tsy afaka nihazona ny Fanahy Masina tao anatin' tao izany nefà avy eo mbola banana dogma foana. Tsy hahatanty an'izany ny Fanahy Masina. Noho izany dia esoriny ilay Masina, ilay Aina avy tao amin'ny Hazo, ka manome dogma iray ho azy, manao anaram-pianganana iray. "Tsy ahoanay izay lazain'Ity. Ny anaram-piangananay milaza an'ity." Eo ianareo izao. Tsarovy, rehefa avy nanao anaram-pianganana izany, dia maty foana, ary tsy mitsangana intsony mihitsy.

³¹⁴ Ny rafi-pandaminana voalohany dia ny Katolika; maty avy hatrany izy. Mazava ho azy, dogma iray izany, eo ampanombohvana.

³¹⁵ Avy tao no tonga ny fanavaozana voalohany, dia Luther, nandrafitra ary maty.

Tonga nanaraka i Wesley; nandrafitra, maty.

Tonga nanaraka ny Pentekosta; nandrafitra ary maty.

³¹⁶ Presbyterana, Loterana, ireo hafa rehetra ireo, sy ny—sy ny Nazareana, Mpivahiny Masina, ary ireo rafi-pandaminana rehetra izay nanaraka tahaka an'izany ireo, maty ny tsirairay avy. Jereo izy ireo. Nahoana? Mandrafitra izy ireo, ary izany no mamono azy ireo. Inona no nataon'izy ireo? Nanaiky an'ireo dogma ireo izy ireo.

³¹⁷ Ianareo Nazareana, mahafinaritra iray, ilay fiangonana akaikin'ny—ny fihavian'ny Pentekosta. Inona izany? Mino ny fanamasinana ianareo, saingy rehefa tonga eo amin'ireo fanomezam-pahasoavan'ny Fanahy ilay izy, fitenenana amin'ny fiteny tsy fantatra sy hery lehibe an'Andriamanitra, dia nantsoinareo Izany hoe "devoly," ary teo ianareo no maty. Marina izany. Aiza no misy azy androany? Maty. Oh, manana mambra betsaka izy, saingy aiza izy? Faty iray.

³¹⁸ Nahita azy aho, indray hariva, marina izany, ilay zavatra manontolo. Ny pasiteran'izy ireo, nandry teo amin'ny tampony, nanoroka faty iray, nanao fitiavana taminy. Hoy izy, "Tsy manam-potoana intsony izy ireo, na ahoana na ahoana. Izao ny aminy rehetra." Noho izany, homeko anareo izany, indray andro, eo amin'ny horonam-peo. Hitanareo? Eny àry.

³¹⁹ Andriamanitra dia namboly Ny Hazony, mba hitondra voa ara-panahy, ireo vokatry ny Fanahy. Marina ve izany? Fa inona no nataon'ny olona? Niezaka nanao an'Izany ho endrika artifisialey foana ny olona. Nanao izy, tany aoriana tany; manao izy ankehitriny. Ankehitriny, ity, ndao isika handrehittra mafy ankehitriny, ary haingana. Niezaka naka an'ilay Fiangonana ara-panahy foana ny olona ka nanao an'izany ho endrika artifisialey iray.

³²⁰ Nanana Fiagonana ara-panahy iray i Luther. Inona no nitranga? Vantany vao maty i Luther, dia nanao an'izany ho endrika iray izy ireo, artifisialy.

³²¹ Inona no nataon'i Wesley? John Wesley, lehilahin'Andriamanitra lehibe! Iza no hilaza fa tsy lehilahin'Andriamanitra iray i John Wesley? Inona no nataony? Vantany vao maty izy sy John ary i Charles, dia narafitr'izy ireo ilay izy. Rehefa nanao izy, dia maty. Marina tokoa.

³²² Ilay zavatra iray ihany nanerana ny taona, isan'andro, teo amin'ny tsirairay avy. Manao zavatra artifisialy izy ireo, asa soa, fiagonana goavana indrindra, vahoaka manan-tsaina indrindra. "Ny olo-malaza an'ny tanàna dia te-hikambana aminay."

³²³ Izany marina tokoa no nitranga taminareo andiana Pentekotista ihany koa. Marina tokoa. Ianareo—navelanareo hilatsaka ireo sakana. Niala lavitra ny Fanahy ianareo. Nila tranobe goavana ianareo, sy haingo, ary ny zavatra rehetra tahaka an'izany, ary manana pasitera manan-daza ianareo. Inona no nataonareo? Ianareo reny no nandefa ny zanakalahinareo tany amin'ny iray amin'ireo seminera eto ireo, mba ho lasa pasitera. Inona no nampianarin'izy ireo azy ireo? Teolojia sy io karazan-javatra nataon'olona rehetra io. Ary aiza izy androany? Miverina izy ireo, andiana Ricky sy Elvis. Marina tokoa izany. Inona no anananareo amin'izao andro izao? Andiana hadalana, "Endriky ny toe-panahy araka an'Andriamanitra."

³²⁴ Hoy ny Baiboly hoe, "Amin'ny andro farany dia hanana endriky ny toe-panahy araka an'Andriamanitra izy ireo, nefà handà ny Heriny, ilay Ainy." Nahoana? Ilay sompanga no nitsentsitra Azy. Marina. Ilay rafi-pandaminana no nanaisotra Azy. Timoty Voalohany 3, hoy i Paoly hoe, "Fantaro izao, amin'ny andro farany, dia ho tonga ireo andro mahory. Ho tia ny tenany manokana ny olona, mpiavonavona, mpandoka tena, mpiteny ratsy, tsy manakatò, tsy misaotra, tsy masina, tsy manam-pitiavana, tsy mahonom-po, tsy tia ny tsara, mpamadika, mpieboebo, manana ny toe-panahy araka an'Andriamanitra, nefà mandà ny Heriny." Ny sompanga no nitsentsitra azy. Ny valalavao no niditra tao anatiny, efa ela be. Ho entintsika aminareeo io Hazo io, ny manontolo, afaka kelikely fotsiny, raha strakny ny Tompo.

³²⁵ "Ilay toerana lehibe indrindra." Oh, azo antoka. "Eny, fantatrareo, ny fiagonanay no nahangona betsaka tamin'ny taon-dasa." Oh, azo antoka.

³²⁶ Resin'ny Katolika any amin'ny iray tapitrisa maily ianareo. Azo antoka fa resiny. Nandroaka betsaka mihitsy aza izy tany Rosia hany ka noroahan'izy ireo izy ary nametraka, nanangana ny kominisma. Nanao an'ilay zavatra iray ihany izy ireo tany

Mexico. Ary tokony hanao an'izany izy ireo manerana an'izao tontolo rehetra izao, izay misy azy. Marina izany.

³²⁷ Aza matalotra ny kominisma mihitsy. Hetsik'Andriamanitra iray ny kominisma. Fa mandre ny sasany amin'ireo mpitoky teny ireo ianareo, mitsangana eo amin'ny polipitra, manameloka hoe, "Kominisma! Kominisma!" Tsy mino an'izany koa aho. Fa aza... Ary miteny amin'ny fiangonan'izy ireo hoe, "Oh, ho voatelina tanteraka isika rehetra. Ho lasa kominista izao tontolo rehetra izao." Mifanohitra marina tokoa amin'ny Tenin'Andriamanitra izany. Tsy misy toerana ao amin'ny Baiboly milaza fa ho tahaka an'izany ilay izy.

³²⁸ Fa ny Baiboly dia milaza hoe ny Romanisma, ny fiangonana Katolika, no hanapaka an'izao tontolo izao. Raiso ny Daniela dia tadiavo. Ilay loha volamena, Nebokadnezara Mpanjaka, fanjakana Babyloniana; Mediana sy Persiana no nandimby azy; ny Fanjakana Grika no nandimby an'io; ary Roma no nanohy hatramin'ny farany. Ireo rantsan-tongotra folo ireo no nitsofoka tao amin'ny fanjakana tsirairay teto ambanin'ny tany. Aza...

³²⁹ Misy ny lamban'efitra vy. Misy ny lamban'efitra volotsangana. Misy ny lamban'efitra volomparasy. Rahalahy, ianareo, aza matalotra ny iray amin'izy ireo, fa diniho io lamban'efitra volomparasy io.

³³⁰ Mipetraka eo ambonin'ny seza fiandrianana eto mihitsy izy, androany, ato amin'ity firenena ity. Tsarovy, tahaka ny nataon'i Ahaba mihitsy, ary Jezebelo no taoriany. Izany dia... Ny Baiboly dia miantso ny fiangonana Katolika hoe "Jezebelo; mpivarotena." Fa tsy zalahy ratsy i Ahaba. Tsy milaza aho hoe tsy lehilahy mahafinaritra Atoa. Kennedy. Tsy mahafantatra na inona na inona mikasika azy aho. Lehilahy iray izy. Izay ihany no fantatro. Izy no Filoha. Mino aho fa hanao Filoha tsara iray izy. Tsy izy ilay izy; ilay izy dia io rafitra aoriany io. Miandrasy mandra-pitsofony ao amin'ny kabinetra, ary na aiza na aiza ahafahany, amin'izay fotoana izay dia diniho izay hitranga. Jereo izay nataon'izany tao amin'ireo firenena hafa. Jereo izay vitan'izany isan'andro.

³³¹ Ary tsy milaza ve ny Baiboly, ao amin'ny Apokalypsy 13? Ity firenena ity dia isa telo ambin'ny folo. Manana tsipika telo ambin'ny folo sy kintana telo ambin'ny folo izy eo amin'ny saina. Tsipika telo ambin'ny folo eo amin'ny saina. Telo ambin'ny folo, ny zavatra rehetra ao aminy dia telo ambin'ny folo; zanatany telo ambin'ny folo, telo ambin'ny folo ny zavatra rehetra. Ary hita ao amin'ny andininy faha-13-n'ny Apokalypsy izy.

³³² Ary nilaza ny Baiboly, hoe, "Niakatra tahaka ny zanak'ondry kely iray izy," fahalalahany'ny fivavahana; "tandroka kely roa," sivily sy ara-pivavahana. Ary afaka kelikely, dia nikambana izy ireo, "Ary niteny tahaka ny nataon'ilay dragona izy, ka nanao ny zavatra rehetra izay nataon'ilay dragona teo alohany."

Ary hoy ny Baiboly hoe, "Nanao sary iray ho an'ny bibidia izy ireo," ny fikambanamben'ny fiangonana, izay idiran'izy ireo mihitsy ankehitriny, eto ao New York City. Ary any io tronom-paty goavana be eo io! Ary ianareo Metodista rehetra, Batista, sy Pentekotista, ary ny tsirairay avy aminareo, ara-toe-karena... vahoaka ekiomenika eto, miezaka manao zavatra tahaka an'izany, ka mivarotra ny fizokianareo, mba hikambanana amin'io andiana Babylona io. Inona ny olana aminareo? Azo antoka. Mivarotra ny fizokianareo, tahaka ny nataon'i Esaو, ho an'ny lasopy iray vilia. Izay ihany no ho azonareo. Izay ihany.

³³³ "Manao sarin'ny bibidia." Marina tokoa. Aza matahotra ny kominisma. Matahora ny Katolisima. Oh, hoy Izy hoe, "Ho tonga miaraka amin'ny fandroboana izy, tahaka ny zanak'ondry iray. Fa," hoy Izy, "diniho izy." Aoriany, dia amboadiah iray. Mpisandoka iray izy. Diniho izy. Eny, tompoko. Satria, mifanohitra amin'ny Baiboly izany. Izay lazain'ny Teny dia tsy maintsy miseho.

³³⁴ Tsy manao afa-tsy ny milalao eo an-tànan'Andriamanitra mihitsy ny kominisma. Marina tokoa izany. Ary nahoana no tsy maintsy manao an'izany izy ireo? Tsy maintsy namela ny kominisma Andriamanitra, mba hanaovany an'ireo, Ny Teniny, hiseho. Azo antoka. Izany dia... Efa fantatrareo ve izany? Efa mba noeritreretinareo ve izany? Tsy maintsy manao Ny Teniny hiseho Andriamanitra.

³³⁵ Jereo. Teo amin'izay nitsanganan'ireo mpaminany efajato tany, teo anatrehan'ny, ho an'i Ahaba sy Josafata, indray andro. Josafata, lehilahy marina iray. Hoy izy hoe, "Fa, alohan'ny iakarantsika any Ramota-Gileada," hoy izy, "dia tsy tokony hanontany ny Tompo ve isika?"

³³⁶ Hoy Ahaba hoe, "Hia. Azo antoka." Hitanareo? Jezebelo no tao ambadik'izany rehetra izany, fantatrareo. Hoy izy, "Isika dia—isika dia... Manana mpaminany efajato aho eto. Ho entintsika eo izy ireo."

³³⁷ Olona mahafinaritra ny rehetra. Nitondra azy ireo teo. Naminany izy rehetra, nanao hoe, "Miakara. Momba anao ny Tompo."

³³⁸ Toa tsy marina izany, ho an'ity lehilahy masina ity. Ilay mpanjakan'ny Israely, na ilay mpanjakan'ny Israely teo... Toa tsy tena marina ilay izy taminy. Hoy izy hoe, "Tsy misy anankiray hafa ve?"

³³⁹ "Mpitory teny efajato,efa iray saina, no nanao hoe, 'Miakara. Efa niteny taminay ny Tompo ka nanao hoe, "Miakara.''''

Hoy izy hoe, "Fa tokony hisy anankiray hafa any ho any."

³⁴⁰ Hoy izy hoe, "Manana anankiray aho, saingy halako izy." Azo antoka, izany tokoa. Hia. Hoy izy, "Mivazavaza ahy foana

izy. Milaza zavatra ratsy manohitra ahy foana izy.” Ahoana no ahafahany hanao zavatra hafa, nefo efa nanohitra azy ny Tenin’Andriamanitra?

³⁴¹ Noho izany dia naniraka izy ireo ary naka an’i Mikaia. Hoy i Mikaia hoe, “Miakara. Eny. Marina izany. Saingy nahita ny Isiraela nihahaka aho, tahaka ny ondry tsy nisy mpiandry.”

³⁴² Avy eo izy, nahoana, nandroso io mpitoky teny goavana io, ilay eveka, ka namelaka azy teo amin’ny vava. Hoy izy, “Taiza no nandehanan’ny Fanahin’Andriamanitra rehefa niala tamiko Izy?”

³⁴³ Tamin’izay fotoana izay dia hoy izy hoe, “Tsy tao anatinao mihitsy, eo am-panombohana.” Koa noho izany—koa noho izany dia hoy izy hoe, “Ho hitanao, indray andro any.” Hoy izy—hoy izy—hoy izy . . .

³⁴⁴ Hoy Ahaba hoe, “Apetraho ao amin’ny tranomaizina ao anatiny izy. Fahano mofom-pahorian sy ny—sy ny ranom-pahorian izy.” Hoy izy, “Rehefa miverina soamantsara aho, dia hifanaraka amin’io lehilahy io.”

³⁴⁵ Hoy izy hoe, “Raha miverina mihitsy ianao, amin’izay fotoana izay dia tsy niteny tamiko ny Tenin’Andriamanitra.” Nahoana? Nahoana? Araka ny Teny mihitsy izy, araka ny Teny mihitsy.

³⁴⁶ Ny faminaniana rehetra tsy mijanona amin’ity Teny ity . . . Marina tokoa izany. Izany no antony ilazako androany; tsy mampaninona na toa tsara toy ny ahoana aza ilay izy, mpitoky teny firy no milaza an’ity, itsy, na ny hafa, “Ny kominisma no haka an’izao tontolo izao ka handrava azy.” Aza manandrana hiady amin’ny kominisma mihitsy. Miadia amin’ny Romanisma. Satria, izany no HOY NY TOMPO HOE. Ny Tompo dia nilaza fa ny Romanisma no hanapaka, fa tsy ny kominisma. Saribakoly iray fotsiny izy.

³⁴⁷ Fa, hitanareo, tsy maintsy nanao an’izany izy. Niteny tamin’i Mikaia ny Tompo hoe, “Tsy maintsy handefa an’i Ahaba any Aho. Hanao an’ireo mpitoky teny ireo hilaza an’izany, handefa an’i Ahaba any, mba hanao an’ireo tenin’i Elia hiseho.”

³⁴⁸ Tsy maintsy namela ny kominisma hitsangana Andriamanitra. Inona no atao’izy ireo? Namory an’ireo tranom-paty rehetra eto hiaraka izy ireo, ary nanao fikambanamben’ny fiangonana iray, hikambanana, sy hanaovana sarin’ny bibidia, izay nolazain’Ny Teniny fa hiseho mihitsy. Aza manahy mikasika an’izany. Diniho ilay zavatra izay ataony ao ambany. Marina izany. Hmm!

³⁴⁹ Izaho dia . . . ataoko fa mandreraka anareo aho, saingy . . . [Hoy ny fiangonana hoe, “Tsia.”—Mpand.] Saingy marina izany. Tsy fantatro hoe rahoviana indray aho vao afaka hiresaka aminareo. Mety tsy afaka intsony. Tsy mahafantatra isika. Mety

tsy mihaona intsony indray isika, fa tiako ho fantatrareo izay Fahamarinana.

³⁵⁰ Diniho ity Teny ity. Izany no Fahamarinana; tsy izaho. Ity Teny ity, Ity Izany. Raha mifanohitra amin’*Ity* ny teniko, amin’izay fotoana izay dia aza mino ahy. Minoa an’*Ity*. Amin’izay fotoana izay, raha hoy ianareo hoe, “Eny, izahay manana an’*Ity*, nefà ianao mitory manohitra an’Izany,” amin’izay fotoana izay dia andraikitrareo ny manatona ahy. Marina. Andraikitrareo ny manatona ahy. Hitanareo? Tongava fotsiny, dia ndao jerentsika hoe inona ny Teny, ankehitriny.

³⁵¹ Ankehitriny, noho izany, dia hitantsika fa ilay izy dia . . . ilay izy dia ny kominisma no miangona miaraka. Hoy Andriamanitra hoe, “Goga sy Magoga, any, dia hiangona miaraka,” azo antoka, “mba hanao an’ilay ady.” Marina tokoa izany, satria hitondra an’ireo hery ireo hijaraka izany. Tsy maintsy tonga izany. Ny Baiboly no nilaza fa ho tonga izany.

Namboly an’io Hazo io Andriamanitra, mba hitondra ny Voany ara-panahy.

³⁵² Fa ny olona dia niezaka foana ny hanao azy ho endrika artifisialey iray hoe, “Manana ny endriky ny toe-panahy araka an’Andriamanitra.” Ireo tranobe lehibe indrindra ao amin’ny tanàna, azo antoka, an-tapitrisany dolara! Oadray, mamindrà fo! Ary ny olona dia mitory fa ho avy Jesosy, nefà mandany enina hatramin’ny valo tapitrisa dolara eo amin’ny tranobe iray any ho any. Ary, ireo misionera, mahafantatra misionera eny amin’ny saha aho, izay mitory ny Filazantsara, tsy manao kiraro, mihinana sakafroa isan-kerinandro. Afaka mahita ve ianareo hoe nahoana, rahalahy, isika . . . Inona ny olona amin’ny olona? Tsy mino tokoa aho hoe izy ireo dia mino fa ho avy Izzy. Ireo—ireo—ireo—ireo teninareo dia miteny . . . Eny, ireo—ireo fiainanareo dia miteny mafy kokoa noho ny teninareo. Ianareo . . . Hitanareo? Ary Izzy dia . . .

³⁵³ Ireo misionera kely ireo, rehefa tonga ao amin’ny favoriako tahaka an’izao aho, dia tsy manao kiraro; pataloaha kely mifatotra manodidina azy, tahaka an’izao; miaina any miaraka amin’ny parasy, sy amiba, sy kongona, sy ireo karazana aretina rehetra, ary ny zavatra hafa rehetra any; lany tanteraka ireo tânana antitra kely, ary lanin’ny amiba tanteraka sy ny zavatra hafa rehetra. Mitsangana eo, manao hoe, “Ianao ve no Rahalahy Branham?”

Hoy aho hoe, “Eny.”

Hoy izy, “Oh, ho tahiana ianao! Mivavaka ho anao isan’andro aho.”

³⁵⁴ Nieritreritra aho hoe, “O Andriamanitra, avelao hivavaka ho ahy io lehilahy io. Eny. Izany ilay zalahy. Izany ilay anankiray.”

³⁵⁵ “Izaho dia... Izaho—izaho—mamaky an’ireo lahatsoratraloh, Rahalahy Branham. Azo antoka fa miteny ny Fahamarinana ianao. Momba anao mihitsy izahay.” Oh, rahalahy, izany no—izany ilay zazalahy. Izany izy; zalahy kely mampalahelo.

Mandre olona iray manao hoe, “Fantatrareo ve hoe iza io?”

“Oh,” hoy izy, “tsy mikambana amin’ny rafi-pandaminanay izy.”

“Izany ve io? Iza izy?”

“Nahoana, tsy miaraka aminay izy.”

“Eny, iza izy?”

“Oh, izy dia—tsy miankina iray izy.”

“Oh, izany ve izy? Ah-hah. Eny, inona no ataony?”

“Oh, manana asa kely iray izy eo. Izy—tsy hikambana amintsika izy.”

“Eny, tiako ho fantatra ny momba azy.”

³⁵⁶ Fantatrareo, fony aho zazalahy kely iray, nioty paoma tao amin’ny saham-paoma, hitako foana fa ilay hazo dia nanana an’ireo tahony rehetra tao ambaniny, fantatrareo. Misy tahony tsara sy mafy mihitsy, teo no nisy an’ireo paoma tsara.

Hoy izy ireo hoe, “Eny, holy-roller iray fotsiny izy.”

³⁵⁷ Fantatrareo, eo amin’izay misy ny paoma tsara foana no ametrahanareo an’ilay kalokalom-borona. Manao an’ilay zavatra iray ihany ny devoly, mba hampitahotra anareo hiala amin’Izany. Aza manahy. Manohiza mandeha avy hatrany ao ambadik’io kalokalom-borona io.

³⁵⁸ Nandinika vontsira mandady iray aho indray andro, nihinana an’ireo tsaramaso fotsy izay namboleko. Isaky ny namboly tsaramaso fotsy iray laharana aho, dia tonga io zalahy kely io, nandany azy ireo. Nieritreritra aho hoe, “Hampitahoriko hivoaka aminy mihitsy ny ainy.” Noho izany dia naka harona taratasy iray aho. Ary artista iray marina tokoa aho; tokony nahita ahy ianareo. Nanao sary an’izay noerireretiko ho sary mampitahotra iray aho. Oh, ilay izy dia nampitahotra, ihany koa, raha nanao sary azy aho. Dia napetrako teo amin’ny harona iray izany, ary nametraka tsaramaso fotsy vitsivitsy tao anatinay, ka nanantona an’izany teo amin’ny tsorakazo iray. Ary rehefa nitsoka ny rivotra, dia nihozongozona tahaka an’izao ilay izy.

³⁵⁹ Nivoaka avy tao amin’ilay lavaka ny vontsira mandady kely iray, fantatrareo. Ary nihazakazaka nanerana teo izy, nihinana an’ireo tsaramaso fotsy, ary nidona avy hatrany tamin’io harona io. Nihemotra izy. Nojereny ilay izy, njery azy tahaka an’izao. Dia lasa izy, “fioo,” nitsambikina teo amin’ilay izy, ary, oh, nipetraka tsara ilay harona. Nojereny indray ilay izy, fantatrareo, ary naveriny nojerena daholo, indray. Nitodika izy ary nahita an’ireo tsaramaso fotsy nandeha teo amin’ilay

laharana. Ary tsara izy ireo, fantatrareo. Noho izany dia njery izy, an'io kalokalom-borona teo amin'ny lâlany io. Noho izany dia nandroso izy, ary nanohy nanatona akaiky kely kokoa, tahaka an'izao, nanandrana nampitahotra an'ilay izy, fa tsy nihetsika ilay izy. Aza manahy; maty izany. Tahaka an'izany ireo kalokalom-borona rehetra ireo. Noho izany izy—noho izany fotsiny izy...

³⁶⁰ Inona ny nataony, nalaindy ny tongony kely ka nodominy io harona io, ary nitabataba, nitabataba. Nitsambikina nankany aoriana izy ary njery an'ilay izy, tahaka an'izao. Nodominy indray izany, nitabataba, nitabataba. Izany ihany ny amin'izany, tabataba iray fotsiny. Tahaka ny vorondolo Irlandais, tabataba sy volom-borona ny rehetra, fa tsy misy vorondolo, fantatrareo. Noho izany dia nodominy tahaka an'izao ilay izy, ary nitabataba an'izany in'efatra na indimy tahaka an'izany. Fantatrareo ve hoe inona ny nataony? Nihodina tao ambadik'ilay harona avy hatrany ary nanohy nihinana an'ireo tsaramaso fotsiko. Nahafantatra betsaka mikasika an'izany izy, tsara kokoa noho izay fantatro. Hitanareo? Inona izany? Hitanareo, tsy namela an'ilay kalokalom-borona hisakana azy izy. Nisy zavatra tsara tao ambadik'ilay kalokalom-borona.

³⁶¹ Rehefa hoy izy ireo hoe, "Oh, holy-rollers izy ireo," dia manohiza avy hatrany fotsiny mandeha ao ambadik'io mampitahotra io ka manohiza miditra. Hitanareo? Manohiza ary minoa an'izany. Hitanareo? Ao dia mety misy Fanahy Masina iray, ihany koa, hitanareo. Tsy afaka miteny ianareo. Hitanareo? Eny àry.

³⁶² Oh, io ana-...ndao jerentsika io sompangan'anaram-piagonana miassa io. Fiagonana ara-boajanahary; Fiagonana ara-panahy. Diniho io sompanga tranainy io ankehitriny, ahoana no anaovany anaram-piagonana an'izany. Efa nohaniny tanteraka ilay hodi-kazo, ary lany ireo voa teo aminy, ary, oh, rahalahy, lasa tanteraka izy. Laso ireo fanomezam-pahasoavan'ny Fanahy rehetra; tsy misy fanasitranana avy amin'Andriamanitra, tsy misy fitenenana amin'ny fiteny tsy fantatra, tsy misy faminaniana, tsy misy na inona na inona, tsy mino ny—tsy mino an'ireo mpaminany. Tsy mino an'ireo zavatra ireo izy ireo. Tsy mahfantatra izy ireo. Ny rehetra, nataon'olona! Ny zavatra rehetra ananan'izy ireo dia nataon'olona, artifisialy. Hitanareo? Eny àry. Ilay fiagonana ara-boajanahary, misy ny fiagonana ara-boajanahary iray. Izany ilay anankiray izay namboarin'olona. Fiagonana ara-panahy...

³⁶³ Fantatrareo ve, fa ny Baiboly no milaza an'izany? Eny, tompoko. Fiagonana ara-boajanahary; ary Fiagonana ara-panahy. Ary hoy ny Baiboly hoe, "Roahy ilay andevovavy sy ny zanany;" (Hagara) "satria tsy handova miaraka amin'ilay vehivavy afaka sy ny zanany izy." Hitanareo?

³⁶⁴ Noho izany, ilay fiangonana ara-boajanahary, izany dia handova (Inona?) ny famatorana an'ireo amboara, ny famatorana an'ireo fonosana, mba ho dorana. "Ary izy tsy handova, ho mpandova, miaraka amin'ilay vehivavy afaka." Raha ao amin'ny fanandevalozana miaraka amin'ireo zanany rafi-pandaminana ilay andevovavy, dia tsy ho mpandova miaraka amin'ilay vehivavy afaka izy, satria ireo zanak'ilay vehivavy afaka no handeha ao amin'ny Fampakarana. Fa ireo zanak'ilay andevovavy dia hitsangana ao amin'ny Fitsarana, hitanareo, voaroaka. Hia. Afaka ireo ara-panahy. Eny, tompoko.

³⁶⁵ Ilay sompanga, ireo Esao ara-anaram-piangonana. Ankehitriny, Esao. Teo i Esao sy Jakoba, kambana izy roa ireo, mpivavaka izy roa ireo. Esao dia lehilahy iray ara-nofo. Lehilahy tsara iray izy. Tsy nilaza izy, eny, ankehitriny... Tsy nandeha izy ka nangalatra, nisotro, na zavatra iray tany. Lehilahy iray mpivavaka izy. Saingy nieritreritra izy hoe, "Eny, raha mbola mpivavaka iray foana aho, dia inona no fahasamihafana ataon'izany?"

³⁶⁶ Fa, i Jakoba antitra kely, tsy nahoany hoe ahoana no tsy maintsy nahazoany an'ilay izy, io fizokiana io no nilainy. Tsy mampaninona hoe toy ny ahoana no nahazoany azy, tahaka an'izany fotsiny no nahazoany azy! Raha tsy maintsy nandohalika teo amin'ny alitara izy, ka nihiakiaka sy niantsoantso, ary migogogogo sy nivoaka lelo. Miala tsiny aho. Na, fantatraloreo, nisy rano teo amin'ny masonry. Tsy izany no tiako lazaina. Ary noho izany... Miala tsiny aho. Noho izany, nandohalika teo amin'ny alitara ary niantsoantso mandrapahazoany an'izany, nahoana, azony ilay izy. Hitanareo? Tsy nahoany hoe ahoana no nahazoany azy, tahaka an'izany fotsiny no nahazoany azy.

³⁶⁷ Hoy ny sasany amin'izy ireo hoe, "Izaho... Rahalahy Branham, ireo olona any ireo, migogogogo eo amin'io alitara io, ary miantsoantso, sy miantsoantso. Tsy tahaka an'izany no ilàko azy." Eny, tsy hahazo an'ilay izy ianareo.

³⁶⁸ Ilay rahalahy antitra mainty, mainty hoditra, tany Atsimo, indray mandeha, dia faly foana. Ary izy, hoy ny sefony hoe, "Inona no—inona no manao anao ho tena faly foana, ry tovolahy?"

Hoy izy hoe, "Nahazo fivavahana mahakasi-po aho."

Hoy izy, "Tsy misy izany karazan-javatra izany."

³⁶⁹ Hoy izy hoe, "Nanao fahadisoana anankiray ianao. 'Araka ny fantatralo, dia tsy misy ny zavatra tahaka an'izany.'" Hafa no fantany. Hoy izy, "'Araka ny fantatralo.' Tokony tahaka an'izany no nilazanao azy."

Indray andro, dia hoy izy hoe, "Te-hahazo ny iray amin'izany fivavahana mahakasi-po izany aho."

Hoy izy hoe, “Rahoviana no ilànao azy?”

Hoy izy, “Ankehitriny.”

Hoy izy, “Eny, ndao isika handeha haka azy.”

³⁷⁰ Nivoaka izy ireo. Hoy izy hoe, “Indro misy fitehirizam-bilona iray. Tsara tarehy ilay izy.” Dia hoy izy, “Hia, tsy handre ahy ny vadiko, na inona na inona eto,” hoy izy. Tahaka an’izany no itiavan’ny olona azy, fantatrareo; manolotra an’izany ho azy ireo, eo ambonin’ny lovia iray. Hoy izy, “Handohalika eto isika.”

Hoy ilay rahalahy antitra hoe, “Tsy handray azy eto ianao.”

³⁷¹ Eny, tompoko, nidina nandeha teo amin’ilay tranon-tsoavaly izy. Hoy izy hoe, “Eto ve no hahazoantsika azy?”

Hoy izy, “Tsia.”

Hoy izy hoe, “Handeha hankao amin’ilay fihinanam-bilona isika.”

Hoy izy, “Tsia.”

Hoy izy, “Aiza no hahazoantsika azy?”

³⁷² Hoy izy, “Manaraha ahy.” Nampakatra ny tongotry ny pataloahany izy, niditra tao amin’ilay tranon-kisoa, mafy arak’izay vitany, tao anatin’ilay fotaka, nanao hoe, “Avia eto avy hatrany. Eto no hahazoanao azy.”

Hoy izy hoe, “Tsy te-ho tonga eo aho.”

Hoy izy hoe, “Tsy mbola mila azy ianao, sefo. Tsy mila azy ianao.”

³⁷³ Fantatrareo, Namana dia nieritreritra an’izany, ihany koa. Namana, hoy Namana hoe, “Ankehitriny, te-ho afaka amin’ny habokako aho.”

³⁷⁴ Hoy Elia hoe, “Mandehana mankany Jordana mamotaka, izay ivarinany amin’ilay Méditerranée any.” Dia hoy izy, “Mamotaka arak’izay mety maha-izy azy izy. Miroboha impito ao.”

³⁷⁵ “Oh,” hoy Namana, “oadray, mamindrà fo! Tsy tsaratsara kokoa ve ireo rano, manodidina an’i Damaskosy sy any? Oooh, tsara tarehy sy madio izy ireo any.” Oadray, nahita isika teto indray hariva, teo amin’ilay horonan-tsary, teto, fantatrareo. Hoy izy, “Oh,” hoy izy, “nahoana, nahoana, tsy te-handeha any izahay. Tsy afaka mandeha any aho. Ary fantatrao ve hoe iza aho? Izaho no kapitenin’ny mpiambina. Izaho no jeneralin’ny tafika.”

³⁷⁶ “Eny, raha te-ho afaka amin’ny habokanao ianao, dia mandehana midina eo. Fa raha te-hitahiry an’izany ianao, dia mandehana miakatra eo. Hoy izy hoe, ‘Miroboha.’”

³⁷⁷ Ary toa hitako izy mandeha ao anatin’io rano io. Azonareo eritreretina ve? Oh, nandratra ny hambom-pony izany. Toa

hitako izy, fantatrareo, mitsingitsingina tahaka an'izao; manampina orona, fantatrareo.

³⁷⁸ Tahaka an'izany no ezahan'ny olona hanatonana an'i Kristy, "Tiako ny ho sitrana, tiako, fantatrareo, ny handeha any Andrianitra, saingy, oh oadray, manontany aho raha tsy maintsy hijery ahy ny sisa?" Ah-hah. Ianareo mpihatsaravelatsihy. Tsy haharay azy mihitsy ianareo, na ahoana na ahoana. Marina izany. Hitanareo? Tsy haharay azy mihitsy ianareo, na ahoana na ahoana. Aza manahy. Tsy mbola mila azy betsaka ianareo. Marina izany. Tsy mbola mila azy betsaka ianareo. Marina tokoa izany. Rehefa vonona ny handray azy ianareo, dia haharay azy, eny ary. Homen'Andriamanitra anareo izy rehefa vonona ianareo. Eny ary.

³⁷⁹ Ankehitriny, ny rehetra, ireo sompanga ara-anaram-piangonana ireo, dia nandany an'ilay zavatra manontolo. Diniho ny bibikely tsirairay, ny tsirairay avy amin'ireo bibikely ireo, rehefa niasa teo amin'ilay Hazo izy, dia nanao lalana iray mba handehanan'ilay hafa hanaraka azy. Oh, zalahy manan-tsaina iray izy. Eny, tompoko. Hitanareo? Nesoriny ireo voa, hitanareo, ilay Fanahy, mba (Inona?) ahafahany manaisotra ny fiombonana, hitanareo, ireo ravina.

³⁸⁰ Noho izany dia tonga ilay ilany hafa ary nanao ny fivelomany manokana, nanala an'ireo ravina. Nahoana izy no nanao an'izany? Nanala an'ireo ravina izy mba tsy hisy hatsiatsiaka sy hamamiana, mba ahafahan'ireo olona hafa hahita, mba ahafahany hiditra ao amin'ilay hodi-kazo. Hitanareo?

³⁸¹ Niditra tao amin'ilay hodi-kazo izy, ary nolavahany teo amin'ny tehezany, ka nesoriny tamin'izy ireo ilay Fotopampianarana, hitanareo, ilay tena zavatra izay mihazona ny Aina mihitsy.

³⁸² Ary avy eo, vantany vao nahalavaka lavaka tao amin'izany izy, dia nanana izy, ilay lamina manaraka, tonga ilay sompanga antitra mpitsentsitra, izay naka an'ilay anaram-piangonana, ary nitsentsitra azy ka nandrafitra azy mba tsy ahafahanareo hahazo an'Izany.

³⁸³ Ary inona no nataon'ilay Aina? Nidina avy hatrany nankao amin'ireo faka. Marina tokoa izany. Nampidina Azy avy hatrany nankao amin'ireo faka. Eny ary.

³⁸⁴ Ankehitriny, ilay bibikely iray ihany no nandavaka hatrany amin'ny fo, hany ka tonga hatrany amin'ilay Aina izy. Nanohy nitety an'ilay voa izy, nitety an'ireo ravina, nitety an'ilay hodi-kazo, hany ka tonga tao amin'ilay fo mihitsy izy, ilay Lalana. Eny ary.

³⁸⁵ Ankehitriny dia ndao jerentsika io mpandrava io eo ampiasana. Ny voalohany... Tsy maintsy handingana ny sasany amin'ity eto ity aho, mino aho; tsia, tsy handingana aho. Ny-ny zavatra voalohany nataon'ity bibikely ity, vantany

vao nuditra tao amin'ny fon'ilay Hazo izy... Ndao isika handinika azy, tao amin'ny dingany voalohany, talohan'ny hany nanombohany tsara mihitsy. Ndao isika handinika azy. Ndao isika handinika azy eo am-piasana ankehitriny. Ny zavatra voalohany izay nomelohiny, dia ny hamotika an'ilay tena Hazom-boa voalohany, sarobidy izay nananan'Andriamanitra teto an-tany.

³⁸⁶ Ankehitriny, raha afaka miaritra minitra vitsy amboniny miaraka amiko ianareo. Tiako ianareo—tiako ho azonareo ity ankehitriny. Aza... Ity no Hafatry ny Paskanareo, tonga izao ankehitriny izao. Ah-hah, ah-hah, ah-hah.

³⁸⁷ Ny zavatra voalohany izay nataony, dia nopotehiny ilay Hazom-boan'Andriamanitra voalohany, sarobidy, Kristy. Izy io Hazo hatrany amin'ny sahan'i Edena io. Marina izany. Ilay Hazom-boa voalohany, nopotehiny Izany. Ilay Anankiray voalohany izay nambolen'Andriamanitra teto an-tany, dia Kristy. Nopotehiny io Hazo izay nitondra ny Voany io. Ankehitriny, nanana an'ireo karazana rafi-pandaminana rehetra izy ireo, ary nanana an'izany teny an-tanany mihitsy izy. Fa rehefa nanatona Hazo iray izay nitondra an'ilay tena voa izy, dia nuditra Tao io biby kely Romana io, hitanareo, namotika an'ilay Hazo.

³⁸⁸ Ilay Hazo? Eny. Hoy Jesosy hoe, “Raha manao Aho...” Ao amin'ny Masindahy Jaona, “Raha tsy manao an'ireo asan’Ny Raiko Aho, na tsy manana an'ireo voan’Ny Raiko, dia aza mino Ahy.” Nitondra ny voan'Andriamanitra Izzy. Karazana voa inona no Nentiny? Karazana voa inona?

³⁸⁹ Ndao isika handinika Azy mandritry ny minitra vitsy. Efa nodinihantsika imbetsaka izany. Ndao isika haka santatra kely anankiray fotsiny, ho an'ireo olona izay mipetraka eto, miandry iray minitra, mba hivavahana.

³⁹⁰ Inona no zavatra voalohany izay fantatr'izy ireo, izay fantany, nahafantarany Azy ho ny Mesia? Rehefa nanatona Azy voalohany i Petera, ary Andrea no nitondra azy, dia njery an'i Petera Izzy ka nanao hoe, “Ny anaranao dia Simona, ary ianao dia zanak'i Jonasy.” Fantany teo no ho eo, araka ny Soratra, fa io no Mesia. Efa nisy...

³⁹¹ Efa fantatrareo ve fa efa nisy maro nitsangana talohan'izany, araka ny tantara, ka niantso ny tenany ho Mesia? Fa tsy nisy anankiray tamin'izy ireo afaka nanao an'ity. Ah-hah. Satria, “Ny Mesia,” hoy Mosesy (Ilay Tenin'Andriamanitra, izay tsy mety diso, nampitenenina an'i Mosesy.), hoy izy hoe, “Ny Mesianareo dia ho Mpaminany iray tahaka ahy.”

³⁹² Ary noho izany rehefa nandroso teo anatrehan'i Jesosy ity vahiny ity, dia hoy Jesosy hoe, “Indro, ny anaranao dia Simona, ary zanak'i Jonasy ianao,” dia fantatr'i Petera teo no ho eo hoe Iza Izzy. Fantany fa Izzy io.

³⁹³ Rehefa lasa i Natanaela ka naka an'i Filipo, na... Lasa i Filipo, naka an'i Natanaela, raha ny marina, ka nitondra azy nankeo. Ary Natanaela, lehilahy malaza iray, hitanareeo, lehilahy malaza, lehilahy mpivavaka. Ary—ary niteny taminy mikasika an'izany i Filipo, nanerana ny lèlana, izay Nataony tamin'i Simona. Ary rehefa niditra tao amin'ny Fanatrehan'i Jesosy i Natanaela, dia inona no nolazain'i Jesosy? Hoy Izy hoe, "Indro ny Isiraelita, izay tsy misy fitaka ao aminy."

Hoy izy hoe, "Raby, oviana no Nahafantaranao ahy?"

³⁹⁴ Hoy Izy hoe, "Talohan'ny niantsoan'i Filipo anao, rehefa teo ambanin'ilay hazo ianao, dia efa nahita anao Aho."

³⁹⁵ Hoy izy hoe, "Raby! Raby, Ianao no Zanak'Andriamanitra; Ianao no Mpanjakan'ny Israely." Hitanareeo?

³⁹⁶ Nahoana? Izany ilay voa. "Raha tsy manao an'ireo asan'Ny Raiko Aho..." Fantany ireo tena eritreritra mihitsy izay tao anatin'ny fon'izy ireo.

³⁹⁷ Nikasika ny Lambany ny vehivavy iray, indray andro, ary lasa ka nipetraka tao amin'ilay fiangonana. Nijery manodidina Jesosy ka nanao hoe, "Iza no nikasika Ahy?" Nolavin'izy rehetra izany. Nijery manodidina Izy, ka nahita azy. Tratry ny fitsihadrà izy. Hoy Izy hoe, "Ny finoanao no namonjy anao." Oh, oadray!

Ilay vehivavy Samaritana antitra kely...

³⁹⁸ Tsarovy ankehitriny, tsy nandeha nankany amin'ireo Jentilisa mihitsy Izy, tahaka an'izany. Tsia, tompoko. Niteny tamin'ireo Mpianany Izy mba tsy handeha hankany amin'izy ireo. Isika izany. Izao no androntsika. Niditra tao amin'ny endriky ny Fanahy Masina Izy, ho amintsika, araka ny Nolazainy fa haha-izy Azy.

³⁹⁹ Fa rehefa nandeha nankeo amin'izy ireo Izy, dia inona no nitranga? Rehefa nandeha nankeo amin'ilay vehivavy Samaritana Izy, dia hoy ilay vehivavy hoe... Hoy Izy taminy hoe, "Itondray Aho hosotroina."

⁴⁰⁰ Dia hoy izy hoe, "Tsy fanao Aminao, izay Jiosy iray, ny mangataka amiko, Samaritana iray."

⁴⁰¹ Nanana fanavakavahana nohon'ny volon-kodiny sy ny sisa. Nampahafantariny azy ireo teo no ho eo, fa tsy nisy fahasamihafana, ny rehetra dia avy amin'ilay hazo iray ihany. Zanakalahy sy zanakavavin'Andriamanitra isika rehetra. Izany isika rehetra, hitanareeo. Ary hoy Izy hoe...

⁴⁰² Hoy izy hoe, "Eny, mivavaka izahay. Ny rainay, Jakoba..." Hitanareeo, ary izany dia rain'ireo Jiosy, ihany koa. Hitanareeo? "Ny rainay, Jakoba, no nihady an'ity fantsakana ity, nefà milaza ve Ianao fa lehibe noho izy Ianao?"

⁴⁰³ Dia hoy Izy hoe, "Ireo Rano izay Omeko anao dia Fiainana mandrakizay." Hitanareeo? Hoy Izy hoe...

“Izahay, eny, mivavaka ao amin’itsy tendrombohitra itsy izahay, fa Ianao any Jerosalema.”

Hoy Izy hoe, “Mandehana alaivo ny vadinao dia tongava eto. Izany no handamina an’ilay izy.”

Hoy izy hoe, “Tsy manam-bady aho.”

⁴⁰⁴ Hoy Izy, “Marina ny voalazanao.” Hoy Izy, “Efa nanana dimy ianao; ary ilay anankiray izay anananao ankehitriny dia tsy vadinao.”

⁴⁰⁵ Hoy izy hoe, “Tompoko, Fantatrao, efa hatramin’ny efajato taona izao no tsy nanananay mpaminany iray, fa tsy maintsy mpaminany iray Ianao. Ahoana no Nahafantaranao fa efa nanana vady dimy aho?” Hoy izy hoe, “Ankehitriny, fantatray fa ny . . . Izao no fotoana tokony haha-eto ny Mesia, izay antsoina hoe, ‘ny Kristy.’ Ka rehefa tonga Izy, dia Izy no hiteny aminay an’ireo karazan-javatra ireo.” Oh, io ireo Voany.

Hoy Izy hoe, “Izaho no Izy.”

⁴⁰⁶ Navelany ilay siny, ilay sinin-drano tranainy an’ny rafipandaminana. Lasa nankany an-tanàna izy. Tsy mampaninona na fantsakana firy, no nananan’i Jakoba, nahita Loharano iray vaovao izy. Lasa nankany an-tanàna izy, nanao hoe, “Avia, hijery Lehilahy iray Izay niteny tamiko ny zavatra izay nataoko: tsy Izao ve no tena Mesia? Tsy Izao ve ilay voa? Tsy Izao ve ilay porofo fa Izany no Mesia?”

⁴⁰⁷ Tsy nety azon’ireo Jiosy Izany. Hoy izy ireo hoe, “Mpanao hatsarana iray Izy, Belzeboba.”

⁴⁰⁸ Hoy Jesosy hoe, “Mamela anareo Aho, ianareo. Fa, indray andro any, dia ho tonga ny Fanahy Masina hanao an’ilay zavatra iray ihany; ka, raha miteny manohitra an’Izany ianareo, dia tsy havela aminareo mihitsy izany.” Hitanareo?

⁴⁰⁹ Ankehitriny, “Raha tsy manao an’ireo asan’Ny Raiko Aho, dia minoa . . . aza mino Ahy.” Fa nitondra voa io Hazom-boa io.

⁴¹⁰ Ankehitriny inona? Inona no Nolazainy? Noho izany dia inona—karazana Fianganana inona no Naoriny? Ankehitriny, ianareo Katolika izay te-hilaza fa nanorina fianganana iray Jesosy, karazana Fianganana inona no Naoriny?

⁴¹¹ Mba nanonona anaram-piangonana iray ve Izy, fanekempinoana iray? [Hoy ny fiangonana hoe, “Tsia.”—Mpand.] Nanohittra an’izany foana Izy. Hoy Izy, “Rindrina voaloko fotsy ianareo. Taolan’olona maty ianareo.” Nantsoiny tamin’ny zavatra rehetra izay Azony niantsoana azy ireo izy ireo. Marina izany. Nanohittra an’izany Izy. Izany ilay voan’Andriamanitra. Ankehitriny, afaka maka roa ampiana roa, efatra, ianareo raha tianareo. Eny àry. Nanohittra an’ilay zavatra Izy, rafipandaminana, nanohittra ny foto-kevitr’izy ireo. Niantso azy ireo hoe, “Mpihatsaravelatsihy, bibilava anaty bozaka,” ary nilaza fa izy ireo dia “devoly.” Hoy Izy hoe, “Ianareo dia avy amin’ny

devoly rainareo, ary ireo asany no hataonareo. Iza tamin'ireo razanareo no tsy nanenjika an'ireo mpaminany izay Nirahiko teo Aloha? "Hitanareo? Hoy Izzy, "Avy eo dia ianareo no nanorina ny fasan'izy ireo." Hoy Izzy, "Ianareo no hany nametraka azy ireo tao." Oh, rahalahy, tsy nisintona totohondry tamin'izy ireo Izzy. Marina izany.

⁴¹² Izany ilay voan'Andriamanitra. Inona izany? Mijanona amin'ny Tenin'Andriamanitra, manao ny Tenin'Andriamanitra ho voaseho.

⁴¹³ Hoy Izzy, amin'ny teny hafa hoe, "Inona no nolazain'ny Soratra fa Hataoko ilay Mesia rehefa tonga Aho? Ankehitriny, raha tsy mitondra an'io voa an'io Teny io Aho, amin'izay fotoana izay dia tsy Izaho no Mesia. Fa raha mitondra an'ilay voan'io Teny izay nasaina hataon'ny Mesia io Aho, amin'izay fotoana izay dia Izaho no Izzy." Amena. "Ankehitriny, iza aminareo no afaka hanameloka Ahy amin'ny fahotana?" hoy Izzy. Eo ianareo izao. "Iza amin'ireo rafi-pandaminanareo no manao an'izao zavatra iray izao ihany?" Eo ianareo izao. "Natao hanao an'izao ny Mesia. Natao ho mpaminany iray ny Mesia. Ankehitriny dia ndao jerentsika ny sasany aminareo rehetra," hoy Izzy, "miaraka amin'ireo hevitrarevo avo lenta, ndao jerentsika ianareo manao an'izany." Ankehitriny, nangina izy ireo. Eny àry. Inona izany? Nitondra ny voan'Andriamanitra Izzy. Ny Fanahy Masina no tao Aminy. Nitondra ny voan'Andriamanitra Izzy. Inona Izzy? Izzy . . .

⁴¹⁴ Henoy tsara ankehitriny. Handeha haingana arak'izay vitako aho, mba tsy hanatara anareo amin'ny sakafon'ny Paskanareo. Jereo. Fa, ny—ny fitsanganana no tokony ho sakafon'ny Paskanareo. Hitanareo?

⁴¹⁵ Fa inona? Izzy no Hazo Mpaminany tanteraka an'Andriamanitra, ilay Hazo ohatra, ilay Hazo Mpampakatra. Amena. Voninahitra! Hilaza zavatra mivantana aho: Raha Izzy no Hazo Mpampakatra (Mino an'izany ve ianareo? Hatrany amin'ny sahan'i Edena ve?), amin'izay fotoana izay ilay Hazo Mpampakatra, raha tsy misy an'ilay Vavy, dia tsy hitondra voa, noho izany dia tsy maintsy manana Hazo Ampakarina iray Izzy. Tsy maintsy naterak'ilay fitaovana iray ihany Izzy, ny Teny tonga nofo ao amin'ilay Hazo. Manantena aho fa azonareo ilay izy. Izany dia ilay Aina iray ihany tao amin'io Hazo vavy io, ilay Mpampakatra, satria tao amin'ilay Ampakarina Izany. "Ireo asa izay Ataoko no hataonareo koa." Marina ve izany? Izzy no Mpampakatra, tsarovy.

⁴¹⁶ Hoy ianareo hoe, "Tsy ara-tSoratra izany." Oh, izany izy. Takatro izany ankehitriny. Hitanareo? Miomana ny hanana fivoriam-panasitranana iray isika afaka iray minitra. Takatro izany ankehitriny. Izany Izzy.

⁴¹⁷ Mila porofon'izany ve ianareo? Hoy Izzy hoe, "Izaho no Voaloboka, ianareo no sampana." Masindahy Jaona no milaza

an'izany hoe: "Izaho no Voaloboka, ianareo no sampana; ianareo no mitondra ny voa." Hitanareo? Ary ny hazo lahy sy ny hazo vavy no mamokatra an'ilay vovom-boninkazo, ny iray mankany amin'ilay hafa, mitondra ny voa. Ary ilay sampana sy ilay voaloboka dia manao an'ilay zavatra iray ihany. Hitanareo? Marina tokoa izany.

⁴¹⁸ Noho izany dia nilaza Izy, ankehitriny, fa io Hazo voalohany io dia Hazo Mpaminany iray, Hazo tanteraka iray, ilay Andriamanitr'ireo mpaminany. Hazo lehibe iray Izy. Izy no Hazo Mpaminany tanteraka an'Andriamanitra. Nahoana? Izy no Teny. Ankehitriny, ireo hafa dia mpaminany madinika. "Ny Teny dia tonga tamin'ireo mpaminany." Fa Izy no Teny, Izy tenany, tao amin'ny endrika Mpaminany iray. Amena.

⁴¹⁹ Ankehitriny dia ho tonga any ho any isika. Henoy tsara mihitsy ankehitriny. Ary aza diso an'ity ankehitriny. Tena tsara ilay izy, noraisiko naoty eto mihitsy izany. Ah-ham. Amena.

⁴²⁰ [Heno ny anjombon'ny fiara iray—Mpand.] Mihiakiaka ny olona iray, manao ny anjomaran'izy ireo hikiakiaka, ao ivelany ao. Ah-hah, izao fotsiny, oh, manantena aho fa manana fotoana tsara iray ianareo ao ivelany ao. Izany izahay, ato anatiny ato. Eny àry.

⁴²¹ Ankehitriny, Izy no Hazo Mpaminany an'Andriamanitra. Nahoana? Nitoky ny Tenin'Andriamanitra tanteraka rehetra Izy, satria Izy no Tenin'Andriamanitra tonga voaseho. Izy no Hazo Mpaminany tanteraka izay nitoky an'ilay Teny Mpaminany tanteraka, izay namokatra an'ilay voa Mpaminany tanteraka tamin'ny alàlan'ny Tenin'Andriamanitra tanteraka. Oh, rahalahy, miresaka mikasika ny Hazo iray! Hazo iray, Izy io Hazon'Aina izay nambenan'ilay Anjely ho lavitra an'i Eva sy Adama io, niaraka tamin'ireo Kerobima mpiambina, ho lavitra an'io Hazo io. Ankehitriny dia ireo Kerobima ireo ihany no miezaka mampiditra azy ireo ao anatin'Izany, satria efa nisy lâlana iray namboarina ho azy ireo. Hitanareo? Ankehitriny dia mandà izy ireo; oh, ny olombelona. Hmm!

Ankehitriny, nitoky ny Teny rehetra, tsy nanapaka *teto* na *tetsy* Izy.

⁴²² Rehefa nanatona Azy i Satana, io teolojiana malaza io, ka nanao hoe, "Voasoratra hoe . . ."

Hoy Jesosy hoe, "Eny, fa voasoratra hoe koa . . ." Ah-hah.

"Fa voasoratra hoe . . ."

Dia hoy Izy hoe, "Fa voasoratra hoe koa . . ."

⁴²³ Hazo Mpaminany tanteraka mitory ny Tenin'ny Mpaminany tanteraka, miaraka amin'ireo famantaran'ny Mpaminany tanteraka, vokatry ny Mpaminany tanteraka, vokatry ny Fanahy tanteraka.

⁴²⁴ Ary ho an'ny fanesoana iray... Izaho dia—handinika an'io haingana mihitsy aho ankehitriny. Satria, ho an'ny fanesoana iray, dia nahanton'izy ireo Izy teo... Izy no Teny, fantatrareo. Nahanton'izy ireo Izy, ilay Hazo Teny; ilay Hazo Teny, nanantona Azy teo amin'ny hazo Romana iray nataon'olona. Ham! Rahalahy, manantena aho fa milentika izany. Izy, izay Hazo ara-panahy tanteraka an'Andriamanitra, nahanton'izy ireo teo amin'ny hazo Romana iray nataon'olona Izy. Amena.

⁴²⁵ Mitovy ankehitriny. Miezaka maka ny Hazo tanteraka an'Andriamanitra izy ireo, ny Teny, ka manafangaro an'Izany, ary manantona an'Izany eo amin'ny karazana fanekem-pinoana iray. Tsy hifangaro ny fahafatesana sy ny Fiainana. Tsy nanatrika fotoam-pandevenana iray mihitsy Jesosy; nanangana ny maty Izy. Nahoana? Tsy afaka mijanona miaraka ny fahafatesana sy ny Fiainana. Mifanohitra izy ireo, ny iray amin'ilay hafa. Tsy nitory tamin'ny fandevenana Izy. Nanangana azy ireo fotsiny Izy. Amena. Eny. Nahoana? Fiainana; sy fahafatesana.

⁴²⁶ Jereo ankehitriny. Nahanton'izy ireo teo amin'ny hazo iray Izy. Marina ve izany? "Voaozona izay miabantona eo amin'ny hazo." Marina ve izany? Hoy ny Baiboly hoe, "Voaozona izay miabantona eo amin'ny hazo nataon'olona."

⁴²⁷ Noho izany, androany, raha miezaka miabantona eo amin'ny karazana hazo nataon'olona iray ianareo, dia mivotsora amin'izany. Ary aza mamela an'izany hanantona anareo eo, ihany koa. Satria, toerana ho an'ny maty izany, rafi-pandaminana nataon'olona iray an'i Luther, Batista, Presbyterana, Pentekotista, marina izany, hazo iray nataon'olona. Aza miabantona eo. Aza mamela an'izany hanantona anareo eo, ihany koa. Hanantona anareo eo izy ireo raha vitany, mandra-pivoakan'ilay Aina avy ao aminareo, mandra-panaikinareo ny foto-pampianaran'izy ireo. Marina izany.

⁴²⁸ Fa teo no nanantonan'izy ireo an'io Hazo tanteraka io. Nihantona teo amin'ny hazo Romana iray nataon'olona ny Hazom-boa tanteraka an'Andriamanitra. Izay ilay izy. Ozona iray ny miabantona eo amin'ny hazo nataon'olona. Inona izany? Hanala Azy tsy ho eo imason'izy ireo, rehefa avy mitondra an'ireo voa rehetra Izy.

⁴²⁹ Rehefa i Maria Magdalena, voalazan'ny tantara, no nihazakazaka teo anoloan'izy ireo ka nanao hoe, "Inona no Nataony? Inona no ratsy Nataony?" Najanony ilay filaharana, nanao hoe, "Inona no ratsy Nataony? Tsy nanao afa-tsy nitory ny Filazantsara tamin'ny malahelo ve Izy? Tsy nanao afa-tsy nanasitrana ny marary ve Izy, nanangana ny maty? Ary tao Aminy mihitsy ireo tena famantaran'ilay Andriamanitra velona. Ahoana no ahafahanareo hanameloka Azy?"

⁴³⁰ Dia nofelahan'izy ireo teo amin'ny vava izy, ka nanao hoe, "Hihaino an'ity vehivavy ratsy laza ity ve ianareo raha tokony ho ny mpisoronareo," eo ianareo izao, "ny evezekanareo?" Ah-hah. Eo ianareo izao. Ilay zavatra iray ihany amin'izao andro izao. Marina izany. Ah-hah. Eny.

⁴³¹ Ankehitriny, rehefa nanao an'io rehetra io Izzy, sy nanaporofo ny Tenany, izay nahe-izy Azy, ary naneho an'izany tamin'izy ireo ka nanao hoe, "Raha tsy Izaho no Izzy, amin'izay fotoana izay dia iza ianareo?" Ah-ham, ah-ham. "Raha afaka manameloka Ahy amin'ny fahotana ianareo, raha diso ao amin'ny Teny Aho any ho any, dia asehoy Ahy. Ankehitriny dia mamele Ahy haneho aminareo hoe aiza ianareo no diso." Hitanareo? *Fahotana* dia "tsi-finoana." Fantatsika izany.

⁴³² Ankehitriny, mba hanalana Azy tsy eo imason'izy ireo! Halan'izy ireo mafy Izzy, satria nanorotoro an'ireo rafipandaminany rehetra Izzy. Mba hanalana Azy tsy ho eo imason'izy ireo, dia nalevin'izy ireo Izzy. Ary nanakodia vato araanaram-pianganana goavana be iray teo amin'ilay varavarana, mba Hahazoany antoka ny tsy hitsangana indray. Hitanareo? Oh, oadray!

⁴³³ Eritrereto io Hazo tanteraka io! Nijery i Davida ka nahita Azy. Hoy izy hoe, "Mitsangana eo amoron'ireo reniranon'ny Rano Izzy. Mamoa an'ireo Raviny amin'ny Vanim-potoany Izzy, ao amin'ny Voany; tsy hariana izy, izy—tsy halazo izy. Izay rehetra Ataony dia hambinina." Izzy no Zanaky ny fanambinana.

⁴³⁴ Tandindona iray ny Aminy i Josefa. Izzy no Tandindona mialoha an'i Josefa. Na taiza na taiza nalehan'i Josefa, dia nambinina.

⁴³⁵ Ilay zavatra iray ihany tamin'i Jesosy, Ny Teniny. "Hambinina Ny Teniko, ka tsy hiverina Amiko foana Izzy. Hanatanteraka an'izay Nikendreko Azy Izzy." Hitanareo? Izzy no Teny. Nalefa teto an-tany ny Teny, avy tamin'Andriamanitra, ary hanatanteraka marina tokoa an'izay nanirahan'Andriamanitra Azy Izzy.

⁴³⁶ Ankehitriny, henoy tsara ankehitriny. Manan-karena ity, miaraka amin'ny hero-dronono eo an-tampony. Mariho ankehitriny.

⁴³⁷ Indro tonga Izzy, ankehitriny, ary izy ireo...noho ireo tena asan'Andriamanitra mihitsy, rehefa nitsangana Izzy ka nanontany azy ireo. Hoy Izzy hoe, "Raha tsy manao an'ireo asa izay nolazain'Andriamanitra fa Hataoko Aho, amin'izay fotoana izay dia tsy Izzy Aho; aza mino Ahy. Fa raha manao an'izany Aho, amin'izay fotoana izay dia minoa an'ireo asa. Raha tsy mety mino Ahy ianareo, satria Olona iray no manao an'izao, amin'izay fotoana izay dia minoa an'ireo asa izay Ataoko. Izzy ireo no manambara Ahy. Miteny mafy kokoa noho ny azon'ny Feoko tenenina izy ireo." Marina izany.

Ary tokony nampiharina amin'ny fotoana rehetra ilay zavatra iray ihany. Eny, tompoko. Azo antoka fa tokony.

⁴³⁸ Mariho ankehitriny. “Raha tsy manao an’ireo asan’Ny Raiko Aho, amin’izay fotoana izay dia aza . . . aza mino Ahy, aza mino Ahy. Noho izany, raha manao an’ireo asa Aho, dia minoa Ahy.”

⁴³⁹ Noho izany dia inona no nataon’izy ireo? Naka an’io Hazo sarobidy io, nanapaka Azy, nanantona Azy teo amin’ny hazo iray nataon’olona. Marina izany, nanapaka an’ilay Aina hivoaka avy tao Aminy, ary nanantona teo amin’ny hazo iray nataon’olona, ho an’ny fanesoana.

⁴⁴⁰ Avy eo, dia tsy tian’izy ireo izany. Olona maro be no nitsangana teo, nitomany mikasika Azy, noho izany dia nesorin’izy ireo Izy. Hoy izy ireo hoe, “Hanao ny anaram-piangananay ho tena henjana mihitsy izahay mba tsy hampidiran’izy ireo an’ireo holy-rollers ireo ato intsony.” Noho izany dia nasitrik’izy ireo tao anaty lavaka iray an’i Josefa avy any Armatia Izy, ary nanakodia vato goavana be iray izy ireo. Naka lehilahy mpifehy zato izy ireo hanakodia azy teo.

⁴⁴¹ Ianareo ve efa mba nahita—nahita, indray hariva, tao amin’ny horonan-tsary, ilay lèlana goavana izay nanakodiavan’izy ireo an’ilay vato? Milanja aman-taonina.

⁴⁴² Nanakodia ny vaton’ny rafi-pandaminany goavana teo, mba tsy Ahafahany hitsangana. Fa nihazona Azy ve izany? Tsia.

⁴⁴³ “Fa Izaho no hamerina, hoy ny Tompo.” Ndao isika hikasika an’ilay lahateny ankehitriny, ka handentika azy. “Izaho no hamerina, hoy ny Tompo. Izaho no hamerina Azy afaka telo andro. Izaho no hanangana Azy indray.” Tsy afaka nanafina Azy tao anatin’io vatolampy io izy ireo. Tsy afaka nanafina Azy tsy ho eo amin’ny fahitany izy ireo. Tsy afaka nanala Azy teo amin’ny tènana izy ireo. “Izaho no hamerina Azy, hoy ny Tompo.” Ary afaka telo andro dia nitsangana Izy, naverina indray.

⁴⁴⁴ Taorian’ny Paska, ny Fitsanganany, dia hoy Izy hoe, “Mandehana mankany amin’izao tontolo rehetra izao, fa handeha hiaraka aminareo Aho. Tahaka ny nanirahan’ilay Ray velona Ahy, ary Izy ato Amiko, dia toy izany koa no Anirahako anareo sy ho ao anatinareo. Homba anareo Aho, hatramin’ny fahataperan’izao tontolo izao. Ireo asa, ilay zavatra iray ihany izay Nataoko, mba hanaporofo an’izay naha-izy Ahy, hanao an’ilay zavatra iray ihany ianareo mba hanaporofo an’izay maha-izy anareo.” Tiako izany.

⁴⁴⁵ “Izao famantarana izao no hanaraka an’ireo izay mpino,” tsy mody-mpino, fa mpino. Hitanareo? “Ireo zavatra izay Ataoko, dia ianareo no hanao an’izany sy hanamarina fa mpino iray ianareo. Ireo asa iray ihany izay Nataoko mihitsy, satria ilay Ray velona no velona ato Amiko. Tsy Izaho no manao an’ilay asa; ilay izy dia Ny Raiko. Ary tsy ianareo no hanao an’ireo asa; izany dia ho Izaho ao anatinareo, no manao an’ireo asa.”

Hitanareo? “Ankehitriny, dia mandehana ianareo mankany amin’izao tontolo rehetra izao.”

⁴⁴⁶ Amin’ny teny hafa, “Ianareo no hamolavola an’izay fantatra, Amiko, ho Ampakarina iray.” Hitanareo? Eny àry. “Handeha hiaraka aminareo Aho. Ary Izaho... Ho Ampahako ianareo. Ianareo no ho Ny Ampakariko. Ho ao anatin’ny Vatanareo ny Aiko. Tahaka ny maha-olona anankiray ny vady lahy sy vady vavy mihitsy, dia ho Anankiray Izaho sy ianareo. Amin’izany andro izany dia ho fantatrareo fa Izaho ao amin’ny Ray, ny Ray ato Amiko, ary Izaho ao aminareo, ary ianareo ato Amiko.” Hmm! Tiako fotsiny izany. Tena tezitra amin’izany mihitsy i Satana. Hitanareo ve ilay maha-Tokana an’Andriamanitra? Izay rehetra naha-Andriamanitra, dia Narotsany tao amin’i Kristy; ary izay rehetra naha-Kristy, dia Narotsany tao amin’ilay Fiangonana. Eo ianareo izao. Manao azy ireo ho Anankiray.

⁴⁴⁷ Jereo ankehitriny. Ankehitriny, ny Ampakarina dia Hazon’Aina anankiray. Amin’ny teny hafa, tahaka ny maha-anankiray ny vady lahy sy vady vavy, no maha-Anankiray an’i Kristy sy Ny Ampakariny: ilay zavatra iray ihany, Fanahy iray ihany, asa iray ihany, famantarana iray ihany, ny zavatra hafa rehetra. “Satria ireo asa izay Ataoko no hataonareo koa.” Hatraiza? “Izao tontolo rehetra izao.” Firy? “Amin’ny olombelona rehetra.” Marina ve izany?

Oh, henoy tsara ankehitriny, hitifitra amin’ny magnum iray.

⁴⁴⁸ Nanomboka nihinana an’io Hazo Ampakarina io ilay sompanga Romana hany ka nalainy hatrany amin’ny faka Izany. Ilay hazo Romana iray ihany izay... Karazana hazo inona no nikapa an’i Kristy? [Hoy ny fiangonana hoe, “Romana.”—Mpand.] Karazana hazo inona no nikapa ny Ampakarin’i Kristy? [“Romana.”] Ahoana? Amin’ny fanoloana zavatra iray ankoatry ny Teny. Noho izany, hitanareo, ilay fiangonana Protestanta izay tsy mandray ny Tenin’Andriamanitra dia zanakavavy iray an’ny fiangonana Romana. Andriamanitra dia tsy nandrafitra mihitsy, tamin’ny fotoana rehetra, fiangonana iray. Ny fiangonana Katolika Romana no rafi-pandaminana voalohany. Ary ny tsirairay avy amin’izy ireo dia zanakavavy, ho azy, izay mandrafitra.

⁴⁴⁹ Maty miaraka aminy izy ireo. Ny Baiboly dia nilaza, hoe, “Handoro an’ireo zanany amin’ny afo Izy.” Firy no mahafantatra an’izany? Ny Baiboly no niteny an’izany. Eny, ny Baiboly no nilaza fa haniry miaraka ny vary sy ny tsimparifary hatrany amin’ny andro farany, amin’izay fotoana izay dia hamatotra an’ireo tsimparifary Izy (marina ve izany?), aloha, ary handoro azy ireo. Ary ny vary dia handeha hankany an-tsompittra. Marina ve izany? Mamatotra ny tenany miaraka ao anatin’ny rafi-pandaminana ireo tsimparifary, Fikambanamben’ny Fiangonana, ho an’ny fandorana atomika. Marina tokoa. Fa ilay Fiangonana dia ho vonona ny handeha

hankany an-tsompitra, azo antoka tahaka an'izao tontolo izao mihitsy, ao amin'ny Fampakarana, satria tsy handova miaraka amin'ny andevovavy ilay vehivavy afaka. Oooh, Rahalahy Anthony!

Oh, miandry ny fihavian'io andro Arivo taona mahafaly io isika,
Rehefa ho avy ny Tompontsika finaritra ka haka Ny Ampakariny izay miandry;
Oh! Feno fampakarana ny fanahiko raha miasa mafy aho, miambina sy mivavaka,
Satria hiverina eto an-tany indray ny Tompontsika.

⁴⁵⁰ Haleloia! Eny, tompoko. Oh, handoro an'ireo tsimparifary Izy. Fa ny vary, dia ho Entiny ao an-tsompitra.

⁴⁵¹ Nanomboka nihinana an'io Hazo io ny sompanga Romana, tamin'ny andron'i Paoly. Hoy izy hoe, "Resy lahatra aho," ny Soratra eto, "fa, aorian'ny fialàko, dia hitsangana eo anivonareo ireo lehilahy, rahalahy, toy ny hoe hoditr'ondry no eo amin'izy ireo, fa amboadia ny ao anatiny, ka hitarika maro hanaraka azy ireo. Satria ny fanahin'ny antikristy, izay efa renareo fa ho tonga amin'izao tontolo izao, dia efa ao amin'izao tontolo izao sahady ankehitriny, miasa amin'ireo zanaky ny" (inona?) "tsy fankatoavana." Tsy fankatoavana ny (inona?) ny Teny. Eo ianareo izao. Manomboka miandoha ny rafi-pandaminana.

⁴⁵² Hitanareo ve izay tiako lazaina, ry sakaiza? Izay rehetra mahita an'izany, dia manaovala hoe, "Amena." [Hoy ny fiangonana hoe, "Amena."—Mpand.]

⁴⁵³ Nanomboka nihinana! Inona no nataony? Nanomboka io sompanga tranainy io, io valalavao tranainy io. Io... Hitan'i Joela izy.

Henoy ankehitriny. Midina manakaiky ny farany isika.

⁴⁵⁴ Hitan'i Joela izy. Ary hoy izy hoe, "Izay sisan'ny kijeja, dia nohanin'ny koraika; izay nohanin'ny koraika, dia nalain'ny valalavao avy eo; izay sisan'ny valalavao, nahoana, dia ny sompanga no naka azy." Izany no nolazainy. Ary marina tokoa izany. Izany ilay Hazon'Andriamanitra. Ilay Hazo, notapahiny Izy, io valalavao io. Eny àry.

⁴⁵⁵ Nanomboka nihinana teo amin'io Hazo Ampakarina io ilay sompanga Romana ka nitondra Azy hatrany amin'ny faka. Nanapaka Azy hatramin'ny farany, ny zavatra rehetra! Nanapaka an'ilay Hazo hiala, tahaka ny nataony tamin'i Kristy Jesosy, ilay Mpampakatra. Nandrantsana an'ilay Ampakarina mihitsy, ka nanomboka tao amin'ireo fanekem-pinoana sy anaram-piangonana. Ilay bibikely iray ihany! Fa inona? Oh, voninahitra! Fa tao amin'ireo Fakany no nisy an'ilay Taranaka voafidy mialoha, ilay Taranaka Mpanjaka an'i Abrahama. Tsy mety maty Izany. Ny Teny no tao anatin'ireo faka niaraka

tamin'ny teny fikasana hoe, "Izaho no hamerina, hoy ny Tompo." Inona? "Ireo taona rehetra izay notapahan'ny sompanga, ny rehetra izay nohanin'ny koraika, ny rehetra izay nohanin'ny sisa amin'ireo biby kely rehetra, Izaho no hamerina an'Izany indray, hoy ny Tompo."

⁴⁵⁶ Ankehitriny dia ampitahao amin'ilay tamin'ny Alahady farany izany, sy Alahady tany aloha, ireo Hafatra ankehitriny. Henoy tsara ankehitriny, raha tonga eo amin'ny farany ianareo. Diniho.

⁴⁵⁷ "Izaho no hamerina, hoy ny Tompo, an'izay rehetra nohanin'ireo biby kely. Izaho no hamerina ny kely tsirairay amin'Izany indray."

⁴⁵⁸ Ankehitriny dia mipetraha tsara raha vitanareo, mandritry ny minitra vitsy, ka henoy tsara. Mivonona. Ary mivavaha amin'ny fonareo rehetra, mba hanambaran'Andriamanitra Azy aminareo.

⁴⁵⁹ Noho izany, manomboka mamerina ny teny fikasan'Andriamanitra, satria Andriamanitra no nilaza fa hamerina an'Izany Izy. Mitovy tahaka ny Nananganany an'io Hazo Ampakarina io mihitsy... Hazo Mpampakatra, no Hananganany an'ilay Hazo Ampakarina, satria hisy Anankiray mihitsy any, azo antoka tahaka an'izao tontolo izao. Inona ankehitriny? Eny àry. Noho izany dia nanomboka ny teny fikasan'Andriamanitra hoe, "Izaho no hamerina, hoy ny Tompo, an'izay rehetra nohanin'ny koraika, sompanga."

Tahaka ny tamin'ny voalohany, rehefa nanorina an'io Fiangonana voalohany io Izy.

⁴⁶⁰ Ho tonga eo amin'ny Foto-pampianarana sasantsasany aho ankehitriny. Raha tsy te-hino an'Izany ianareo, dia mety tsara. Fa ianareo fotsiny... Tsaratsara kokoa aminareo ny mikaroka Azy, aloha. Hitanareo? Mariho.

Ahoana no Nampaniriany an'io Hazo io, tamin'ny voalohany? Oh, oadray!

⁴⁶¹ Tena manao tsara ho ahy ity. Fantattro fa toa tsy mitovy loatra amin'ny mpitoriteny iray aho, mitsangana eto tahaka an'izao, saingy izaho—izaho—izaho—tiako izay resahako. Hitanareo ve izay tiako lazaina?

⁴⁶² Ary mariho ankehitriny. Tahaka ny tamin'ny voalohany, rehefa nanomboka an'io Fiangonana voalohany izay nohanin'ilay sompanga Romana io Izy, sy valalavao, sy ny sisa, dia nanomboka tamin'ny fanamarinana amin'ny finoana Izy. Jaona Mpanao batisa.

⁴⁶³ Ao amin'ny Masindahy Jaona, ny faha-13, na, ny toko faha-17, andininy faha-17, dia hoy Jesosy hoe, "Amasino izy ireo, Ray, amin'ny Fahamarinana: Ny Teninao no Fahamarinana." Ny asa

faharoa dia ny fanamasinana, ho an'ilay Fiagonana. Taorian'ny fanamarinana dia ny fanamasinana.

⁴⁶⁴ Ary rehefa nohamasinina izy ireo, dia nangataka azy ireo Izymba hiandry ao an-tanànan'i Jerosalema, Lioka 24:49, mandrapanosotra azy ireo amin'ny hery avy any amin'ny Avo. Ary teo no Niterahany an'ilay Hazo, ny Fanahy Masina, Pentekosta; fanamarinana, fanamasinana, batisan'ny Fanahy Masina.

⁴⁶⁵ Ary avy eo dia tonga Kristy nonina tao anatin'Izany, mba hamokatra an'ireo voa. Amena. Marina ve izany?

Nitory ny fanamasinana i Jaona.

⁴⁶⁶ Jereo ankehitriny. Ao amin'ny . . . Izany no mahaforona ny fahaterahana ara-boajanahary. Rehefa miteraka zazakely iray ny vehivavy iray (Henoy ity.), dia inona no zavatra voalohany mitranga amin'ny vehivavy iray, inona no mivoaka? Izany, voalohany, dia rano. "Mibebaha, ary aoka hatao batisa amin'ny Anaran'i Jesosy Kristy," fanamarinana. Inona ny zavatra faharoa mitranga amin'ilay vehivavy? Rà. Marina ve izany? Rà; fanamasinana. Avy eo dia inona ny zavatra manaraka? Aina. Rano, rà, fanahy.

⁴⁶⁷ Masindahy Jaona, na, Jaona Voalohany 5:7, 7:5, raha ny marina, mino aho fa izay ilay izy, nanao hoe:

... misy telo izay manambara any an-danitra, ny Ray, ny Teny (Dia ny Zanaka.), ary ny Fanahy Masina: ... ireo telo ireo dia iray.

Ary misy telo izay manambara eto an-tany, ny rano, ny rà, ary ny Fanahy; ary tsy iray izy ireo, fa mifanaraka ao amin'ny iray.

⁴⁶⁸ Tsy afaka manana ny Ray ianareo raha tsy manana ny Zanaka; tsy afaka manana ny Zanaka ianareo raha tsy manana ny Fanahy Masina. Fa afaka ny ho hamarinina ianareo nefà tsy nohamasinina; afaka ny ho hamasinina ianareo nefà tsy manana ny Fanahy Masina.

⁴⁶⁹ Ahoana ny amin'izany, ry rahalahy Nazareana? Efa nohamasinin'i Jesosy Kristy izy ireo, herintaona sy enim-bolana talohan'ny hany nahatongavan'ny Fanahy Masina. Marina ve izany? Efa nohamasinin'i Jesosy Kristy izy ireo.

⁴⁷⁰ Ankehitriny, tahaka ny Namokarany an'ilay Hazo Ampakarina voalohany izay nohanin'ny koraika sy kijeja, no Amerenany an'ilay Hazo faharoa, mampaniry Azy avy amin'ireo faka voafidy mialoha izay tsy mety maty ireo. Mitsangana eo amoron'ireo renirano izy ireo. Miaina ao anatin'io rano io Izv. Tsy afaka maneho ny Tenany Izv, fa ao Izv, na ahoana na ahoana.

⁴⁷¹ Ankehitriny dia manomboka izany, mariho, ilay bibikely iray ihany; raha mamerina an'ilay zavatra iray ihany amin'ny fomba iray ihany Izv.

⁴⁷² Ny voalohany, rehefa nanomboka nivoaka avy tao amin'ny Katolisisma io Hazo io, dia i Martin Luther, izay nitory ny fanamarinana. Ilay anjely faharoa dia John Wesley, izay nitory ny fanamasinana. Luther nitory ny fanamarinana hoe, "Ny marina ho velona amin'ny finoana." Wesley nitory ny fanamasinana, asa voafaritra faharoa an'ny fahasoavana. Ary avy eo dia tonga ny Fanahy Masina. Tahaka ny Nampaniriany an'ilay Hazo, tamin'ny voalohany, eto Izy dia mamerina indray, ao amin'ilay fanao iray ihany, ny fanindroany. Hitanareo ve izany?

⁴⁷³ Mariho. Ilay bibikely iray ihany, io karilahy kely io, ilay bibikely iray ihany izay nanomboka ka namono an'ilay Hazo tany amin'ny voalohany, dia nanomboka avy hatrany tamin'ireo sampana Loterana, saingy (inona?) tsy afaka mamono Azy izany. Tsy afaka mamono Azy izany, satria Andriamanitra no efa nanao hoe, "Izaho no hamerina." Nanomboka teo amin'i Luther io bibikely io, mba hamono an'ireo sampana Loterana rehetra. Tonga hatreо amin'i Wesley mihitsy izy, ary namono an'ireo sampana Wesley rehetra. Saingy manohy tonga ilay ampahany lehibe an'ilay Hazo.

⁴⁷⁴ Mariho ankehitriny. Tamin'ny andro fahiny, rehefa novonoina ilay Hazo, dia novonoina Izy, nandeha avy hatrany nankao amin'ireo faka rehefa novonoiny Izy tany. Fa amin'ity fotoana ity, satria voafidy mialoha ny Teny, dia tsy misy na inona na inonaahasakana Azy. Hoy Andriamanitra hoe, "Izaho no hamerina. Tsy mampaninona na impiry no andrafetan'izy ireo, impiry no anaovan'izy ireo an'ity, itsy, na ny hafa, Haveriko Izy." Milamina hatreо izany. Ny fihomehezana rehetra, fanesoana, fandrabiana, fiantsona hoe "holy-rollers, fahadalana," ny zavatra rehetra izay tianareo hiantsosana. Mbola nilaza foana Andriamanitra hoe, "Izaho no hamerina, hoy ny Tompo." Azo antoka mihitsy tahaka ny Nananganany an'i Jesosy avy tao am-pasana, teo ambanin'ireo telo andro, teo ambanin'ireo fizaram-potoana telo, na dingana telo, no Hananganany an'ilay Fiangonana amin'ny Fahafenoany sy hery indray. "Izaho no hamerina, hoy ny Tompo."

⁴⁷⁵ Inona no nitranga? Nanomboka nihinana io sompanga antitra io ary nanana an'ilay fiantraikany iray ihany izay nananany, saingy (inona no nataony?) ireo rantsana Loterana irery ihany no azony. Tsy nahazo an'ilay Fanahy tao ambadika tao mihitsy izy, izay nananan'i Luther, satria nanohy niaina Izany. Avy eo, dia tonga i Wesley. Ary taorian'ny nahafatesan'i Wesley, io mpaminany lehibe io, taorian'ny nahafatesan'i Wesley (inona no nataon'izy ireo?), nandrafitra izy ireo, ary maty ireo sampana manontolo, saingy (inona no Nataony?) nanohy niaina ilay Fiangonana, tonga hatrany amin'ny Pentekosta mihitsy. Rehefa nandrafitra izy ireo (inona no nitranga?), maty ireo rantsana, saingy (inona?) manohy avy hatrany ilay Fiangonana.

⁴⁷⁶ Inona? Ilay zavatra iray ihany izay nataon'ny Pentekotista, ilay tetik'ady tranainy iray ihany, fanekek-pinoana aranaram-piagonana izay naka Azy tamin'ny voalohany, mba hamotika an'ilay Hazo ao anatin'ny—ny Hazo Ampakarina, tamin'ny voalohany, no tetik'ady tranainy iray ihany izay nataon'ny devoly tamin'ilay Hazo faharoa, saingy (inona?) Andriamanitra dia efa nifidy Azy mialoha. Tsy maintsy manohy izy, tsy mampaninona. Raha izany rehetra izany . . . Raha tsy efa izany ilay izy, rehefa nandrafitra i Luther, dia ho efa nilamina teo no ho eo izany; nihemotra tahaka an'ilay iray hafa mihitsy izy rehetra; ho fiagonana Katolika faharoa izany, fiagonana Katolika Romana. Hitanareo?

⁴⁷⁷ Fa, efa nanapa-kevitra Andriamanitra. Efa niteny Ny Teniny Izy. Ny Lalàny no hahita fa miseho Izany. Tsy mampaninona na fivainganana tara firy no Ananany, ho velona Izy, na ahoana na ahoana. Mety manana fotoana mangatsiaka isika ary fahasamihafana ara-anaram-piagonana, sy ny zavatra rehetra, fa ho velona io Hazo io azo antoka mihitsy tahaka ny isian'ny Andriamanitra velona iray hanao Azy ho velona. Eny, tompoko. Hoy Izy hoe, “Izaho no hamerina.”

⁴⁷⁸ Fantattro fa manana lohataona iray tara isika, fihaviana tara an'ny vanim-potoan'ny Paska. “Mampaharitra Ny Fihaviany ny Tompo,” hoy izy ireo, sy ny zavatra rehetra tahaka an'izany. Ary namono betsaka an'ireo rantsana ara-anaram-piagonana ireo rivotra mangatsiaka, saingy tsy afaka mamono an'io Aina izay voafidy mialoha io izany.

⁴⁷⁹ “Ny lanitra sy ny tany ho levona, fa Ny Teniko tsy ho levona.” “Izay rehetra Fantany mialoha, no Nantsoiny: ireo izay Nantsoiny, no Nohamarininy: ireo izay Nohamarininy, no efa Nomeny voninahitra.” Haleloia! Voasoratra ao amin'ny Boky izany, ny Bokin'ny Fiainan'ny Zanak'ondry, ka tsy mety maty.

⁴⁸⁰ Ireo rehetra—ireo biby kely rehetra izay azon'ny helo avotsotra hankeo Aminy dia tsy hahasakana Azy mihitsy. Tsy misy kominisma, Katolisima, tsy misy na inona na inona hafa hahasakana Azy. “Izaho no hamerina, hoy ny Tompo.” Ireo hazo Romana rehetra nataon’olona tsy hanantona Azy eo mihitsy. Ireo fasana rehetra tsy hihazona Azy ao mihitsy. Ireo vato ara-anaram-piagonana goavana rehetra mipetraka eo ambaravarana tsy hihazona Azy ao mihitsy. “Izaho no hamerina, hoy ny Tompo. Hisy Paska iray. Hitondra an’io Fiagonana iray ihany io ao amin’ny Heriny iray ihany Aho. Hitondra an’io Ampakarina io hivoaka tahaka Azy tany Aho, miaraka amin’ireo famantarana iray ihany, ilay voa iray ihany, ilay zavatra iray ihany izay nataon’izy ireo. Hamerina Azy indray Aho. Izaho no hamerina, hoy ny Tompo,” (inona?) “hamerina an’izay rehetra nohanin’ireo ara-anaram-piagonana, hamerina an’izay rehetra nohanin’ny rafi-pandaminana. Izaho no hamerina, hoy ny Tompo, an’izany rehetra izany.”

⁴⁸¹ Ankehitriny, hoy ianareo hoe, “Ahoana ny amin’ireo zavatra izay lasa, ao anatin’ny anaram-piangonana?”

⁴⁸² Andriamanitra no Mpamboly voaloboka tsara. Izy no nandrantsana an’ilay Hazo, izay ihany, nanapaka an’ireo rantsana maty rehetra. Inona no Hataony? Mandoro azy ireo, any. Marina tokoa. Andriamanitra no Mpamboly voaloboka an’ilay—an’io Hazo io. Izy no mikarakara Azy. Miambina Ny Lovany Izy. Izy... Inona No Lovany? Ny Teniny Manokana. Miambina Ny Teniny Izy, mba hanamarina an’Izany; mba hiambina an’Izany; hahita hoe aiza no Ahafahany hitondra Azy. Hamerina Izy. Noho izany rehefa manomboka mandrafitra ireo fiangonana ireo, sy ireo zavatra tahaka an’izany, dia mandrantsana azy ireo fotsiny Izy, fa ilay Fiangonana dia manohy.

⁴⁸³ Rehefa ny—rehefa hoy ny Loterana hoe, “Ho lasa rafi-pandaminana iray izahay. Ho goavana tahaka ny Katolika izahay.” Eny àry. Nandrantsana an’ilay sampana fotsiny Izy. Dia i Wesley no nanohy nitondra Azy avy hatrany, nanangana mpaminany iray hafa. Avy eo, vantany vao nanao an’izany i Wesley... Eny, maty i Wesley, ilay mpaminany malaza. Inona no nataon’izy ireo? Mandrafitra an’izany. Tonga ny Pentekosta. Vantany vao maty izy, dia Norantsanany izany. Nanohy nitombo avy hatrany Izany. Hitanareo? Hamerina Izy.

⁴⁸⁴ Aiza no maniry ireo voa? Tsy manomboka eto ambany eto izany. Manomboka eo amin’ny tampony izany. Aiza no mandòna voalohany an’ilay Hazo ny masoandro? Ah, voninahitra! Amin’ny Hazavan’ny hariva, ny tampon’ilay Hazo. Amena. Tsy eo amin’ireo sampana ambany, fa eo amin’ny tampon’ilay Hazo no masaka ny voa.

Amena!

Tianareo ve Izy? Amena!

Hanompo Azy ve ianareo? Amena!

Mino Azy ve ianareo? Amena!

Azo antoka fa mino Azy aho, amin’ny foko rehetra.

⁴⁸⁵ Ankehitriny, inona izany? Handrantsana an’ireo voaloboka tranainy maty ireo Izy arakaraky ny Hitomboany, ireo voaloboky ny rafi-pandaminana rehetra ireo, mandra-Pahatongany eo an-tampon’ilay Hazo mihitsy. Eo no Hahazoany ny Voany. Mariho ankehitriny. Mandrantsana Azy Andriamanitra. Eny àry. Maty izy ireo, ary tsy hiditra ao amin’ny—ny Fanatrehan’Andriamanitra, tsy ho tonga ao amin’ny fitsanganana voalohany. Fa hiaraka amin’ny... Ilay voan’ny Voaloboka an’ilay tena rafi-pandam-... Voalobok’Andriamanitra. Hiditra ao anatin’ny vondron’ny rafi-pandaminana izy ireo, fa tsy ho tonga miaraka amin’ny voan’ilay Voaloboka.

⁴⁸⁶ Jereo ankehitriny. Tsy nanamboatra rafi-pandaminana iray mihitsy Andriamanitra. Ny fiangonana no mamestraka grefy ao, rafi-pandaminana iray, fa Andriamanitra manapaka an'izany, manapaka ny lalan'ainy. Mitondra voan'ny rafi-pandaminana izy.

⁴⁸⁷ Fa raha mamoaka sampana iray izay mivoakaavy amin'ilay Voaloboka io Voaloboka io, dia hitondra an'ilay iray ihany izay nentin'Izany Izy. Noho izany, hitanareo, izany ilay anankiray voalohany. Ary nandefa an'ireo voangoriny teo i Roma ka nihinana an'Izany, saingy hampaniry Anankiray tena avo Andriamanitra ka tsy afaka hikasika an'Izany izy. Haniry izany. Amena. Izaho... Ndao isika handeha. Mandeha avy amin'ny toerana anankiray mankany amin'ny iray hafa ilay Hazo, avy amin'ny fizaram-potoana anankiray mankany amin'ny fizaram-potoana iray hafa. Avy tamin'i Luther, nankany amin'i Wesley Izy; avy tamin'i Wesley, nankany amin'ny Pentekosta; avy tamin'ny Pentekosta, dia mandeha mankao amin'ny Teny Izy.

⁴⁸⁸ Paska indray izany ho an'ireo mpino marina an'Ny Teniny tsy diso mihitsy. Paska izany. Fitsanganana iray izany. Manana olona Andriamanitra hatraiza hatraiza. Paska ho azy ireo izany. Nahoana? Nitsangana izy ireo, amena, nitsangana avy tao amin'ireo fanekem-pinoana sy anaram-piagonana. Nitsangana avy tao amin'izy ireo mihitsy. Paska indray izany. Efa nafenina tao anatin'ireo faka ilay Taranaka Mpanjaka, ny Teny, nafenina tato anatin'ity Teny ity, nandrity ny taona, sy taona, ary taona, ary manomboka ho voambara mihitsy ankehitriny. Fotoan'ny Paska izao. Voafidy mialoha hatramin'ny fanorenana an'izao tontolo izao, manomboka mijoro ity Fiagonana ity. Mariho hoe ahoana fa Andriamanitra no nifidy mialoha, tany amin'ny voalohany. Izaho manana... .

Eny, holazaiko ilay izy, na ahoana na ahoana. Eny àry.

⁴⁸⁹ Mariho eto, fa, mamerina an'ilay Hazo tanteraka voalohany ao anatin'ny telo andro aorian'ny Fahafatesany. Taorian'ny fahafatesan'ilay Hazo voalohany, dia namerina azy Izy tao anatin'ny telo andro. Marina ve izany? Namerina azy indray! Ankehitriny ilay Hazo Ampakarina ihany koa dia haverina ao anatin'ny telo taona, dingana telo, raha ny marina. Dingana telo, haverina Izy. Jereo ankehitriny. Inona? Fanamarinana, fanamasinana, batisan'ny Fanahy Masina; iray, roa, telo.

⁴⁹⁰ Mariho ankehitriny. Afaka telo andro, dia naverina ilay Hazo voalohany tahaka ny tany amin'ny voalohany, nanana an'ireo famantarana iray ihany, fahagagana iray ihany. Niverina Jesosy, ilay Jesosy iray ihany, nanao an'ilay zavatra iray ihany. Tamin'ny fiafarany'ny andro fahatelo, dia niseho ireo famantarana, tsy tamin'ny fiafarany'ny andro voalohany. Oh, rahalahy! Manantena aho fa azonareo izany. Tamin'ny andro fahatelo no nampahafantarina ilay tena fanehoana an'i Kristy, tamin'ny fiafarany'ny andro fahatelo. Hitanareo?

Mariho. Azonareo ve ilay izy? [Hoy ny fiangonana hoe, “Amena.”—Mpand.]

⁴⁹¹ Tsy tamin’ny andro voalohany, endrika maty; andro faharoa, nisy siosio, hitanareo, na, ny andro faharoa, mbola maty foana ilay izy; Luther, Wesley. Tamin’ny fiandohan’ny andro fahatelo, nisy siosio iray teo. Tsy nisy na inona na inona tamin’ny andro voalohany, Luther; tsy nisy na inona na inona tamin’ny andro faharoa. Ary tamin’ny andro fahatelo, ny fizaram-potoan’ny Fanahy Masina, nisy siosio teo, hoe, “Izy no tsy miova omaly, anio, ary mandrakizay.”

⁴⁹² Fa tamin’ny *fiafaran’ny* andro fahatelo, teo no Nampahafantarany ny Tenany, tonga teo anivon’izy ireo mihitsy, tonga teo anivon’ny Olony ka nanao hoe, “Jereo Aho. Izaho no ilay Anankiray tsy miova.”

⁴⁹³ Nanohy mandra-pahatongan’izy ireo teo amin’ny Pentekosta ireo endrika maty, avy eo dia nanomboka nisy siosio teo, hoe, “Teo Izy.”

⁴⁹⁴ Ankehitriny, eto amin’ny andro farany, dia eto mihitsy Izy miaraka amintsika, mihetsika mihitsy eo anivontsika. Amin’ny *fiafaran’ny* andro fahatelo, dia niseho Izy ary naneho tamin’izy rehetra ireo ny famantaran’ny Fitsanganany, hoe velona Izy, ilay tsy miova omaly, anio, ary mandrakizay, ireo voa velon’Ny Fanatrehany. Ireo voa velon’Ny Fanatrehany! Azonareo ve ilay izy? [Hoy ny fiangonana hoe, “Amena.”—Mpand.] Voaseho tamin’ilay tena *fiafaran’ny* andro mihitsy, rehefa niseho tamin’izy rehetra ireo Izy, Ny Fiangonany. Amena. Nahoana? Niangona niaraka izy rehetra ireo, oh, amena, tamin’ny *fiafaran’ny* andro fahatelo.

⁴⁹⁵ “Ireo Hazavan’ny hariva,” hoy ny Baiboly, “dia hamiratra amin’ny andro farany.” Ny Hazavan’ny hariva dia ilay Hazavana iray ihany any Andrefana, izany dia ilay Hazavana iray ihany izay tany Atsinanana. Ary ilay Hazavana iray ihany izay namiratra tany Atsinanana, izay namokatra an’ilay Fiangonana voalohany izay nokapain’ireo Romana tamin’ny alàlan’ny—ny fivavahan’izy ireo mpanompo sampy sy ny sisa, ao amin’ilay Hazavan’ny hariva dia ilay Hazavana iray ihany. Mariho ankehitriny, ilay Hazavana iray ihany!

⁴⁹⁶ Ary ho an’ny inona no nivoahan’ilay Hazavan’ny hariva? Ho an’ny inona ilay Hazavan’ny hariva? Mba hamerina. Fioo! Azonareo ve ilay izy? [Hoy ny fiangonana hoe, “Amena.”—Mpand.] Ny Hazavan’ny hariva dia ho an’ilay tanjona iray ihany izay an’ilay Hazavan’ny maraina, mba hamerina an’izay nokapain’ireo Taona Maizina, tamin’ny alàlan’i Roma. Hamerina Andriamanitra, amin’ny famiratana an’ilay Hazavan’ny hariva (inona?), hamerina ny Tenin’Andriamanitra manontolo indray, ny fanehoana feno an’i Kristy ao amin’Ny Fiangonany. Ny zavatra rehetra izay

Nataony, tahaka ny Nataony marina tokoa, no hisy indray amin'ny Hazavan'ny hariva. Hitanareo ve izay tiako lazaina? Oh, tsy mahafinaritra ve izany? [“Amena.”] Ary ny mahafantatra fa velona eto mihitsy isika mba hahita an’Izany ankehitriny, ilay Hazavan’ny hariva, araka ny faminaniana marina tokoa. Miseho mba hamerina inona ny Hazavan’ny hariva? Mba hamerina an’izay nohanin’ireo biby kely.

⁴⁹⁷ Nanomboka nitombo izany, ary avy eo dia inona no nataony? Nanao anaram-piagonana izy, noho izany dia norantsanan’Andriamanitra izy ireo, namatotra azy ireo, nametraka azy ireo tany aoriania, namela azy ireo handroso ary handrafitra. Avy eo dia niseho ilay anankiray manaraka; Nofatorany izy ireo, napetrany izy ireo. Nanohy ilay Hazo. Avy eo dia Nofatorany izy ireo, napetrany izy ireo, nanao hoe, “Ankehitriny, hodorana izy ireo indray andro any.” Mamatotra azy ireo ao anatin’ny rafi-pandaminany.

⁴⁹⁸ Fa avy eo dia inona? Eo an-tampon’ilay Hazo mihitsy no misy an’ireo voa masaka voalohany, marina izany, eo an-tampon’ilay Hazo mihitsy. Noho izany dia eo an-tampon’ilay Hazo izany, eto, izay mahita an’ilay Hazavan’ny hariva.

⁴⁹⁹ Ankehitriny, nanana efitra telo i Noa tao anatin’ny sambofiarany. Ny efitra anankiray dia ho an’ireo zavatra mandady. Hitanareo? Ny efitra faharoa dia ho an’ireo voromandidina. Fa ilay efitra an-tampony no nisy ny hazavana. Ilay hazavana izay namiratra, voalohany, dia tsy tonga teo amin’ny rihana voalohany mihitsy, rihana faharoa, fa teo amin’ny tampon’ny rihana.

⁵⁰⁰ Ny hazo dia tsy mitondra ny voalohany eny ambany, faharoa, tahaka an’izany. Voarantsana tanteraka izy, tao amin’ny rafi-pandaminana.

⁵⁰¹ Fa teo amin’ilay ampahany an-tampony izany, izay nisy ny, “Izaho no hamerina, hoy ny Tompo. Handefa an’ilay Hazavan’ny hariva Aho. Izany no hamerina, hamerina ny Teny, hanao Azy ho voaseho. Izaho no hamerina an’izay rehetra Nampanantenaiko. Izay rehetra Nampanantenaiko, dia ilay Fanahy Masina iray ihany no hitondra, hamokatra an’ireo famantarana iray ihany. Hanana Paska iray Aho, fitsanganana iray ho an’ny Ampakarina, mitovy amin’izay Nananako mihitsy ho an’ilay Mpampakatra.” Hitanareo? Miseho mba hamiratra ny Hazavan’ny hariva, ilay iray ihany tamin’ny maraina, famantarana iray ihany, zavatra iray ihany. Ilay Hazavana iray ihany no hamokatra an’ilay voa iray ihany izay nananan’izy ireo tany, raha mamiratra eo amin’ilay Hazo iray ihany Izany. Amen. Manaporofa fa tanteraka Ny Teniny ankehitriny hoe, “Izaho no hamerina, hoy ny Tompo.”

⁵⁰² Henoy tsara ankehitriny. Ankehitriny, efa nisy... Henoy ankehitriny. Aza diso an’Ity ankehitriny. Efa nisy iraky ny fahafatesana efatra.

⁵⁰³ Na, aleonareo ve hamarana fotsiny isika ankehitriny? Aleonareo ve isika—aleonareo ve hivoaka aloha fotsiny isika? [Hoy ny fiangonana hoe, “Tsia.”—Mpand.]

⁵⁰⁴ Henoy tsara mihitsy ankehitriny. Jereo. Efa nisy efatra. Iraky ny fahafatesana efatra no namono an’io Hazo io. Marina ve izany? Inona izany? Kijeja, koraika, valalavao, sompanga. Marina ve izany? Iraka efatra an’ireo devoly Romana, dogma, no namono an’io Hazo io. Ny anankiray naka ny Voany; ny anankiray naka ny Hodikazony, na, naka ny Raviny; ny anankiray naka ny Hodikazony; ny anankiray naka ny Aina. Marina ve izany? Iraka efatra an’ny dogma no namono an’ilay Hazo, ny rehetra afa-tsy ireo faka.

⁵⁰⁵ Ary raha iraky ny fahafatesana efatra no namono an’ilay Hazo, dia iraka efatry ny Fiainana no mamerina an’ilay Hazo. Azonareo ve ilay izy? [Hoy ny fiangonana hoe, “Amena.”—Mpand.] Amen. Satria hoy Andriamanitra hoe, “Izaho no hamerina Azy.” Hamerina Azy Izy. Ahoana? Tamin’ny alàlan’ny iraky ny fahafatesana efatra, no namono Azy, noho izany dia iraky ny Fiainana efatra no hamerina Azy. Inona ilay voalohany? Martin Luther, fanamarinana. Inona ilay faharoa? John Wesley, tamin’ny alàlan’ny fanamasinana. Inona ilay fahatelo? Pentekosta, niaraka tamin’ny famerenana an’ireo fanomezam-pahasoavana, ny Fanahy Masina, batisan’ny Fanahy Masina. Inona ilay fahefatra? Ny Teny. Inona? Ny Teny. Nisy mpaminany lehibe efatra.

⁵⁰⁶ Ny iray amin’izy ireo, Martin Luther, nanomboka nampamiratra Hazavana iray izy. Nisy Hazavana kely iray, hery iray tena kely mihitsy, an’ny fanamarinana.

Tonga avy eo i Wesley, matanjaka kokoa, fanamasinana.

⁵⁰⁷ Taorian’i Wesley, dia tonga ny matanjaka kokoa noho izy, Pentekotista, ny batisan’ny Fanahy Masina, tao amin’ny mpaminany lehibe hafa iray. Hitanareo?

⁵⁰⁸ Fa amin’ny andro farany, an’ny Malakia 4, dia tsy maintsy tonga Elia miaraka amin’ilay tena Teny mihitsy. “Tonga amin’ny mpaminany ny Tenin’ny Tompo.” Ao amin’ny Hazavan’ny hariva, no tsy maintsy tonga, hamerina sy hitondra miverina. Inona? “Hamerina ny fon’ny zanaka ho amin’ny Finoan’Andriamanitra.” Hazavana fahefatra!

⁵⁰⁹ Mpamono efatra no naka Azy. Iraka efatra no namotika Azy. Iraky ny fahafatesana efatra no nitondra Azy lavitra, tao anatin’ireo dogma.

Iraka efatra an’ny fahamarinana no mamerina Azy indray.

⁵¹⁰ “Maminania, ry zanak’olona. Mety ho velona ve ireo taolana ireo?” Maniry aho ny hananantsika fotoana. Manana an’izany voaray naoty eto aho, saingy tsy maintsy mandingana an’izany. “Maminania. Mety ho velona ve ireo taolana ireo?” Inona ireo dingana efatra an’ny fisehoan’io Fiangonana io? Inona ireo dingana efatra an’ny fisehoan’ireo taola-mainan’i Ezekiela? Fa ny Aina dia tonga fotsiny ihany, tsy hoe rehefa teo amin’izy ireo ny hozatry ny hoditra, fa rehefa nitsoka teo amin’izy ireo ny rivotra. Tamin’izay vao niverina io Hafatry ny Fiainana fahefatra io.

⁵¹¹ “Izaho no hamerina, hoy ny Tompo.” Haleloia! Voninahitra! Ho an’Andriamanitra ny dera. Tsy maintsy tonga ilay Hazavana fahefatra, izay hamokatra an’ireo famantarana iray ihany. Diniho. Ny fanamarinana no namerina an’ilaynofon-kazo.

Ny fanamasinana no namerina ny hodi-kazo, fotopampianaran’ny fahamasinana.

⁵¹² Inona no namerina ny ravina? Pentekotista. Inona izany? Pentekotista, ravina, mitehaka ny tànany, fifaliana, mifaly, Pentekotista.

⁵¹³ Inona? Ilay fahefatra dia ny Teny, Izy tenany. Ny Teny tonga nofo, ireo voan’ny porofon’ny famantaran’ny fitsanganana izay ananan’i Kristy amin’ny farany, taorian’ny nambolena ny fanamarinana, nambolena ny fanamasinana, batisan’ny Fanahy Masina. Maty ireo rafi-pandaminana. Ary Kristy dia nanao ny Tenany indray ho eo afovoany tahaka an’ilay saron’ny pyramida. Laharana voalohany, fanamarinana; fanamasinana; batisan’ny Fanahy Masina; avy eo dia ny fihavian’ilay Sarona.

⁵¹⁴ Inona izany? Voalambolambo tsara io andiana Fanahy Masina io mba ahafahany hifanaraka tsara amin’ilay karazana asam-panompoana iray ihany izay Nananany fony Izy lasa, ka, rehefa miverina Izy, dia izany no hitondra an’ilay zavatra manontolo ao amin’ny Fampakarana, izay misy an’ireo nohamarinina, nohamasinina, ary batisan’ny Fanahy Masina. Hitsangana indray io pyramida io. Ho velona indray ilay Tranon’Andriamanitra. Maniry indray ilay Hazon’Aina.

Rava ireo firenena, mifoha Isiraelly,
Ireo famantarana izay nolazain’ireo mpaminany
mialoha;
Voaisa ny andron’ny Jentilisa, miaraka amin’ny
tahotra manarona;
“Miverena, O ry niely, amin’ny anareo manokana.”

Akaiky ny andron’ny fanavotana,
Raiki-tahotra ny fon’ny olona;
Aoka ho fenoina ny Fanahy, ny fanilonareo ho
voadio sy hazava,
Miandrindrà! Akaiky ny fanavotana anareo.

Mandainga ireo mpaminany sandoka, lavin'izy
 ireo ny Fahamarinan'Andriamanitra,
 Hoe Jesosy ilay Kristy no Andriamanitsika;
 (Amena.)
 Fa handeha eo amin'izay nitsahan'ireo apostoly
 isika.

Satria akaiky ny andron'ny fanavotana,
 Raiki-tahotra ny fon'ny olona; (Atomika sy ny
 zavatra hafa rehetra.)
 Fa aoka ho fenoina ny Fanahy, ny fanilonareo ho
 voadio sy hazava,
 Miandrindrà! Akaiky ny fanavotana anareo.

⁵¹⁵ Amena. Mamerina an'ireo famantarana rehetra! Ny famantarani'i Lota amin'ny andro farany. Efa nodinihantsika izany. Ahoana fa i Lota . . . Io Anjely io, an'i Jehovah dia tonga nofo teo anivon'ny olona, nipetraka niaraka tamin'ny Lamosiny nitodika nankany amin'ny tranolay ka nanao hoe, "Aiza i Saraha vadinao?"

"Ao anatin'ny tranolay Aorianao."

⁵¹⁶ Hoy Izy hoe, "Hamangy anao Aho." Dia nihomehy i Saraha. Hoy Izy hoe, "Nahoana no nihomehy i Saraha?" Izy tao anatin'ny tranolay. Amena.

⁵¹⁷ Nilaza Jesosy fa ho izany ilay zavatra iray ihany amin'ny Fihaviana. Oh, amin'izay fotoana izay ny Hazavan'ny hariva, an'ny Malakia 4, dia tonga hamiratra manerana ny aizina, amena, mba hitondra ny Hazavan'ny hariva eo amin'ny Teny voafidy mialoha. Haleloia! Ho inona ilay Hafatra fahefatra? Inona io iraka fahefatra io? Mba hampamiratra ny Hazavana eo amin'ny Teny. Voafidy mialoha ny Teny. Tsy maintsy miseho Izy. Misy zavatra tsy maintsy hanao an'izany, satria hoy Andriamanitra hoe, "Izaho no hamerina, hoy ny Tompo. Izaho no hamerina." Marina. Tonga mba hamiratra ny Hazavan'ny hariva, eo amin'io Teny voafidy mialoha io. Eny, tompoko.

Oh, hisy Hazavana amin'ny andro hariva,
 Ny lâlana mankany amin'ny Voninahitra dia azo
 antoka fa ho hitanao;
 Ao amin'ny lâlan'ny rano, no Hazavana amin'izao
 andro izao,
 Voalevina tao amin'ny Anarana sarobidin'i Jesosy.
 Tanora sy antitra, mibebaha amin'ny fahotanareo
 rehetra,
 Ny Fanahy Masina dia azo antoka fa hiditra;
 Fa tonga ireo Hazavan'ny hariva,
 Tena zava-misy fa Andriamanitra sy Kristy dia
 Iray.

⁵¹⁸ Eo Izy ireo, Anankiray, miaraka; Anankiray, ao anatintsika. Ireo famantarana iray ihany izay tsy azon'ny olombelona hatao,

dia maneho ny tenany, miseho, ny Teny, mba hamokatra an'ilay Tenin'Andriamanitra voafidy mialoha, avy ao amin'ireo fakan'ilay Hazo ao ambany ao, izay nolavin'ny anaram-pianganana rehetra, sy nandà, ary nandà. Fa hiseho ny Hazavana iray. Ho tonga ny Hazavana iray, hiposaka.

⁵¹⁹ Aiza, any Jerosalema ve? Tsia, tompoko. Tsy hiposaka any Jerosalema ny Hazavan'ny hariva. Ny Hazavan'ny hariva dia mandeha (aiza?) any Andrefana. Efa nanana ny androny izy ireo nefá nandà an'Izany.

⁵²⁰ Fa hiposaka any Andrefana ny Hazavan'ny hariva (ho an'ny inona?), hamiratra eo amin'ny Teny (inona?), mba hanamasaka an'ilay voa, hamokatra an'ilay Hazo Ampakarina miaraka amin'ireo famantaranana iray ihany, fahagagana, ary voa izay nananan'izy ireo tany amin'ny voalohany. "Hisy Hazavana amin'ny andro hariva." Marina. Oh! Hamokatra ny Voany amin'ny Vanim-potoany ny Teny amin'izay fotoana izay. "Tsy halazo Izy, fa hamokatra ny Voany Izy," hoy Davida, "amin'ny Vanim-potoany," amena, ilay voa iray ihany izay Nanananany tany amin'ny voalohany.

⁵²¹ Ankehitriny miaraka amin'Ny Teniny ao amin'ireo Dingany voafidy mialoha tahaka ny Ananany an'Izany ankehitriny, ka mahita an'ireo Teny voaseho daholo isika. Inona izany? Izany no fanamarinana tanteraka fa antomotra ny Fihavian'ny Tompo, sy ny fotoana izay Nilazany hoe, "Izaho no hamerina, hoy ny Tompo, ny rehetra izay navelan'ireo valalavao, ny rehetra izay navelan'ireo Metodista, ny rehetra izay nohanin'ny sompanga, ny rehetra izay nataon'ity teo, hany ka nazeran'izy ireo Izy. Fa Izaho no hamerina, amin'ny andro hariva." Oh, oadray! Fioo!

Mino aho fa saiky afaka hitory teny aho ankehitriny, am-pahitsiam-po.

Oh, tena tiako Jesosy,
 Oh, tena tiako Jesosy,
 Oh, tena tiako Jesosy,
 Satria nitia ahy mialoha Izy.
 Tsy handao Azy mihitsy aho,
 Tsy handao Azy mihitsy aho,
 Tsy handao Azy mihitsy aho,
 Satria nitia ahy mialoha Izy.

⁵²² Amena. Tsy tianareo ve Izy? Tiako amin'ny foko rehetra mihitsy Izy. Hanana laharam-bavaka iray ve isika? [Hoy ny fiangonana hoe, "Amena."—Mpand.]

⁵²³ Andriamanitra Ray, eo an-Tànanao aho—no ametrahako an'ity Hafatra ity. Na dia tapatapaka aza Izy, amin'ny fomba iray dia mivavaka aho mba handehanan'ny Fanahy Masina miaraka Aminy eo amin'ireto horonam-peo ireto, ary manerana an'ireo firenena. Ary raha hesorina miala amin'ny tany aho, dia enga anie ho velona Ity, Tompo. Ny Teninao izany. Aoka

hamiratra ny Hazavan'ny hariva, Tompo, hamokatra an'io Ampakarin'i Kristy be voninahitra io. Tahio Izzy, Tompo. Enga anie Izzy tsy hiverina foana any Aminao. Enga anie Izzy hanatanteraka an'izay nikasana Azy. Ekeo izany, Ray. Ho Anao ny dera rehetra.

⁵²⁴ Ankehitriny, fantatray, Ray, tsy mampaninona izay ho lazanay, mbola ny Teny foana Izany ary mino an'Izany izahay. Fa haniry Anao izahay, Tompo, amin'ity marainan'ny Paska ity, mba Hanaporofoinao amin'ity fiangonana ity, angamba ho an'ny fotoany voalohany ny sasany eto, fa mbola Jesosy foana Ianao, ka tsy endrika maty iray Ianao, fa Ianao no Andriamanitra velona iray, nitsangana, ka miaina eo anivonay Ianao androany. Ekeo izany, Ray, ary hidera Anao izahay, amin'ny alàlan'ny Anaran'i Jesosy. Amena.

⁵²⁵ Firy ato no marary? Aoka ho hita ny tànanareo. Atsangano fotsiny ny tànanareo. Oh, efa . . .

⁵²⁶ Billy Paul ve . . . Nahazo ve izy . . . Mino aho fa nizara karatra fangataham-bavaka izy. Sa tsy izany? [Hoy ny rahalahy iray hoe, "Eny."—Mpand.] Inona izy ireo? ["E, iray hatramin'ny zato."] E, iray hatramin'ny zato. Afaka maka azy rehetra isika, saingy ndao isika haka vitsivitsy amin'izy ireo. Mitsangàna eto fotsiny, raha sitrakareo.

⁵²⁷ Iza no manana ny nomeroao iray? Ndao jerentsika ny nomeroao iray. E, nomeroao iray, atsangano ny tànanao. Karatra fangataham-bavaka; jereo eo amin'ny karatrareo. Raha afaka mitsangana ianao, dia mety tsara. Nomeroao iray.

⁵²⁸ Eny, azonareo antoka ve fa manana an'ilay anankiray marina ianareo? Eny àry. Eny àry. Ndao isika handeha, hanomboka any ho any. [Hoy Rahalahy Neville hoe, "Eo ilay izy."—Mpand.] Oh, eny, eka. Raha manana azy ianareo, dia hanomboka eo isika, arak'izany. Eka.

⁵²⁹ Nomeroao iray, mitadiava ny lâlanao manodidina eto mihitsy, raha afaka mandeha ianao. Raha tsy afaka ianao, eny, dia haka azy izahay. Hitanareo? Eny àry. Nomeroao iray.

⁵³⁰ Nomeroao roa. Atsangano ny tànanao, haingana mihitsy ankehitriny. Nomeroao roa, tongava eto avy hatrany.

Nomeroao telo. Eto mihitsy, tompoko.

Nomeroao efatra, nomeroao efatra.

⁵³¹ Nomeroao dimy. Ankehitriny, aoka hipetraka fotsiny ny olona rehetra mandritry ny minitra vitsy fotsiny. Nomeroao dimy.

⁵³² Nomeroao enina. Atsangano haingana mihitsy ny tànanao. Nomeroao enina. Enina, enina, avelao aho hahita an'izany, azafady. Misy olona iray manangana ny tànany. Izaho tsy . . . Oh, avy . . . Ato aorianea ato amin'ny efitra etsy izy. Eny àry. Nomeroao enina. Eny àry. Vetivety fotsiny ankehitriny.

Fito, fito. Eny àry, ilay ramatoa iry aorianea iry. Valo.

⁵³³ Ankehitriny, raha ny olona rehetra fotsiny no mihazona ny... Azafady, vetivety fotsiny ankehitriny. Tena milamina mihitsy ankehitriny. Ankehitriny, izao no ho porofo. Izao no porofo.

⁵³⁴ Enina, fito. Iray, roa, telo, efatra, dimy, enina, fito. Manohiza hatreto. Eny àry. Fito. Eny àry, tompoke, tsara izany.

⁵³⁵ Valo. [Hoy Rahalahy Neville hoe, “Izy no valo.”—Mpand.] Valo, valo. Eny àry, rahalahy. Valo, sivy, folo. Folo, iraika ambin’ny folo, roa ambin’ny folo.

⁵³⁶ Eny, toy ny hoe mitsahatra tsy avy ianareo. Eny, hanomboka eo isika. Mety tsara izany. Afaka minitra vitsy angamba... Eny àry.

Ndao isika hivavaka ankehitriny.

⁵³⁷ Andriamanitra Ray, Teny iray avy Aminao fotsiny dia midika betsaka. Aoka—aoka—aoka ny olona hahita, Tompo. Izaho—efa niezaka ny hahitsy fo aho, niezaka niteny tamin’izy ireo Ny Teninao. Tompo, mamele an’ireo fahadisoan’ny Mpanomponao. Izaho—izaho fotsiny, izaho—manao maro amin’izy ireny fotsiny aho, Tompo. Izaho—mivavaka aho mba tsy Hijerenao ny fahadisoan’ny Mpanomponao, fa hijery Ny Teninao Ianao, izay ezahako toriana. Tompo, misaotra Anao aho ny amin’Izany. Faly aho, amin’ny foko rehetra. Tompo, mihoatra noho ny aina Izany, amiko. Manolotra ny fiainako aho, amin’ny fotoana rehetra, ho an’Izany. Izaho—fantatro fa marina Izany. Ny Teninao Izany.

⁵³⁸ Ary azafady mamele ny fanao adalako, Tompo. Matetika aho—aho no mihanihany sy mivazivazy, izay tsy tokony hataoko. Menatra ny amin’izany aho, Tompo. Avy amin’izany karazana fianakaviana izany mihitsy aho. Aza mijery an’izany Ianao, azafady, Ray, raha Sitrakao. Sarony amin’Ny Rànao izany. Izany no angatahako mba Hataonao. Izao fotsiny, miaiky an’izany aho. Tsy afaka ny tsy hijery an’izany Ianao, saingy afaka mamela ahy Ianao rehefa miaiky an’izany aho.

⁵³⁹ Ankehitriny, efa niaiky an’ireo fahotako aho. Miaiky an’ireo fahotan’ity vahoaka ity aho. Mivavaka aho, Andriamanitra, mba Hamelanao azy ireo, ny tsirairay avy.

⁵⁴⁰ Ary ny olona, enga anie izy ireo hahalala fa tsy miezaka ny hanao karazana fihetsiketsehana iray fotsiny izahay. Izany no Fanahy Masina amin’ny andro farany, manambara Ny Teniny, araka ny vao avy nilazako Azy. Fa, Ray, tsy mampaninona, olona iray fotsiny aho. Ary raha nilaza an’Izany aho, dia hoy izy ireo hoe, “Fandikany izany. Izany no eritreretiny mikasika an’Izany.” Fa, Ray, raha hiteny fotsiny Ianao ka hanaporofo fa marina Izany, amin’izay fotoana izay izy ireo dia tsy maintsy, tsy maintsy handalo eo Aminao izy ireo, mba hialàna amin’Izany, amin’izay fotoana izay, Tompo. Amin’izay fotoana izay dia tsy ho ny fandikako Izany; ho ny Anao izany. Ekeo izany, Tompo.

Ary raha Mpanomponao aho, ka—ka—ka voavela ny fahotako, ary Ianao no niantso ahy ho an’ity asa ity, amin’izay fotoana izay dia teneno ilay izy, Tompo. Mivavaka aho mba Hanekenao an’izany. Sitrano ny marary sy ny ory hatraiza hatraiza, amin’ny Anaran’i Jesosy, no ivavahako.

⁵⁴¹ Ary raha hampahafantatra ny Tenanao aminay fotsiny Ianao ankehitriny, tahaka ny Nataonao mihitsy tany teo amin’ilay fantsakana, tamin’io vehivavy io, rehefa niresaka taminy Ianao. Niteny taminy ny zavatra izay tsy nety taminy Ianao. Nanana vady dimy izy. Ankehitriny, Ianao no nampanantena hanao an’izany amin’ny andro hariva. Ianao no nampanantena hanao an’izany amin’ny andro farany. Hoy Ianao hoe, “Ary izany, ho tahaka an’izany koa amin’ny Fihavian’ny Zanak’olona. Tahaka ny tamin’ny andron’i Lota, dia ho tahaka an’izany koa ilay izy,” Andriamanitra velona ao anatin’nynofon’olombelona, mihetsika eo anivonay, ao amin’ny endriky Ny Fianganony, ao amin’ny Fanahy Masina, manao an’ireo famantarana iray ihany. Ekeo izany, Tompo, androany mihitsy. Tsy hanao ve Ianao, Ray? Noho izany, dia mivavaka aho mba Hamelanao ny olona hahita an’izany, ka ho sitrana sy ho voavonjy ny tsirairay avy, ho an’ny voninahitr’Andriamanitra. Amena.

⁵⁴² Ankehitriny, hiantso ny fifantohanareo aho ankehitriny, raha hanaja fotsiny ianareo mandritry ny minitra vitsy. Ankehitriny, ny olona rehetra, milamina fotsiny arak’izay azonareo atao ankehitriny.

⁵⁴³ Azonareo antoka ve fa fantatrareo ny toerana izay misy ahy ankehitriny? Nitory ny Teny aho teto, ny Tenin’Andriamanitra. Nilaza aho fa marina tanteraka Izany. Jesosy no nilaza, hoe, “Izay mino Ahy, ireo asa izay Ataoko no hataony koa.”

⁵⁴⁴ Ankehitriny, te-hametraka fanontaniana iray aminareo aho. Mitandrema tsara raha ianareo—raha manao “amen” ianareo na tsia, ankehitriny. Jesosy, Izy tenany, dia tsy nihambo mihitsy ho manasitrana olona iray. Marina izany. Hoy Izy hoe, “Tsy Izaho no manao an’ireo asa. Izany dia Ny Raiko izay mitoetra ato Amiko.” Marina ve izany? Ary nilaza Jesosy, ao amin’ny Masindahy Jaona 5:19 hoe, “Marina tokoa, marina tokoa, tanteraka tokoa, Lazaiko aminareo, ny Zanaka Izy tenany . . .” Amin’ny maha-Olona iray, dia Tabernakla iray fotsiny izay nipetrahan’Andriamanitra Izy. Hitanareo? Hoy Izy hoe, “Tsy manao na inona na inona amin’ny Tenany ny Zanaka; fa izay Hitany ataon’ny Ray, dia tahaka an’izany koa no ataon’ny Zanaka.” Amin’ny teny hafa, “Maneho Amiko fahitana iray ny Ray, izay hatao, dia manao fotsiny arak’izay Teneniny Amiko Aho.”

⁵⁴⁵ Ankehitriny, indray andro dia hitantsika fa nisy, atao hoe, vehivavy kely iray izay tsy afaka niditra tao amin’ilay laharam-bavaka. Tratry ny fitsiha-drà izy, ary efa nandritry ny taona maro no nananany an’izany. Noho izany dia nikasika

fotsiny ny Akanjony izy, nilaza tao amin'ny tenany... Tsy nisy dikany izy; vehivavy iray mampalahelo fotsiny izy, kely, antitra, tsy nanam-bola. Ary tsy afaka nandeha tany izy niaraka tamin'ireo mpisorona sy izy rehetra ireo nitsangana teo, izay nanana zò hitsangana sy ny zavatra rehetra. Noho izany dia tsy afaka nitsangana teo izy, noho izany dia nandady izy mandra-pahatongany teo ka nikasika ny Akanjony. Hoy izy hoe, "Mino aho fa marina tokoa Izy. Izy dia, mitondra ny Fahamarinana aminay Izy, ny Fiainana. Mino aho fa Izy no Tenin'Andriamanitra. Ary raha afaka hikasika Azy fotsiny aho, izaho dia—ho salama aho."

⁵⁴⁶ Mino ve ianareo? Afaka hino an'ilay zavatra iray ihany izay ninoan'io vehivavy io ve ianareo, hoe Izy no Tenin'Andriamanitra? [Hoy ny fiangonana hoe, "Amena."—Mpand.] Ankehitriny, ny Baiboly no milaza, androany, hoe, "Izy no Mpisoronabe, Mpisoronabe antsika izao ankehitriny izao." Mino an'izany ve ianareo? "Taorian'ny Fitsanganany sy ny Fiakarany, dia niakatra tany amin'ny Avo Izy ka nanome fanomezana ho an'ny olona. Ary ankehitriny Izy dia mipetraka eo ankavan'an'Andriamanitra, ny Fiandrianana any amin'ny Avo, sy mba hanao fanelanelanana eo amin'izay iaikentsika." Marina ve izany? "Ary Izy no Mpisoronabe izay azo..." Inona? ["Kasihana."] "Kasihan'ny..." Inona? "Ny fahatsapan'ny fahalementsika." Ankehitriny, raha Izy no... Mino ve ianareo fa Izy no tsy miov'a?

⁵⁴⁷ Jereo ankehitriny, raha tonga eto ianareo, ka hikasika ahy fotsiny, mandritry ny andro manontolo, dia tsy hanao fahasamihafana izany na kely aza. Raha mikasika rahalahy iray ianareo, anabavy, tsy hanao fahasamihafana betsaka izany; ilay baiko hametra-tanana fotsiny, dia izay ihany. Fa raha mikasika Azy fotsiny ianareo, izay ihany no tokony hataonareo.

⁵⁴⁸ Ary jereo, raha mikasika Azy ianareo miaraka amin'ny... miaraka amin'ny karazana fombafomba iray tahaka ny nataon'izy ireo. Hoy izy ireo hoe, "Oh, mino an'io Mpampianatra malaza io izahay. Mpaminany iray io." Eny, tsy nilaza na inona na inona Izy.

⁵⁴⁹ Fa nanana zavatra anankiray izay nikasihany Azy ity vehivavy kely ity: ny finoany. Nikasika ny Akanjony izy, ka hoy Izy hoe, "Iza no nikasika Ahy?"

⁵⁵⁰ Tsy mino ve ianareo fa ny Baiboly no milaza fa Izy no ilay Mpisoronabe iray ihany androany izay nahe-izy Azy tamin'izany, Izy, ary azo kasihan'ny fahatsapan'ny fahalementsika? Afaka mikasika Azy ianareo eo, na ao anatin'io laharam-bavaka io ianareo na tsia. Raha marary ianareo, na raha manana malala iray izay marary ianareo, raha manana zavatra iray ianareo eo amin'ny fonareo, dia manatona am-panajana fotsiny eo anatrehan'Andriamanitra ka manaova hoe, "Andriamanitra, tsy fantatro ny mikasika

an'io lehilahy mitsangana eo io. Lehilahy kely iray sola loha izy. Izy, tsinontsinona izy, saingy mino aho fa izay notorianta dia ny Fahamarinana. Ary mino aho fa nilaza an'ilay zavatra marina izy, hoe Ianao no Mpisoronabe. Ankehitriny dia te-hikasika Ánao aho. Ary raha niteny tamiko ny Fahamarinana izy, amin'izay fotoana izay dia Ianao anie hampiasa ny molony mba hamaly ahy sy hiteny amiko, tahaka ny Nataonao tamin'ilay vehivavy tany." Jereo raha Izy no tsy miova omaly sy mandrakizay. Ataovy izany. Tsy manao Azy ho ilay tsy miova omaly, anio, ary mandrakizay fotsiny ve izany? Sa tsy izany?

Eny àry, ny olona rehetra hazòny ny toeranareo ka mivavaha am-panajana fotsiny.

⁵⁵¹ Ahoana hoe? [Hoy ny rahalahy iray hoe, "Nizara karatra fangataham-bavaka sasantsasany aho."—Mpand.] Hah? ["Nizara dimy amby roapololo."] Manana folo aho eo ankehitriny? ["Efatra ambin'ny folo."]

⁵⁵² Folo, iraika ambin'ny folo, roa ambin'ny folo, telo ambin'ny folo, efatra ambin'ny folo, dimy ambin'ny folo; ireo ve ny karatra fangataham-bavaka folo, iraika ambin'ny folo, roa ambin'ny folo, telo ambin'ny folo, efatra ambin'ny folo, dimy ambin'ny folo, enina ambin'ny folo, fito ambin'ny folo, valo ambin'ny folo, sivy ambin'ny folo, roapololo, iraika amby roapololo, roa amby roapololo, telo amby roapololo, efatra amby roapololo, dimy amby roapololo: tokony hanao laharana tsara iray izany. Raha isika... Manantena aho fa tsy hihazona anareo eto tena ela izahay. Fa ankehitriny...

⁵⁵³ [Miresaka amin-dRahalahy Branham ny olona iray—Mpand.] (...?... Ianao ve ilay mpitendry piano? Mety tsara izany. Avelao fotsiny... Mety tsara izany.)

Ndao isika hisamonomonona tsara ankehitriny, ny rehetra miaraka, raha mitendry an'izany izy ireo. *Minoa Fotsiny.*

Minoa fotsiny, minoa fotsiny,
Ny zava-drehetra azo atao, minoa fotsiny;
Minoa fotsiny, fotsiny ihany...

Minoa ny inona? Ny Teniny sy ny teny fikasana. Satria inona?

Ny zavatra rehetra azo atao, minoa fotsiny.

⁵⁵⁴ Nidina avy teny an-tendrombohitra, dia nitsangana teo ireo mpianatra. Resin'io aretin'ny androbe io izy ireo. Nitsangana teo ilay ray, njery ny zanany, nitomany. Nanatanteraka an'ireo fihetsiketsehany rehetra ireo mpianatra, saingy tsy nety ilay izy. Nanatona Jesosy. Hoy ny sasany tamin'izy ireo hoe, "Io Izy." Nisy olona iray nanondro an'i Jesosy tamin'izy ireo; nanalavitra an'ilay mpitondra fivavahana, nankany amin'i Jesosy. Eo no tiako tondroina amin'ny olona; tsy mankaty amiko, na fiangonana iray, fa mankany amin'i Jesosy. Hoy izy, "Izy no mahavita."

⁵⁵⁵ Noho izany dia nihazakazaka ilay ray, nandohalika teo an-Tongony, ka nanao hoe, “Tompo, mamintrà fo amin’ny zanako. Ampahorian’ny devoly amin’ny fomba maro izy. Torovana izy. Misy faroratra ny vavany. Mianjera ao anatin’ny fanintona izy,” androbe. Ary hoy izy hoe, “Efa nentiko hatraiza hatraiza izy. Ary na dia ireo Mpianatralo aza dia tsy afaka nanao na inona na inona ho azy.”

⁵⁵⁶ Hoy Jesosy hoe, “Mahay Aho, raha hino ianao, satria ny zavatra rehetra dia azo atao ho an’izay mino.”

Fotsiny ihany . . .

Tsy miova omaly, anio, ary mandrakizay! Ao ny rehetra ankehitriny. Aoka hilamina ny tsirairay avy.

. . . minoa,

Ny zavatra rehetra dia . . . (Fotoana iray toy ny inona!)

Minoa fotsiny, minoa fotsiny ihany,

Ny zavatra rehetra azo atao, minoa fotsiny ihany.

⁵⁵⁷ O Tompo, mipetraka manodidina anay eto ny Teny ankehitriny. Aoka hamiratra ilay Hazavan’ny hariva, Tompo, ataovy velona Izany. Amin’ny alàlan’ny Anaran’i Jesosy Kristy, no ivawahako. Amena.

⁵⁵⁸ Ankehitriny, amin’ny Anaran’i Jesosy Kristy Tompo, dia raisiko eo ambanin’ny fifehezako ny fanahy tsirairay ato, ho an’ny Vonitorahiny.

⁵⁵⁹ Mijery an’io laharam-bavaka io aho. Tsy misy olona anankiray ao anatin’io laharam-bavaka io izay fantattro. Izy ireo dia, ny tsirairay avy, vahiny amiko. Ianareo rehetra ao anatin’io laharam-bavaka io, izay vahiny amiko, ary izaho tsy mahafantatra na inona na inona mikasika anareo, ny olanareo na inona na inona, dia atsangano ny tånanareo, ny tsirairay avy ao anatin’ilay laharam-bavaka.

⁵⁶⁰ Firy no vahiny amiko ato amin’ny mpanatrika, ary tsy mahafantatra na inona na inona mikasika anareo aho? Manana an’ilay fahefana iray ihany ianareo eo, tahaka ny ananan’ireto eto ireto. Izao fotsiny, mifidy olona anankiray isaky ny mandeha aho.

⁵⁶¹ Eto, mamele ahy hanodina an’ity eto, iray minitra fotsiny. [Mamindra ny fanamafisam-peo Rahalahy Branham—Mpand.] Afaka mandre amin’ity ve ianareo ankehitriny? [Hoy ny fiangonana hoe, “Eny.”]

⁵⁶² Ity ramatoa eto ity. Indro ny lehilahy iray sy vehivavy, mihaona indray. Tsy fantattro izy, tsy mbola nahita azy mihitsy. Vahiny amiko izy, fa vahiny tanteraka iray mihitsy.

⁵⁶³ Mihetsika eo amin’ny fototr’ity Teny ity fotsiny aho. Hoy ity Teny ity hoe, “Ireo asa izay Ataoko no hataonareo koa, raha mino Ahy ianareo.”

⁵⁶⁴ Indray maraina, rehefa tonga indray io fahitana io, taorian'ny an'arivony tamin'izy ireo, ka nanao hoe, "Miaraka aminao ny Fanatrehan'i Jesosy Kristy tsy diso mihitsy na aiza na aiza alehanao." Mino an'izany aho, am-panajana, amin'ny foko rehetra. Raha tsy mahita anareo intsony indray aho, dia hino an'izany ho ny Fahamarinana ve ianareo? Marina izany.

⁵⁶⁵ Indro misy vehivavy iray izay tsy mbola hitako mihitsy teo amin'ny fiainako. Vehivavy iray izay nahazo karatra fangataham-bavaka iray fotsiny izy.

⁵⁶⁶ Ny fomba anaovan'ilay zazalahy azy ireo mazàna, tonga eto izy, maka an'ireo karatra fangataham-bavaka ary manafangaro azy rehetra, miaraka, eo anatrehanareo olona. Manome karatra fangataham-bavaka iray ho an'ny olona iray izay mila anankiray, na aiza na aiza izany. Tsy misy olona mahafantatra hoe aiza no hanombohan'ilay laharana, na inona na inona mikasika an'izany. Noho izany, dia tsy afaka milaza ilay zazalahy hoe, "Oh, ankehitriny eto, raha omenao an'izao *betsaka* aho, dia hapetrako eo aloha ianao, ary hahazo antoka fa eo ianao." Izy tenany aza tsy mahafantatra. Ah-hah. Tsy misy olona mahafantatra.

⁵⁶⁷ Manomboka fotsiny izahay. Na aiza na aiza no ilazan'ny Fanahy Masina hoe "antsoy," dia avy eo mihitsy no antsoinay. Ary matoky aho fa matetika aho no manana olona, rehefa eto aho, indrindra, io olona io dia tsy manana mihitsy...vahiny, hitanareo, izay tsy fantatro.

⁵⁶⁸ Ankehitriny, raha ity vehivavy mitsangana eto ity, raha ny... Misy zavatra tsy mety ao. Mety marary izy. Mety manana olon-kafa iray izy, marary. Izy—izy—mety mitsangana eo fotsiny izy, angamba mody marary fotsiny izy. Ary angamba mitsangana eo fotsiny izy, manandrana hampiharihary zavatra iray. Raha izany izy, dia diniho fotsiny izay mitranga. Hitanareo? Ianareo dia efa, nahita an'izany nanandrana, ihany koa. Sa tsy izany? Eny, tompoko. Diniho izy ireo nitondra azy nivoaka ny varavarana, maty. Hitanareo? Ah-hah. Noho izany ankehitriny ianareo dia—hahita fotsiny ianareo, jereo raha marina izany na tsia. Hitanareo? Andramo ilay izy, hitanareo.

⁵⁶⁹ Ankehitriny, tsy milalao fiangonana isika, ry sakaiza. Eo amin'ny andro farany isika. Eo an-tampon'ny hazo ilay voa, eo am-pamasahana. Marina izany. Ho avy ny Tompo.

⁵⁷⁰ Tsy mahafantatra azy aho. Andriamanitra no mahafantatra azy. Izy no nahafantatra azy. Talohan'ny hany nisian'ny tontolo iray, dia efa Fantany izy. Fantany fa hitsangana eo mihitsy izy. Fantany fa hitsangana eto mihitsy aho. Satria, tsy manam-petra Izy. Marina ve izany? Ankehitriny, raha tsy manam-petra Izy ka fantany izany, amin'izay fotoana izay dia Fantany ny antony itsanganan'ilay vehivavy eo. Noho izany, ilay Andriamanitra iray ihany izay ny...

⁵⁷¹ Jesosy, rehefa teto an-tany Izy, niaraka tamin'ilay Andriamanitra tao Aminy, izay niresaka tamin'ilay vehivavy teo amin'ny fantsakana, ka niteny taminy fa nisy zavatra tsy nety taminy. Isika rehetra dia mahafantatra hoe inona ilay izy. Sa tsy izany? Dia hoy izy hoe, "Tompoko, tsy maintsy ho mpaminany iray Ianao." Izany no fiteniny voalohany. "Ankehitriny, fantatray fa izao no fotoana haha-eto ny Mesia, izay antsoina hoe Kristy. Ary rehefa tonga Izy, dia ho izany ilay zavatra izay Ataony."

⁵⁷² Ankehitriny, raha Izy no "ilay tsy miova omaly, anio, ary mandrakizay," ka nampanantena amin'ny alàlan'ity Teny ity an'izay vao avy notoriako, hoe amin'ny andro hariva dia ho eto Izy ary hanao an'ilay zavatra iray ihany, amin'izay fotoana izay dia miandry an'izany isika. Tsy izany ve ilay izy? Sa tsy izany? Miandry an'io fitsanganan'io Fiangonana io. Ankehitriny, raha hanao amin'ity vehivavy ity an'ilay zavatra iray ihany izay Nataony tany aoriana tany Izy, dia izany no manamarina ny Teny, hoe marina Izany.

⁵⁷³ Ankehitriny, vao avy nanangana ny tànany ilay ramatoa, ary izaho koa, hoe vahiny izahay, ny iray amin'ny iray hafa. Tsy mahafantatra azy aho. Tsy mbola nahita azy mihitsy aho. Vahiny iray fotosiny izy, mitsangana eo. Toy izany koa ianareo, eo, ny maro aminareo.

⁵⁷⁴ Fantatro ny sasany amin'ireto olona mipetraka eto ireto. Ary tsy mahafantatra betsaka aho. Fantatro Rtoa. Collins eto. Mahazo antoka ny amin'izany aho. Ranabavy, vadind-Rahalahy Ben, ary nahita an-dRahalahy sy Ranabavy Dauch aho teo, vao teo... Rahalahy Wright; Rahalahy, Ranabavy Dauch; rahalahy ery amin'ny farany ery. Fantatro ny sasany aminareo, manodidina eto. Fa izaho—maro loatra aminareo no tsy fantatro, satria tsy eto loatra aho, mba hahafantatra. Ary manana vahiny isika eto.

Ary noho izany dia mivavaha fotosiny.

⁵⁷⁵ Raha vahiny aminareo aho, ka milaza fa tonga ireo Hazavan'ny hariva. Ary ny Hazavan'ny hariva dia ho ilay iray ihany tahaka an'ilay Hazavan'ny maraina. Hanambara an'ireo voa mahagaga iray ihany an'Andriamanitra Izany, miteny arapanahy. Marina izany. Ankehitriny, miresaka aminao fotosiny aho tahaka ny Nataony tamin'io vehivavy teo amin'ny fantsakana io. Hoy Izy hoe, "Itondray Aho hosotroina." Hitanao? Milaza an'ilay zavatra iray ihany aho. Tsy izaho izany. Izy izany. Fa raha hanambara amiko ny antony itsangananao eo Izy, hitanao, raha hanambara amiko ny antony maha-eo anao Izy, amin'izay fotoana izay dia ho fantatralo fa tena mahafantatra ny rehetra mikasika ny fiainanao Izy. Raha hiteny aminao zavatra iray izay nisy Izy, hitanao, dia ianao no mahafantatra raha marina izany na tsia. Noho izany raha Fantany izay nisy, ka afaka miteny anao an'izany, dia afaka Izy... azo antoka fa hino Azy ianao

amin'izay fotoana izay ny amin'izay hisy. Raha efa afaka miteny aminao an'izay nataonao tany aorianao tany Izzy, dia azo antoka fa izany no hanambara ny eo alohan'izany, na taorian'izany, ny talohan'izany, ary ny rehetra amin'izany, manao an'izany ho marina.

⁵⁷⁶ Hino Azy ve ny fiangonana, amin'ny fonareo rehetra, raha hanao an'izany Izzy? Mino aho fa hino ianareo, na Nataony izany na tsia. Minoa an'izany foana, fa izany ihany no manakana an'ilay izy.

⁵⁷⁷ Ankehitriny, mijery an'ilay vehivavy fotsiny aho, ary lasa voahosotra izy. Fantany tsara, satria vahiny iray amiko izy.

⁵⁷⁸ Fa avelao fotsiny aho haneho aminareo ankehitriny. Maro aminareo no mahita an'io sary mihantona eo io. Ankehitriny, Izany tsy, ambony... Io Hazavana io, Io marina tokoa No mihantona eto mihitsy eo anelanelako sy ity vehivavy ity izao ankehitriny izao. Tsy hitanareo ve Io? Karazan'ny—karazan'ny hero-dronono iray, mavo-maitso, tahaka ny Hazavana emeralda, araka ny iantsoantsika azy, Izany dia mitsangana mihitsy... Izany No manao azy hahatsapa...

⁵⁷⁹ Ankehitriny, avelao fotsiny aho haneho zavatra aminao. Nahatsapa fihetseham-po tena mamy, manetry tena ianao. Raha marina izany, ramatoa, dia atsangano ny tanganao mba ahafahan'ny olona hahita. Hitanareo? Izany dia... Tsy afaka ny tsy hahatsapa an'Izany izy, eo mihitsy Izany. Hitanareo?

⁵⁸⁰ Ankehitriny, ankehitriny, raha tonga eo aminy Izany, tsy fantatro. Izany dia miankina. Tsy maintsy ho Andriamanitra izany. Izaho tsy afaka manao an'izany, samirery. Izany dia—tsy maintsy Andriamanitra no manao an'izany. Eny.

⁵⁸¹ Ilay ramatoa dia marina tokoa, amin'ny ara-boajanahary, dia hiandry fandidiana iray. Manana zavatra iray izy izay notenenin'ny dokotera taminy hoe, "Tsy maintsy didiana io," saingy tsy mandeha mankany amin'ilay dokotera izy. Marina izany. Ary izy—izy... Izany dia fi—fivontosana iray. Ary eo amin'ny ilany ankavanana io fivontosana io, eo akaikin'ny taolan-damosina. Marina izany. Raha marina izany dia atsangano ny tanganao, mba ahafahan'ny olona hahita. [Hoy ilay anabavy hoe, "Marina izany."—Mpand.]

⁵⁸² Mino ve ianao ankehitriny? Ankehitriny, tsy hitanao ilay izy, (Hitanao? Hitanao?) saingy mino an'izany amin'ny fonao rehetra ianao ankehitriny, hoe marina izany. Eny àry. Eny àry.

⁵⁸³ Ankehitriny dia hoy ianareo hoe, "Ianao angamba no naminavina an'izany, Rahalahy Branham." Tsy afaka maminavina an'izany ianareo, tamin'ny an-tapitrisany, tanteraka.

⁵⁸⁴ Eny, avelao fotsiny izy hitsangana eo, iray minitra. Niala tamiko Izany, izao ankehitriny izao. Ankehitriny, izao fotsiny,

ndao jerentsika, vetivety fotsiny, hitanareo. Toa mety tsara izy; Kristiana. Ndao jerentsika ankehitriny. Ankehitriny raha hiteny zavatra hafa amintsika fotsiny Izy izay hisy... Eny. Indro izy miverinaavy hatrany indray. Eny, tomopoko. Izy dia ny—izy dia ny... Eny. Ilay izy dia—ilay izy dia fivontosana iray, izay ilay izy, izay tokony ho esorin'ireo dokotera. Ary izany dia... Izany no hiteraka ny olany. Fa hatoky an'i Kristy izy ny amin'izany.

⁵⁸⁵ Ary tsy izany ihany. Tsy avy eto amin'ny manodidina eto izy. Ary nitondra olona iray miaraka aminy izy. Ny vadiny izany. Ary izy dia mijaly, ihany koa. Marina izany. Mino ve ianao fa Andriamanitra dia afaka miteny amiko, raha mbola mijery an'ilay lehilahy eto mihitsy aho, ao amin'io fahitana io, izay tsy mety aminy? [Hoy ilay anabavy hoe, "Eny."—Mpand.] Eny, teneno fotsiny izy handeha hihinana ny sakafony. Niala ny aretim-bavoniny. Mino ve ianao fa Kristy no manao an'izany? Eny? Avy any Tennessee ianao, Nashville. Marina izany. Rto. Binkley. Eny àry. Afaka miverina mody ianao ankehitriny ka ho salama, ianao sy ny vadinao. Andriamanitra hitahy anao.

⁵⁸⁶ Mino ny Tompo Jesosy ve ianareo? Raha tsy izany no Tompo Jesosy izay teto tamin'ny andro lasa, ao amin'ilay Fianganon'ny Hazavan'ny hariva! Diniho ilay vehivavy, miresaha aminy, anontanio izy raha marina ireo zavatra izay voalaza. Raha hino fotsiny ianareo! Ankehitriny dia afa-po ve ianareo fa Izy no Kristy ilay tsy miov? Ankehitriny, fantatrareo fa tsy izaho no afaka manao an'izany. Olona iray aho. Rahalahinareo aho. Fa Izy no Andriamanitra.

⁵⁸⁷ Ankehitriny dia ndao jerentsika. Ity ve ilay olona manaraka? Ianao ve no tao amin'ilay laharam-bavaka? Eny àry.

⁵⁸⁸ Ankehitriny, mazava ho azy, io hosotra io, fantatrareo, mampahalemy ahy fotsiny, tahaka ny tsy fantatro hoe inona. Ankehitriny, Jesosy, rehefa nikasika ny Akanjony io vehivavy kely io, dia hoy Izy hoe, "Hitako fa niala Tamiko io hery io." Marina ve izany? Izany dia midika hoe "tanjaka." Lassa nalemy Izy. Ary raha Izy... Raha izany no nitranga tamin'ilay Teny, Izy tenany, dia inona no hataon'izany amin'ilay anankiray fotsiny izay nahatongavan'ilay Teny? Inona no hataon'Izany? Raha izany no nataony tamin'ilay Zanak'Andriamanitra, dia inona no hahatongavan'izany amiko, mpanota iray voavonjy nonoh'ny Fahasoavany? Hitanareo? Manafanina ahy mihodina sy mihodina fotsiny izany. Hitanareo?

⁵⁸⁹ Fa, kanefa, eto aho hisolo tena Azy. Mba his-... Mpisolo tena mahantre iray aho. Izaho—mibebaka amin'ny fahotako rehetra aho, mba—mba tsy hijerenareo an'izay maha-izy ahy; fa jereo hoe Iza Izy, mba hijerenareo tahaka an'izany.

⁵⁹⁰ Ankehitriny, vahiny amiko ianao, ramatoa. Ity vehivavy ity dia tsy fantattro, koa. Samy vahiny izahay. Marina izany. Ankehitriny, raha ny Tompo Jesosy (izaho tsy mahafantatra

anao, ary ianao tsy mahafantatra ahy), raha hanambara zavatra amiko ny Tompo Jesosy, izay maha-eto anao, zavatra izay nataonao, na zavatra izay tsy tokony nataonao, na zavatra tahaka an'izany, dia fantatralo fa izany dia ho, izany dia ho fahagagana lehibe iray. Izany dia zavatra izay tsy azo azavaina. Ny fahagagana iray dia zavatra tsy azo azavaina. Mahafantatra an'izany ny olona rehetra. Hitanareo? Ho fahagagana iray lehibe izany.

⁵⁹¹ Hohoatra ny fahagagana iray izany noho ny hoe nisy ramatoa iray nippetraka teto tao anatin'ny sezamisy kodiarana iray, sy tratry ny aretin-kozatra, ka nitsangana tampoka. Hiteny aminy aho hoe, "Mitsangàna ka mandehana," dia handeha eto izy, hiantsoantso ny amin'izany ny olona rehetra. Fa, hitanao, raha ny marina dia ny herin'ny—an'ny finoany mba hino, ary nitsangana fotsiny ka nandeha, no afaka nanao an'izany.

⁵⁹² Fa ny mandeha miverina any aoriana any ka mamoaka fiainana iray any ho any, izany dia mila mihoatra noho izany. Mila an'Andriamanitra irery izany, izay ahafahanao milaza, hitanao, ianao no mahafantatra raha marina izany.

⁵⁹³ Ankehitriny, nisy zavatra nitranga, any an-kafa any ho any. Andraso ankehitriny. Niala teto ilay izy. Ilay izy dia lasa nankany amin'ny... lasa any amin'ny mpanatrika, any ho any, any ho any. Lasa ilay izy ankehitriny.

Iray minitra fotsiny. Avelao aho hiresaka amin'ilay vehivavy indray.

⁵⁹⁴ Ankehitriny, aoka ho tena hanaja mihitsy ka diniho ankehitriny. Mivavaha fotsiny, aoka hivavaka eo. Tiako ianareo hivavaka hoe, "Tompo, aoka mba ho izaho anie izany." Ny sasany aminareo olona eo, izay tsy ho ao amin'ilay laharam-bavaka, mivavaha fotsiny.

⁵⁹⁵ Miresaka aminao indray aho, mba hano...ho an'ny finoanao. Hitanao? Raha azo natao tamin'io vehivavy hafa io izany, dia azo atao aminao. Ilay izy dia ny finoanao. Hitanao? Ianao no anankiray izay manao an'ilay izy. Tsy izaho izany. Izany dia ny finoanao an'Andriamanitra. Hitanao?

⁵⁹⁶ Tsy nilaza mihitsy Jesosy hoe, "Oh, Fantatro fa hihaona amin'io vehivavy io Aho any." Tsia.

⁵⁹⁷ Fa rehefa tonga ny fitsanganan'i Lazarosy, ankehitriny, izany no nasehon'Andriamanitra Taminy mba hatao. Hitanao? Hoy Andriamanitra hoe, "Mandehàna." Ary Izzy-Noporofoiny fotsiny izay na ha-izy Azy. Lasa nandeha. Ary avy eo rehefa niverina Izzy, dia hoy Izzy hoe, "Matory i Lazarosy." Dia niverina Izzy, ary lasa ka nanangana an'i Lazarosy avy tao am-pasana. Niantso ny fanahiny, taorian'ny nahalasanany nandrity ny efatra andro. Tsy nilaza mihitsy Izzy hoe lasa nalemy Izzy teo. Izany no Andriamanitra nampiasa an'ilay fanomezam-pahasoavana.

⁵⁹⁸ Fa, ity, rehefa nikasika Azy io vehivavy io, dia ilay vehivavy no mampiasa ny fanomezam-pahasoavan'Andriamanitra.

Ary izany ilay zavatra iray ihany eto. Ianao no manao an'ilay izy.

⁵⁹⁹ Ankehitriny, eo amin'ity, teo amin'ireo dia fihazana, izay nisy an'ilay... Hitako ilay bera, sy izay nisy an'ireo zavatra samihafa, ary ireo zavatra samihafa izay notenenina mialoha teo, niteny hoe naohoana fa hiseho izy ireo, ara-bakiteny mihitsy. Andriamanitra izany. Tsy manelingelina ahy izany.

⁶⁰⁰ Fa rehefa manomboka mampiasa an'ilay fanomezam-pahasoavan'Andriamanitra ny olona, hitanareo, dia lasa mpiasam-panjakan'Andriamanitra ianareo, satria mifandray amin'ilay laharana mihitsy ianareo. Hitanareo?

Ary amin'izay fotoana izay dia mikasika Azy amin'ny alàlan'izany ianareo, avy eo dia mamaly Izy. Hitanareo?

⁶⁰¹ Ankehitriny, eny, tonga ao anatin'ny fahitana ilay vehivavy ankehitriny. Tonga izy, na miseho ilay fahitana. Toy ny hoe afaka mahita an'izany manodidina azy ianareo. Marary ilay vehivavy. Marary marina tokoa izy. Mijaly izy, zavatra anankiray, amin'ny aretim-bavony, tena ratsy. Atsangano ny tånanao raha marina izany. Ary tratry ny fahasarotan-javatra ianao. Marina izany.

⁶⁰² Manana olona iray miaraka aminaо koa ianao. Ny vadinao izany, ary marary izy. Raha hanambara amiko Andriamanitra, amin'ny vadinao, izay tsy mety aminy, dia hino ahy ho Mpaminaniny ve ianao? Ilay lehilahy dia voaelingelina eo amin'ny masonry, amin'ny sofiny, ary ao amin'ny toerana iray tena ratsy izy. Eny, tompoko.

⁶⁰³ Mino ve ianao fa Andriamanitra dia mahafantatra hoe iza ianao? [Hoy ilay anabavy hoe, "Eny."—Mpand.] Hino ahy ho Mpaminaniny ve ianao, ny Mpahitany, raha teneniko aminaо hoe iza ianao? ["Eny."] Mino an'izany ve ianao? Rtoa. Robertson. Ary avy any Huntsville ianao, Alabama izany. Miverena, ianao sy ny vadinao, ary aoka ho salama.

⁶⁰⁴ Mino ve ianareo? "Ny zavatra rehetra dia azo atao ho an'ireo izay mino." Raha afaka mino ianao, raha afaka haka ny—haka ny toeranaо ianao ka hino fa Andriamanitra no manao an'izany. Ankehitriny, aza misalasala, fa minoa amin'ny fonao rehetra fotsiny, hoe hanaiky an'izany fanasitranana izany ho anao Andriamanitra, dia afaka hahazo an'izay angatahanao ianao.

⁶⁰⁵ Eny àry, tompoko, manatôna ianao ankehitriny. Ndaо jerentsika. Ianao ve ilay olona manaraka eto? Eny àry, tompoko. Ataoko fa vahiny isika, ny iray amin'ny iray hafa, tompoko. Raha... Nanatona lehilahy iray nantsoina hoe Simona Jesosy, niteny taminy mikasika ny toerany, ka izany no nanao an'i Simona handeha sy hino, tamin'ny fony rehetra. Hahatonga anao

hanao an'ilay zavatra iray ihany ve izany? [Hoy ilay rahalahy hoe, "Eny."—Mpand.] Hanao izany. Eny, vahiny isika.

⁶⁰⁶ Ankehitriny, amin'Andriamanitra dia tsy misy fahasamihafana amin'ny lahy na vavy. Tsy miova fotsiny Izy. Andriamanitra Izy. Hitanao?

⁶⁰⁷ Ary ianao ve, hino ve ianao fa (io fihetseham-po izay manodidina anao io ankehitriny), fa ho afaka hanambara amina Andriamanitra, amin'ny alàlako, Mpanompony, io zavatra izay maha-eto anao io, zavatra izay tsy mety aminao, na inona na inona ilay izy? Eny, ianao no hahafantatra na izany no fahamarinana na tsia. Eny àry. Enga anie Izy hanaiky an'izany.

⁶⁰⁸ Tonga ao anatin'ny fahitana iray ilay lehilahy, na tonga ao amin'ilay lehilahy ny fahitana. Tsy nohon'ny aretina no maha-eto azy. Eto izy mitady ny batisan'ny Fanahy Masina. Izany no tadiaviny. Marina izany, tompoko. Eny, tompoko. Ary tsy avy eto ianao. Avy any amin'ny làlana iray ianao, toerana iray antsoina hoe Seymour, Indiana. Izany, izany no—avy any ianao. Izy ireo dia miantso anao hoe, "Bill." Bill, miverena, raiso ny Fanahy Masina, amin'ny Anaran'i Jesosy Kristy. Minoa.

⁶⁰⁹ Avia, ramatoa. Mino ahy ho Mpaminaniny ve ianao? Mino ve ianao fa Jesosy Kristy, ilay Zanak'Andriamanitra, dia velona? Ary mino ve ianao fa Izy no mamela an'izao hitranga tahaka an'izao? Mino an'izany ve ianao?

⁶¹⁰ Firy noefa nananantsika? Inona? Hitanareo, tsy te-ho lasa malemy loatra aho. Eny àry.

⁶¹¹ Tsia, tsinontsinona ilay izy; tsy ho an'ny tenanao no maha-eto anao. Ho an'ny olon-kafa no maha-eto anao. Ary tsy eto io olona io. Raha hiteny aminao ny olana amin'io olon-kafa io aho, dia hanaiky ny fahasitranana ve ianao, sy handray ka hino? Homamiadana iray ilay izy. Mino ve ianao fa ho sitrana izy ireo? Noho izany dia mandehana, amin'ny Anaran'ny Tompo Jesosy, ka minoa. Ndao fotsiny isika . . .

⁶¹² Mino ve ianareo, ianareo rehetra? Mino an'io hosotry ny Fanahy Masina io ve ianareo? Tsy mahafinaritra ve Izy? Mino ve ianareo? Eny àry.

⁶¹³ Ankehitriny, firy no nananantsika? Mazàna ny roa, roa na telo, dia fanamarinana iray. [Hoy ny olona iray hoe, "Telo."—Mpand.] Ahoana hoe? [Hoy ny olon-kafa iray hoe, "Efatra no nanananao."] Efatra? ["Eny."] Ity anankiray mitsangana eto ity ve no fahadimy? Eny àry.

⁶¹⁴ Ndao isika—ndao isika hino amin'ny fontsika rehetra, Fa Jesosy Kristy ilay Zanak'Andriamanitra no tsy miova omaly, anio, ary mandrakizay.

⁶¹⁵ Ho an'io zazakely io no maha-eto anao. Raha hanambara amiko an'izay tsy mety amin'io zazakelinao io Andriamanitra, dia hino ve ianao fa hanasitrana azy Andriamanitra? Tratry ny

aretim-po mampahatahotra ilay zaza kely. Marina izany. Ilay za... ianao tsy, tsy avy eto ilay zazakely. Avy any ivelan'ny tanàna izy. Any ivelan'ny fanjakana izy. Mino ve ianao fa afaka miteny amiko Andriamanitra hoe avy aiza ilay zazakely? Hino ve ianao, ary hino fa ho salama izy arak'izany? Ento miverina any Franklin izy, Kentucky. Eny, madama, ary minoa amin'ny fonao rehetra. Raha hino ianao, izay ihany no tokony ataonao.

⁶¹⁶ Avelao—avelao... Tongava eto iray minitra fotsiny. Manameloka an'io zavatra ratsy io aho. Amin'ny Anaran'i Jesosy Kristy, enga anie hiala ny fahafatesana, ka ho tonga ny fiainana.

“Hametraka ny tànany amin’ny marary izy ireo, dia ho sitrana ireny.”

Te-handeha hihinana ve ianao? Mihevitra ve fa hanao anao hahatsapa ho tsaratsara kokoa Izy? Mandrosoa. Niala taminao ilay izy ankehitriny. Amena.

⁶¹⁷ Mino ve ianao fa hiala aminao io aretim-behivavy io? Eny àry. Mandehana mankeo amin'ny sezanao ka manaova hoe, “Misaotra Anao, Tompo.”

Manao ahoana ianao, tompoko? Oh, io devoly io, sohika!

⁶¹⁸ Vetivety fotsiny. Vetivety fotsiny ankehitriny. Nisy zavatra tsy nety... Nisy zavatra tsy nety; nety tsara. Ankehitriny, misy zavatra ato, mitovy, izay nahazo an’ity lehilahy ity tamin’ity fotoana ity mihitry. Mamelà ahy hahita indray hoe inona ilay izy. Jereo fotsiny aho ankehitriny. Aza milaza na inona na inona. Vetivety fotsiny.

⁶¹⁹ Lehilahy mainty hoditra iray ilay izy, mipetraka eto aorianao eto, mijery ahy. Izany dia ny... izy dia—manana olona iray izay marary izy. Marina izany. Tratry ny sohika sy aretin'ny taolan'rona. Marina izany. Nikasika Azy ianao. Tsy avy eto ianao, tompoko. Avy any Atsinanana ianao, avaratra atsinanana, amin’ity lâlana ity. Avy any New York ianao. Eny, tompoko. Marina izany. Ianao no Atoa. Hunt. Minoa ankehitriny. Eny àry, tompoko. Tsara izany.

⁶²⁰ Sakaizanao io mipetraka eo akaikinao io, mivavaka. Mino ahy ve ianao, tompoko, ho mpaminanin'Andriamanitra? [Hoy ilay rahalahy hoe, “Eny.”—Mpand.] Tonga eto ianao miaraka aminy. Ny anaranao dia Coleman. Ary ianao—mivavaka ho an’ny ray iray ianao. Izay tratry ny famelezana iray. Izany no HOY NY TOMPO HOE. Minoa. Mandehana, minoa ankehitriny, hiala aminao izany.

⁶²¹ Manana vavony iray mikorontana ianao, manome olana anao. Tsy marina ve izany? Mandehana, mihinâna. Amin'ny Anaran'ny Tompo Jesosy.

Mino ve ianao fa nanasitrana anao Izy? Miverena fotsiny ka manaova hoe, "Misaotra Anao, Tompo Jesosy." Minoa amin'ny fonaو rehetra.

⁶²² Voaelingelin'ny aretin'ny fikorontanan-tsaina ianao, mikorontana tanteraka, sy ny sisa. Minoa amin'ny fonaو rehetra. Miverena ary aoka ho salama.

⁶²³ Fikorontanan-tsaina. Minoa amin'ny fonaو rehetra fotsiny. Minoa fa hanao anao ho salama Andriamanitra, dia hanao an'izany Izy. Aza misalasala na kely aza.

⁶²⁴ Fikorontanan-tsaina sy aretim-po. Mino ve ianao fa hanao anao ho salama Jesosy Kristy? Mandehana, aoka ho salama, amin'ny Anaran'i Jesosy.

⁶²⁵ Fikorontanan-tsaina, mikorontana, aretim-bavony no manelingelina anao miaraka amin'ny tsy fahalevonan-kanina ao amin'ny vavoninao manao ny sakafonao harikivy. Mandehana, aza misalasala ao am-ponao; dia hiseho izany, tsy hanana an'izany intsony ianao.

⁶²⁶ Efa nanelingelina anao ny lamosinao. Mino amin'ny fonaو rehetra ve ianao? Noho izany, dia hanao anao ho salama amin'io Jesosy Kristy.

⁶²⁷ Vetivety fotsiny. Mipetraha tsara, vetivety fotsiny. Nisy zavatra nitranga ankehitriny. Hafahafa ity vehivavy eto ity. Nanodidina azy io Hazavana io, tena haingana, avy eo dia lasa, ary niverina avy hatrany indray. Nisy zavatra nitranga. Vetivety fotsiny. Lehilahy iray maity hoditra ilay izy, azoko antoka fa tsy ilay rahalahy maity hoditra teo izany, satria ilay izy dia tonga... Iray minitra fotsiny. Io ilay izy. (Mihemora, ry Billy.) Io ilay izy.

⁶²⁸ Ity lehilahy mipetraka eto ity ilay izy, lehilahy maity hoditra. Ianao dia voaelingelin'ny aretin-damosina, ihany koa. Marina izany. Vahiny amiko ianao. Izany aho aminao. Fa misy zavatra anankiray izay ilainao tsaratsara kokoa noho ilay aretin-damosina, izany dia, ny hanome ny fonaو an'i Kristy, ho lasa Kristiana iray. Ianao dia tsy... Hanaiky Azy ho Mpamponjinao ve ianao? Avy any Ohio ianao. Marina izany. Avy any Ohio. Miverena, aoka ho salama. Mamela ny fahotanao Jesosy Kristy, ary afaka mandeha mody ianao ka aoka ho sitrana. Ankehitriny dia tapitra ny rehetra. Afaka mandeha mody ianao ankehitriny. Minoa amin'ny fonaو rehetra.

⁶²⁹ Eny àry, ranabavy, avia. Fahasarotana, sy fikorontanan-tsaina, ary trotraka. Mino amin'ny fonaو rehetra ve ianao fa hanao anao ho salama Andriamanitra? Mandehana mankeny amin'ny sezanao, ka manaova hoe, "Misaotra Anao, Tompo Jesosy, noho izay rehetra Nataonao ho ahy."

⁶³⁰ Mino ve ianao fa hanao anao ho salama Andriamanitra Tsitoha, sy hanasitrana ny lamosinao, ary hanao anao ho salama,

ka hanasitrana ny aretin'ny voa, hanao...? Mandehana—mandehana manohy ny lèlanao avy hatrany, mifaly, ka manaova hoe, “Misaotra Anao, Tompo Jesosy.”

⁶³¹ Mino ve ianao, anaka, fa manao anao ho salama Izzy? Manaova hoe, “Misaotra Anao, Andriamanitra malala.” Mandehana, midera an’Andriamanitra fotsiny.

⁶³² Ankehitriny dia mino amin’ny fonao rehetra ve ianao, ranabavy? Noho izany mandehana, dia hanao anao ho salama anie Jesosy Kristy.

⁶³³ Vetivety fotsiny. Tsia, tsy izy ilay izy. Iray minitra fotsiny. Tsy ilay ramatoa eo ilay izy. Iray segondra fotsiny ankehitriny. Vetivety fotsiny.

⁶³⁴ Nahita rano nitosaka teo amin’ny zavatra iray aho. Misy olona iray eto izay niampita ny ranomasina, avy any ho any. Vehivavy iray izany, ary avy any Hollande izy. Aiza izy? Io izy. Eny àry, ranabavy. Avy tany amin’ny lèlana lavitra ianao ho an’ny fahasitranana. Mino ahy ho Mpaminaniny ve ianao? [Hoy ilay anabavy hoe, “Oh, eny.”—Mpand.] Mijaly amin’ny aretin-dohalika ianao, sy aretin-kozatra, fihenjanan-kozatra. Minoa an’i Jesosy Kristy Tompo, dia ento mankany amin’ny olonao ny Hafatra. Andriamanitra hitahy anao. Hiala aminao izany ary afaka mandeha ianao ka ho salama. Amena.

Mino ve ianareo?

⁶³⁵ Indro, eto amin’ny farany aoriana, misy vehivavy iray mipetraka eto aoriana eto mihitsy. Ary mijaly amin’ny aretin’ny tranon’afero izy. Oh, diso an’izany izy. Andriamanitra, ampio aho. Izy—avy any Indianapolis izy. Ny anarany dia Gilbert. Mitsangàna eo amin’izay misy anao, ramatoa. Eo ianao izao. Aoka ho salama, amin’ny Anaran’i Jesosy Kristy.

⁶³⁶ Mino ve ianareo rehetra, amin’ny fonareo rehetra? [Hoy ny fiangonana hoe, “Amena.”—Mpand.] Apetraho ny... Nitsangana tamin’ny maty ve Jesosy? [“Amena.”] Izy ve no tsy miova omaly, anio, ary mandrakizay? [“Amena.”] Apetraho eo amin’ny anankiray hafa ny tènanareo ka ndao isika hivavaka, raha mivavaka ho an-dRanabavy Kelly aho.

⁶³⁷ Tompo Jesosy, aoka ho tonga ato amin’ny fiangonana Ny Herinao Masina ankehitriny! Ary enga anie Izzy hitety manerana ary ao amin’ny anabavinay eto mba hitahiry ny ainy, Tompo. Omeo azy io fahasitranana lehibe izay takiany io, Tompo. Sitrano ny Vahoakanao eto. Raiso ho an’ny Tenanao ny voninahitra. Ekeo izany, Tompo.

⁶³⁸ Ary enga anie ireto olona eto ireto izay mametraka ny tanàny eo amin’ny anankiray hafa ankehitriny.

⁶³⁹ Satana...

Manatona an’ireto mosara ireto izahay ankehitriny; amin’ny Anaran’i Jesosy Kristy, enga anie ho sitrana ny olona tsirairay.

Tompo, amarino miaraka amin'ireo famantarana manaraka Ny Teninao.

⁶⁴⁰ Ary ankehitriny, Satana, ianao devoly maloto, resy ianao. Andriamanitra no nilaza fa hamerina an'ilay Zanak'Andriamanitra Izzy, Izay navadikao tamin'ny alàlan'ireo fanekem-pinoanao. Izzy no nampanantena fa hamerina an'ilay Fiangonana ho eo amin'ireo toerany taloha, rehefa mamiratra ireo Hazavan'ny hariva. Ary miaina ao anatin'Izany izahay. Ary amin'ny alàlan'ny famerenana, dia manana zô izahay, manana ny Mpisolovavanay izahay, manana ny Mpisolovavanay izahay, ny Mpisoronabenay, ary hanery an'ilay fitakiana izahay. Efa ela no nihazonanao azy ireo. Tsy afaka manao an'izany intsony ianao. Mandidy anao izahay, amin'ny Anaran'i Jesosy Kristy, amin'ny alàlan'ny herin'ny Fitsangananay sy ny Fanahy Masina izay manatrika ankehitriny: Mivoaha avy ao amin'ity mpanatrika ity!



NY FAMERENANA AN'ILAY HAZO AMPAKARINA MAG62-0422
(The Restoration Of The Bride Tree)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 22 Aprily, 1962, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org